

84 (2 РОС.Х2К)


К 59


671


КОКОВ М. С., АГРАНОВ М. А.,  
ШТЫГАШЕВ П. Т.

ХУДОЖЕСТВЕННАЙ  
ПРОИЗВЕДЕНИЕЛЕРНІНЪ  
СБОРНИГЫ

ХАКОБЛНАЦИЗДАТ—1949







84(25X)  
К 59

КОКОВ М. С., АРШАНОВ М. А. паза  
ШТЫГАШЕВ П. Т.

ХУДОЖЕСТВЕННАЙ  
ПРОИЗВЕДЕНИЕЛЕРНІНЪ  
СБОРНИГЫ



К + 59/23.2/3  
✓

ХАКАССКАЙ  
ОБЛАСТЬТАГЫ НАЦИОНАЛЫНАЙ ИЗДАТЕЛЬСТВО  
АБАКАН—1949

КОКОВ М. С., АРШАНОВ М. А.  
и ШТЫГАШЕВ П. Т.

СБОРНИК  
ХУДОЖЕСТВЕННЫХ  
ПРОИЗВЕДЕНИЙ

(НА ХАКАССКОМ ЯЗЫКЕ)

Составители:

Чанков Д. И., Доможаков В. И.

## СОВЕТСКАЙ ХАКАССИЯНЫНЪ ПАСТАФЫ ПИСАТЕЛЬЛАРЫ.

Советской литературанынъ көп национальной характерлығ полчатханы инъ чахсы сарииларынынъ пірсі полча. Советской государствонынъ ленинско-сталинскай национальной политиказы СССР-дегі харындас чоннарнынъ культурызынынъ алғым паза прай сариннанъ бозеріне чол пирген.

Харындас республикаларнынъ писательларынынъ, алыш алзабыс: белорусской Янко Купало паза Якуб Колас поэттарнынъ стихтары, украинской писатель Гончарнынъ „Знаменосцы“ тіп романы, таджикской Турсун-Заде поэттынъ стихтары паза аннанъ даа пасха көп андағ, чонға хыныстығ, аарлығ произведениялер чили, социализм страна-зында СССР-дегі чоннарнынъ культурнай памятниктары чахсы көріліп изучаться полылчалар.

СССР-нинъ харындас национальносттар писательларынынъ произведениялері көп сборниктарнанъ русской тілненъ издаваться полылчалар. Олар пасха даа чоннарнынъ тіллериңе тілбестелчелер.

Ол онъдайнанъ, көп национальносттығ харындас чоннар удурт-төдір пілізіп, постарынынъ литературааларын пайытчалар. Андағ палғалыс наа писательларнынъ бозеріне полысча паза чол пирче, аны піс көп национальной литературанынъ представительлерінің творчествозы босметкенінде көрчебіс.

Хакасской литература тынъ чиит, че алнынзар парар көп перспективалығ. Хакас чон тынъ пай фольклор пүдір-салған: тахпахтар, ырлар, сөспектер, тапчанъ нымахтар паза тынъ хынығ, алыштығ нымахтар.

Хакас чон, харасхы, пазығдағы чуртас вектерін тобыра, төлденъ төлге ზоохтап, позынынъ устнай творчествозын пүүнгі күнгे читірген. Революция алнындағы Хакассияда чоннынъ ол пай творчествозына хайығ салып, аны чып,

изучать поларына условиелер чох полған. Хакас чонның хан түзында позының письменнозы даа чох полчанъ.

Советской ла ўлгүнің түзында хакасский фольклорны чып, аны прай сариинанъ изучать поларға прай условиелер пирлгеннер.

Революция алнындағы хакас чонның фольклорында— нымахтарда, тахпахтарда паза ырларда—піс чонның хачан-да чахсы чуртас поларына ізенген сағыстарын көрчебіс. Іди, нымахтарның геройлары — чох-чоостар хачан даа хыйға,ötкін иде көзіділіп, постарының пай, хан, абыс-ырычыларын чинъедірлер.

Хан түзындағы тахпахтарда істенці чонның аар, хомзынып чуртааны истілче:

Ах чазызар сырып, көрзем,  
Ах от пазы чайхалча;  
Арга чонның чобаан көрзем,  
Ала хараамнанъ час ахча.

Че чонның ўнінде, хомзының ырларынанъ хада, пазығданъ позиры—күрезіг ырлары истілче. Чон аразындағы тахпахчылар паза хайчылар постарының пайларының алнында чалтанмин, оларға тоғыр күрезер көннілдерін көзідіп ырлачанънар.

Хакастарның алыштығ нымахтарындағы алыштар көбізін чонның ўчүн күрэзедірлер (Ала-хартыға, Алтын-ирек паза аннанъ даа пасхалары). Олар, пір дее чалтанмин, ханға-пайларға тоғыр, алайда нымахтағы чудовищлерге (Хара-моос, Ўзүт-арығ, аннанъ даа пасхалары) күресчелер. Оларның образында иргіде көчіп-чörченъ хакас позының классовай паза тастындағы ырычызын көрченъ.

Іди хакас чонның иргіде чуртааны паза чахсы чуртасха килерге сағынчаа чон творчествоның инъ чахсы образецтарында көзіділ-парған.

Советской ўлгү турғали Хакассия таниры чох иде пасха пол-парған. Сталинской пятилеткалар чылларында электричество оттары чарыбысханнар, алтын промышленнозы ёс-парған, Хакассияның амды істенці чонның холындағы, ниме чахсы ёзедірген чазыларына тракторлар, комбайннар килгеннер, тоғысчылар паза школа, клуб, больнициалығ, станционнай посёлоктар ёсклеп парғаннар.

Позының түзында Чехов, күстіг Енисейнің хазында полып, сағын-турған: „Хайдағ ла толдыра, хыйға паза күстіг чуртас хачан-полза пу сүгның хастарын чарыдыбызарні!“

Ырах нимес ол тус, хачан Хакассияда южно-сибир-  
ской магистральның рельстері чалтрабызып, Абаканы  
ССР-нің западнай чардығынанъ піріктір-саларлар. Ан-  
дада пазох наа онъдайлар азылып, Хакасскай автономнай  
область уламох тынъ онъненібізер.

Советской времяда чатханнанъ хомыс таа наа онъдай-  
нанъ ўнненібіскеннер. Хайчылар Ленинненъер, Сталин-  
нанъар паза сталинскай конституцияданъар наа ырлар  
пұдір-салғаннар. Олар постарының тахпахтарынанъ Вели-  
кай Отечественнай чаа чылларында фашизмны чинъерге  
хабасханнар. Амды олар колхоз чазыларындағы өрініс  
істенізіненъер, социалистической істеністівъ геройлары-  
нанъар, Советтар страназындағы өріністіг, көгліг чуртас-  
танъар ырласчалар.

Пастағызын на, Советской ўлгү тузында, пістінъ көп  
национальностығ литератураның инъ чииттерінінъ пірсі  
— хакасскай литература өзіп пастваан. Анынъ фольклор-  
данъ пасха традициязы, позының классиктары чох пол-  
ған. Ол пастағы тустанда (хаалағларда) фольклорданъ сы-  
ғара төстеліп, ағаа чөлөніп өзіп пастваан. Хакассияда пас-  
тағы поэттар—М. Коков, М. Аршанов, П. Штыгашев фор-  
мироваться полылғаны алнынзар улуғ хаалағ полған. Піс-  
ке, іди хакасскай литератураны төстееннернінъ хайдағ-  
туза киргенін піліп, хакасскай литератураның аннанъ  
андар өзеріне хайдағ полызығ иткенін паалап пілерге  
кирек.

Тынъ чиитте ўреп парған комсомолец—поэт М. Коков  
Хакассияның инъ пастағы драматургы полча. Ол Хакас-  
сияда Советской ўлгүні пиктир алнындағы, 1918—20 чыл-  
лардағы, хакас чонның күрезин көзідіп, „Акун“ тіп  
пьеса пас-салған. Ол пу драма советской ўлгүнінъ ыыр-  
чыларынанъ күрескен чон геройын—Акунны чарых көзіт-  
салған. Пірее читпес сариилары пар даа полза, „Акун“  
пүүнгі күнге теере хакасскай драматургияда инъ чахсы  
пьесаға саналча.

Аршанов, Штыгашев паза Коков көбізін поэттар-лирик-  
тер полчалар. Олар странаның ленинско-сталинскай эпо-  
хадағы харындас республикаларынъ чөбінде хакас чон-  
ның наа чуртас алғанын паза анынъ сағызын, чүрегін-  
дегі өрінізін көзідерге хынчанънар.

Пу ўс поэттың инъ ғағын өбн темалары—Советской  
Союзтың чоннарының вождьтары—Ленинненъ Сталин-  
нанъар паза партияданъар полча.

Михаил Аршанов Ленинненъер теманы „Ленинненъер“ тіп стихотворениесіндегі чарытча. Лениннің образы конкреттәр сарииларынанъ хыныстығ иде чарыдылча. Чоннынъ великий вожді істенчі чонға тынъ өзгөн полчатханы таныхталча:

Кем полғандыр чир ўстінде  
Гений, вождь пролетариаттынъ,  
Компартияны төріткен,  
Кохоз хонинн тостеен?

—Ленин.

Кем ни чоннынъ чаасказы ўчүн  
Кби иресін көр-турсанъ,  
Кби—илбек пілізі сылтаанды  
Күрөзігде ырычыданъ асхан?

—Ленин.

М. Аршанов партияданъар теманы ідәк сын, художественнай онъдайнанъ чарых көзіткен. Ол „Сталинненъ партиязынанъар“ тіп стихотворениесіндегі партиянынъ чончуртазындағы ролін көзітче.

Советской чонны партия устаанынаң  
Социализм пұдірдібіс.

Кöёленістіг чұртбыстының  
Кöрген хараа син полдың.

Партиянынъ істеністегі чидіглері мындағ образтарча чарыдылча:

Харсақтығ анъ сыйлабаан чирні,  
Ханаттығ хус тұспеен пусты,  
Хаалап, кізі паспаан өзінін  
Харазып, картаа кирдінъ, Партия.

Партияданъар тема поэттынъ чүреене тынъ өзгөн, че Ленинненъ Сталин аны устапчатханын Аршанов особай лиризмненъ chooxтапча:

Ачых соохтарда, сырлама ізігде  
Аарлап (сині) тутханнар Ленин, Сталин.

Партия істенчі чонны чинъіске көдірген:

Чабырыл-парған отты сыйхырып,  
Чалбырандырғазынъ син, Партия!

Ол онъдайнанъ, советской поэттарнынъ лириказынынъ инъ кирек темалары пістінъ пастағы поэттарнынъ творчествозына кіргеннер. М. Аршанов позынынъ стихотво-

рениеziнде пу теманы прайзынанъ артых ча хыс паза художественнай онъдайнанъ чарыт-салған.

Полған на поэттынъ стихотворениелінде Родинаданъар тема пар. Полғаны ла позынынъ онъдайынча Хакассиянынъ советской полчатханын көзідерге күстенче. Ол задачаны оланъай онъдайнанъ сын иде П. Штыгашев толдырған. „Хакас чирінінъ пайы“ тіп стихотворениеziнде хакас чирінінъ палыхнанъ, анънанъ, хуснанъ паза металланъ пай полчатханын көзітче, пірееде аны конкретизировать полча:

Көк хаялығ узун чул  
Киндір тастығ полчадыр;  
Көгер-турған Пулан көл  
Көні тағда турчадыр.  
Сорлап аххан Нимір сұғ  
Сайда алтын тутчадыр;  
Саалап аххан Нині сұғ  
Сарығ тіген пирчедір.

Коковнанъ Аршанов ол теманы аннанъох артых чарытханнар.

Поэттар, пастағы опыттарында фольклорға чөленіп, пірее чаҳсы образтарны аннанъох алчанънар. Аршанов позынынъ „Чарых чылтыс“ тіп стихотворениеziнде Советской Хакассияданъар фольклор тіліненъ піди чоохтапча:

Мондылып бсчеткен порчо осхас  
Пістінъ Хакассия

Хакассиянынъ істенчілерінінъ пазығ чох, көгліг чуртапчатханын көзідер үчүн чонға қағын тахпаҳнанъ чоохтапча:

Талай чіли көлбейчеткен  
Тобырган чирні порчолығ от.  
Тасхыл чіли хархай-турған  
Ленин төстен піске чурт.

М. Коков „Өскен чирібіс СССР“ тіп стихотворениеziнде, пістінъ Родинабыстынъ пайын көзідер үчүн, ідәк чоннынъ устнай поэзиязынанъ фольклорнай образтар алча:

Чазы, хыр, тағ, тайғазы  
Чарых бінъ торғы часхандар,  
Санъай ла көл, талайы  
Сарығ алтынны ургандағ.

Хакассиянынъ чидиинде прай страназын көрchetкені поэттынъ политической сариинар пöзік турчатханын көзітче:

Хаңан даа син, СССР оолғы,  
Харчых көрбес поларзынъ.

Поэт орнында халбин, аннанъох андар, алнызар көрче:

Ос, ёс—күнненъ күнгө тыырға,  
Олер блім пілбеске!  
Ос, ёс—коммунизм стройға  
Өён чидігліг киберге.

Хакасский поэттар іди советской Хакассияны чарыдып, ідәк Москваданъар choхтап, аны көзідерге күстенчелер. М. Аршанов Москваданъар піди ырлапча:

Аймах-пасха нациялыг пістінъ чоннынъ  
Чарии, оды, чалахайы—Москва.

Көп темаларнынъ пірсі — хакастарнынъ иргі, хан тузында чуртаанын амғы советской Хакассиядағы чуртаснанъ тиңнестіргені полча. Пу теманы хакасский литературанынъ пастағы писательлары, нымахчылар алайба тахпахчылар чіли choхтабин, постарынынъ онъдайынча пүдіріп, хакасский литератураа наа содержание паза форма киргеннер.

Поэттар—пастиғчылар, чон ырларындағы параллелизмы киректебин, постарынынъ стихотворениелеріне наа образтар киріп, теманы алғыда чарытчалар. Пу теманы Коков таа, Аршанов таа, Штыгащев таа киректеп, полганы ла позынынъ онъдайынча чарытхан. Коков позынынъ „Ипчілер ыры“ тіп стихотворениезін чон ырларынынъ формазына төйіп идіп пас-салған. Чон ол ырны ам даа аалларда ырлапча. Коков хакас ипчинінъ революция алнындағы чуртазын көзіт-пирген:

Ирге күстеп пирлченъміс,  
Інек, хойға садылып,  
Ибде, тасхар тоғынчанъмыс,  
Хул күйін күнненіп.  
Иринінъ холы хатығ полчанъ,  
Ікі тулунъ чұлылчанъ;  
Ибденъ аар-пейр позытпаchanъ,  
Ікі харах көгерченъ.

Ікінчі чардығында автор Советской ўлгү ипчілерге хайдағ наа чуртас пиргенін choхтапча:

Ипчі амды знатнай кізі,  
Ирлерненъ тинъ праволығ.

П. Штыгашев ол теманы конкретнай онъдайнанъ чарытхан. „Анисанынъ тогызы“ тіп стихотворениеде Октябрьской революции алнындағы харасхы, правозы чох полған чуртасты амдығы чуртастынъ хринда тұс ле полған осхас тіп chioхтапча. Амғы советский Хакассиядағы ипчіні көзідерге киілістіре образ таапча: „Чалтрама күн осхас анынъ узы“. Культурнай чуртас, творческой тоғыс паза культурнай тынағ амғы чуртаста.

Хакас чоннынъ иргіде хайди чуртаанын Штыгашев „Апон чалчы“ тіп стихотворениезінде, чох-чоос кізінінъ чуртазында көзідіп чарыт-пирген:

Иркін хринда узучанъ,  
Иргі таарын чабынчанъ;  
Иртен ирте тонаңчанъ,  
Ибде тогынып хайынчанъ;  
Чиг іпекиенъ чай ізіп,  
Чазызар отха ол парчанъ.

Пу стихотвореніенінъ темазында, чох-чоос кізінінъ күзін пазынған абысты тоби көзіткенненъер, политической сариинанъ чітіг полча.

Хакассиянынъ природазынынъ пайынанъ хан тузында тузалан-полбачанънарын Штыгашев „Манънай-вожак“ тіп, поэмаа тоби стихотворениезінде көзіт-пирген. Манънай, аңчы кізі, тайгада позы тогынып чуртачанъ. Атхан аңынарын албанға пир-турчанъ. Манънайнынъ тартынчах полчатханы ла анынъ чуртазын сала онънендеріченъ. Аныманъ ол пайларнанъ күрәсченъ.

Алыптар тудысханын  
Артых хоостап апарған.  
Ачын пайынъ хыйтығын  
Ачыгланып ол харғаан.

Манънай пірсінде „им суғ“ тапхан. Андар курортха пайлар чөріп пастааннар, Манънайны тізенъ ундут-салғаннар. Стихотвореніенінъ соонзархызында автор совет ўлгүзі тузында курорттарнынъ істенчі чонға пирілчеткенін таныхтапча.

Пу теманы М. Коков чаҳсы чарыдып, читре көзіт-пирген. Анынъ „Сталиннынъ адынанъ“ тіп стихотворениезінде иргідегі пазығлығ, харасхы чуртас тынъ чарых, тириенъ көзіділче. Иргідегіні Коков амғы Хакассиянынъ социалистический кізінінъ хараананъ көрче.

Че чарых пілчебіс чүрекненъ, ундубасха,  
Чуртыбыс хайдаг поларчых анда,  
Сынап иргідегі аар чуртас күсненъ  
Чох идібеен полза орнынанъ.  
Пабалар кискен қыртыых киптер артыларчых  
Пістінъ инънібіске—азырылбасха,  
Пайлар тастандызы хатығ-хутуғлар азых поларчых  
Пүре тартылған харныбысха.

Коков позынынъ стихотворениелерінде иргідегі харас-  
хыданъ амғы чарых советской Хакассиянынъ чоннары-  
нынъ чуртазын тинънестір-пілген үчүн күстіг полча:

Кичеегі бліг чазы-тайғаларда пүүн  
Хынығ, никін чуртас полыбысхан.

Коков советской действительностынъ наа сарииларын  
сынынанъ көзіт-салған:

Хайдар хынзанъ, андар пар тоғынарға,  
Хынзанъ ўгрен имче, лётчикка.

Коковтынъ стихотворениелерінінъ политической сарии-  
нанъ читрезін наа чуртаста партия паза Сталин устап-  
чатханын чахсы піліп, аны таныхтааны көзітче:

Піске, наа чоннынъ төллериң—советской чиниттерге,  
Прай нимедең аарлығ—Сталин.  
Плектегі күс, паствағы сағыс, көгістегі тын аяғ нимес  
Пірібізерге, кирек полза, анынъ үчүн.

Анынъ пу тынъ чахсы стихотворениезі прай паствағы  
поэттарынъ хынғанын чарыт-салған.

Поэттар, социалистический Хакассияны—чир-сұғны  
көзідіп, чуртастынъ инъ чахсы, наа сарииларын, совет-  
ской чоннынъ тоғысха социалистической отношениезін  
көзітчелер. М. Аршанов позынынъ „Хадарчынынъ ыры“,  
„Хазыр нанъмыр“ тіп стихотворениелерінде ол теманы  
природа картинасында, хадарчынынъ тоғызында көзідіп  
чарытча. Ол стихотворениелер хакас чоннынъ істеністегі  
брігізін көзідіп, тынъ лиричнай паза хыныстығ полчалар:  
„Хазыр нанъмыр“ тіп стихотворениеде Көпеең тіп хадарчы  
колхоз хойларын хазыр, чилліг нанъмырда арачылап  
халча. Ол онъдайнанъ, Аршанов советской кізінінъ  
тоғысха наа отношениезін көзіт-салған.

Аршанов „Паровоз“ тіп паза айнанъ даа пасха сти-  
хотворениелерде паствағы наа советской техниканы көзітче.  
Іди чуртастынъ наа сарииларын чарых көзідіп, Аршанов  
позынынъ онъдайнанъ Коковтанъ паза Штыгащевтанъ  
пасха полча. Че андағ даа полза, Коковтынъ Аршановти

осхас темалары пар. Коков Аршанов чіли советской Хакассияны ла көзідерінде халбин, илбек, социалистическая значениеліг темаларны көздерге хынча. Примерге алзабыс, „Пістиизінъ“ тіп стихотворениезі Арктиканы чинъенненъер пасханы полча паза Хасан көлдегі чаалазығданъар чоохтапчатхан— „Самурайлар кёкееннер“ тіп стихотворениелері андағ полчалар. „Пістиизінъ“ тіп стихотворениеде соохнанъ пораан на хан полчатхан чирні көзідіп, советской лётчиктарның анынанъ махачы күресчеткенін көзітче:

Арктика аны удурлаан,  
Азра пурғун шулғадып,  
Аяп, позын пиктенген,  
Алғым күзін күстеніп.  
Хынған күзреен моторны  
Хыза чилненъ сабарга,  
Хызыл чүреен—полюсты  
Кізее пір дее пирбеске.  
Че хайди даа харазса,  
СССР хузын тут-полбаан;  
Чалбах талай ўстінче  
Чапси іскер іртірген.

Іди Арктика „ЭЭ позына табынған“.

Пастағызын на Коков хакасской литературада, советской кізінінъ приордананъ күрезіп, чинъенін паза анынъ пайын позына алып алғанын көзідіп, наа тема асхан.

„Самурайлар кёкееннер“ тіп стихотворениезінде Коков, империалистическая Японияға сатирический образ пиріп, күлкүстіг көрімде көзіт-салған:

Токиога генераллар  
Телеграмма пасханнар:  
„Танъда-пүүйк хызыллар  
Тап, тос чіли тоолирлар!“  
Чаңындағы чернила  
Чахсы хураалағындох  
Заозернайның ўстінде  
Самолёттар күзрекен.

Коковтың сатиразы оттығ тиріг полыбысхан:

Хасандагы урокты  
Хайди-піди үндубыссар,  
Хабыра әскең тұмзұхты  
Хатап піссер суныбыссар:  
Көстел-турған күн хараа  
Кидертің сірерге сығыбызар,  
Кічесе чыргаан чұрттынъар  
Хыбын күл ле пол-халар.

М. С. Коков, поэт паза драматург полғаннанъ пасха, прозаик полып выступать полған. Ол Хакассияда инъ не пастиғызын „Өріністіг төғазығ“ тіп повесть пас-салған.

Ол повесттә Коков чох-чоос семьязынанъ сыххан Роман оолахтынъ чуртаан историязынанъар пасча. Романынъ Хакассияда кулачествоны чох итчеткен туста күрекені чарых көзіділче. Піс Романны нинче-де чыллар соонда комбайнер-стахановец пол-парғанын көрчебіс.

Тиксі коллективизация соонда Хакассиянынъ хайди таниры чох иде пасха пол-парғанын Коков, пейзажтынъ алысханында көзідіп, іле чарытча:

„Хайдағ табрах алысча чуртас! Пу наада ла Тарғы чул қазызы оліг чир полған. Анда, пайларнынъ чайғыда мал турчанъ хазааларынанъ паза чалчылары чуртаchanъ пір-ікі тураларынанъ пасха, ниме чох полчанъ. Қазынынъ істін яңыландыра узун мойынығ турналар, пора хузурухтығ торғайлар үзүгі чох тапсас-турчанънар. Хараагызын пүүрлер улузып, қазынынъ халын уйғузын чарбыхтырчанънар. Че амды хайдағдыр ол? Анынъ күрдек көкксін колхозтарнынъ маллары турчанъ көп саннығ хазаалары, астарын урчанъ анъмарлары, колхозниктар чуртаchanъ хос туралар чазапчалар. Иргідегі сас оттарнынъ орнына айға, күнге сусталып, астар осчелер, турна тапсастанын, пүүр улустарын—тракторлар тадразы, машиналар күүлезі алыстырыбысханнар.“

Мындағ көрімдे Коков колхозниктарнынъ тоғызын көзітче.

Белофиннарнанъ чааласчатхан чылда Коков фронтха парча. Позы чаалазығда аралазып, чаадағы прай обстановканы киртістіг, іле көріндіре чоохтапча. Роман аргызы Крзяннанъ хада герой-патриот полып чааласча.

Чаа тохтап парғанда, Роман Тания хыснанъ тоғас-парча. Тұгенчізінде піс көкссінде орденнығ Романны позынынъ аргызынанъ—врач Татьянананъ хада турчатханын көрчебіс.

Коков Ленин-Сталин партиязы воспитывать полған, советской Хакассиянынъ тылда паза фронта герой полған оланъай кізінінъ биографиязын көзіт-пирген. Коковтынъ, советской кізінінъ ёс-парғанын даа көзітсе, партиянынъ устапчатханын пір дее большевиктінъ образында көзіт-пені повесттүнъ читпес сарии полча.

Фронтовой стихотворениені ағаа пазарға киліспеен (1941 чылда ол ўреп парған). Анынъ „Призывникиның ыры“ тіп стихотворениеінде, чаа полыбысса, позынынъ советской гражданин чіли полары іле көрінче.

Фронтовой стихтарны Аршанов пасхлаан. Анынъ тынътиренъ чувствованъ пазылған стихотворениезі „Көнъім ўлұзін фронтта кілеп тапсын письмом“ полча. Ипчізі, фронттағы аргызына пасхан письмоында, ырычыны чох идіп, чинъістіг айланып тоғазарға чаҳыпча. Аршановтынъ „Сталиннынъ үчүн чаага паарбыс“ тіп, ырычынанъ күрэзерге чалының хығырығлығ, патриотической стихотворениезі полча. Ол пістінъ чоннынъ моральной паза политической пір полчатханын позынынъ онъдайынанъ чарых көзіт-салған:

Хайди айдас піс тоғынарбыс,  
Ідőк тудыс фронтта наар;  
Хайди манъзрап піс тудынарбыс,  
Ідőк табрах армия күс алар.

Аршановтынъ стихтары Отечественнай чаа күннерінде фронттағы паза тылдағы геройларны чинъіске көдіргеннер.

Іди пастағы хакас поэттарнынъ тематикалары илбек полған. Че олар прайзы ла читіре, толдыра ниместер. Оларнынъ піреездінде читпес сариилары пар, піреездінде улуғ читпестер пар.

Штыгашев позынынъ „Манънай-вожак“ стихотворениезінде улуғ политической алчаас ит-салған. Ол хан Россиязы тузында русскайларнынъ хакас чоннынъ чуртазына хомай ла сариинанъ влиять полғанын көрче, русской чоннынъ передовой культурызы хакастарға көп тұзағылғанын ол көрбінче.

Штыгашевтынъ сборникка кірбеен „Арығ санас“ тіп, 1940 чылдағы 1 № Хакасский альманахта пазылған стихотворениезінде пайларнанъ арығ санас советской үлгү турған пастағыоъ чылларда пол-парған тіп саба чоохталча. Піс пілчебіс: кулачество, класс полып, великий перелом чылында—1930 чылда ла чох иділген.

Пірее стихотворениелерінде выводтар чох полча. Штыгашев іди позынынъ „Күскү“ паза „Часхы“ тіп стихотворениелерінде природанынъ на хайдағ полчатханын хоостап чоохтапча.

Штыгашев иргідегіні амдығыданъ іле көзітче. Ол революция алнындағы хакас чоннынъ пайларға, абыстарға пазындырганын чарых көзіт-салған. Че наа, советской Хакассиянынъ кізізін көзідеріне ол чит-полбаан.

Пастағы поэттар постарынынъ инъ чахсы стихотворенилерінде социалистической Хакассиянынъ кізізін көзідеріне чидіп алғаниар. Оларнынъ андағ чахсы стихотво-

рениелерінде, постарының чонына хынып, анынанъ Ленинненъ Сталин партиязы устапчатханда, алнынзар парап чидіглеріне ізенчеткені, поэттар-патриоттар полчатханы көзіділчे. Андағ чахсы стихотворениелер пістінъ советской литератураның влияниезі сылтаанды чонның пай творчествоын тузаланып пүдірілгеннер.

Советской, хакасской поэзияда Штыгашевтынъ, Аршановтынъ паза Коковтынъ манъат цельге кирек, чонны коммунизм идеязынанъ воспитывать поларында чахсы стихотворениелері пар.

*M. Унгвицкая.*

Унгвицкая

КОКОВ  
МИХАИЛ СЕМЁНОВИЧ

(1913—1941 чч.)



Коков Михаил Семёнович 1913 чылда, ноябрьның паастағы күнінде Хакасскай автономнай областъта, Ширинаштады Попушине тіп аалда төреен.

Михаил Семёнович паастап Усть-Фыркальской пасталығы школаны тоосхан, анань Чебаковтағы колхозтар чииттерінің школазында үгренген. Ол тустанъох сығара Михаил Семёнович позының литературнай творчествозын паастаан: көп художественнай литература хығырча пазы сочинялыш полча.

Колхоз чииттерінің школазын чахсы тоосханда, комсомолның райкомы аны Томской государственнай университеттің рабочай факультетінде үгренерге ысхан.

1933 чылда, рабфакты тоос-киліп, Ширинаштадын чаргызының хачызы полып тоғынған, анань „заготскоттың“ инспекторы полған.

1934 чылда комсомолның райкомы аны Ўүстегі совхозар рабочай комитеттің председателіне ысхан. 1935 чылда пьеса пазып паастаан. 1942 чылда ол драма печатында „Акун“ тіп аттығы сыххан.

Ўүстегі совхозтаның сығара Михаил Семёнович Ширинаштадын ортымах школазар историяның үгретчілі поларға ызылған. 1936 чылда „Хызыл аал“ газетада аның стихотворениелері печататься полып паастааннар: „Трактористтың ыры“, „Комсомол“, „Хызыл Армия“, „Ынанмас“ пазы анианың даа пасхалары.

1936 чылда Михаил Семёнович Хызыл Армияға, кадровай службаа парча. 1939—1940 чылларда финской чаада, действующай армияда полған, чаа соонда пазох Хакассия зар айланған.

Службаа чёр-киліп, Михаил Семёнович Абаканда „Хызыл аал“ газетаның редакциязында корректор полып тоғынған. 1940 чылда Хакасскай национальной издательство паастағызын на хакасский литературно-художественный альманахында сыйғарған, ол альманахтың паастағы страница-

лары Михаил Семёновичтынъ произведениялеріненъ пасталча: „Ӧріністіг төгазығ“, „Хакас чирі“ паза мыннанъ даа пасхалары.

Олох чылда Михаил Семёнович Абаканская учительской институттынъ литературный факультетында ўгренерге кірген. Анынъ ол инъ чаҳсы литературный творчество-зынынъ ѡсчеткен түзы полған. Январьнынъ 4 күнінде 1941 чылда ўр дее ағырбин, 27 частығ Михаил Семёнович ўреп парған.

Михаил Семёнович хакасский драматургиянынъ пастағчызы паза хакасский литератураны тостееннернінъ пірсі полча.



## ÖRİNİSTİG TOFAZЫF

Полған 193... чыл. Ізіг, чайғы күн. Күн харагы, кизек жалын хара пулуттанъ сығара чачрап, чирнінъ ўстін пазох арландыра чарыбысқан туста, кидер турған кизек сарыптанъ онъяр-тискер хайбанънап, улуғ сыннығ чохыр адай сығара ойлаан. Ол хулахтарын устайта тутханынанъ, хузуруғын сөзіректееніненъ пілдістіг полған—хайдағ-да нимеденъ озарға хыича.

Тұрчे поларынанъ, олох сыххан чирденъ тілін тоғыр ызырынған, хулахтарын чаба тудынған, торбах улинча, хызыл-сарығ пүүр сығара-хонған.

Адай, алнында турған, сабагалығ тағны азарға хаалини айнитса даа, пүүр читкенненъ чидібіскен. Ол хайданъ пілзін зе анынъ сүргінчіз хайча тағ пирік полза, анча тынъ, табрах ойлапчатханы.

Оларның аразы чағдааннанъ чағдабысқан. Пүүр, хачаиннанъ хынмачанъ улуғ ырычызын тударына хыбы кіріп, мында, кізі чох чирде, хонъяха күс синастырына ізеніп, улам на тынъ ойлаан.

Адай майығыбысқан. Харахтарына час тартылып, алнында турған тағ тумзуғы пірде ырах, пірде чағын полып көрінген. Ахсынанъ аххан ах көбік бөгін пастыра алын азахтарына читре чайылған. Полған на хаалағ сай сүргүнчізінъ айғахтары сала тегбин-одырғанын чарых пілінген. Осчанъ онъядайы чоғыл, аза ойлирга күс хысха, соолынаға тағ ғоғыл. Че андағ даа полза, түгенчі хаалаға читре ойлирга кирек.

Анынъ харагына хайди позы даа позынанъ күсненъ жікіг, хаалағнанъ хысха анъярны, хустарны хостачаа пос жөрінген. Хайди пу наада Сарығ хая олиинда пала түл-

гүні тутханы, хайди паза пүүн дее пора хозанны минъ-деткені.

— „Пу, минінъ сүргүнчім, маға учрап, мині хостап-сыхпаан полза, мин сағамғы туста хозанны чіпчедерчік-пін,—сағын-салған адай.—Амды тізенъ мин ол хозаннынъ күнін күннен-парим.. Кирек хайдағ табрах алысча!.. Хайдаг сидіктір!..

Чурт чаҳсы ниме. Че ол аннанъох чаҳсы полыбызы-дыр, ҳачан аны үзе тудыбызыарға постанъ күстіг, улуғ ниме айғағын сунчатса. Ол туста хайдағ даа нимеे тимде полча, пу алнында турған күнні түрче дее полза көріп аларға, киче ле алайба пая ла чөрген чирін ҳарах айла-нызынанъ даа ҳарабызыарға, ноо даа нимезін пирібізеге тимде. Андағох онъдайда полған Җоҳыр адай.

Че анынъ сүргүнчізі аңча тынъ тарын-парған полған, аңча анынъ ағаа ёчезі улуғ полған, ол пу туста аны сүрізіп, көгербес дее кире сегірерге алайба узы көрінмес хорым-нығ ҳаяданъ даа атығарға тимде полған. Аньчыларға ізін таптырып, никче-никче хати істеттірген, ўс чайғыда пала-ларын өдірткен, аалға кірзе, чіченъ ниме пирбеченъ ыры-чызынынъ ғабалы чүрөгіне тимірні іздіп пас-салған осхас полған. Нимедір андағ ырычыны өдіреріненъ арлығ?!. Айғағ чирні ыра-чара тартыпча, тыныс ғағыннанъ ғағын полча.

Мына олох таа тударға-чёр...а, қаза ҳаап-халды... Пура тартпаан полза, амды ол айғағында поларчых...

Ырычынынъ айғағына кіріп әлгенче, хая асса, көп, никче хати артық полар тіп сағынғандағы чіли, адай іскер-айландыра чүтүрген. Че ол, тағнынъ сынын азарға чёр-генде, озариинанъ кізі пазы ҳаралып сых-килген. Җоохы-рах, сағынғанын алыстырыбызып, ол кізее наари ойлаан.

Пүүр, ҳаалиин сала даа ҳызырыбин, олох таа тударға-чөрген ырычызын арачылаан уламох улуғ ырычызына ғабалланып, үстіне сегірген. Че кинетін, нымахтағы чіли, чаас ғарылып, үлтер үзіл-халған. Пүүр, көксін отре атты-рып, азағын даа тартпин-парған.

Җоохыр адайнынъ тынын ал-халған, че позынынъ-тынын ух арачылаан кізі 13-14 часха читкен, арығ чүзін-ніг, ҳыс пала полған. Ол, инъніне чайылған сүрместері пүүрнінъ чиліне аар-пеер хабылғанынанъ, пол-парған киректі танънап тұрыбысхан. Че хорығарға танъ мачънан-маанына ба, танъ хорыхчанъ онъдайы чох полчатханына ба, ол пір дее ниме полбаандагы чіли, улуғ ҳара ҳарахтарын алнында чатхан анъа ҳази көрген. Сидік ҷоохтиры,

әндағ чітіг көрістінъ одына хайдағ даа чиит кізінің чүрегі хайылбин, амыр чадарчых па визе...

Кистінде от хыймырааны пілдір-халған. Хыс пала, андар айланып, көрібссе, часпынанъ анынъох тұзындағы чиит оол мылтығын таян-салған турча. Анынъ кискен кибі прай намачылығ, иньнін азра артынчах артын-салған, маймағы нинче-нинче хати тағрагны көртір. Сырайы чайғы күн теезіне уғаа тынъ харап-партыр, сазы ат чиліні ле чіли пудал-парған.

Хыстынъ тынъ сынап көргені ағаа хомай пілдір-парған, ізіг печь хринда турғандағы чіли хызара тирлебіскен... „Түрче минненъ чалынығ ҳарахтарын хыя көрзе, тын хабынып аларға چахсы поларчых“, — сағын-салған. Хыс, анынъ сағынғанын піл-салғандағы чіли, күліне-түскен, аナンъ кобблече қоохтаныбысхан:

— Сірер атысха манъ зат полтырзар. Кізі үстінен сегірібіскен анъны, сунған айғағын сундыра, түзіре атарға улуғ чикченъ кирек, — кинетін анъзар көрібізіп, қоғын тоосхан ол хыс.

— Чибіргі хуласча чирденъ кем дее кізі چаза атпас, — хыс хыя көрген ҳарығда аны тынъ-тынъ анъдып нандырған чиит оол. Анынъ сынағы ҳарағы хыстынъ ҳарахтарынынъ хрилары ылғаанға көпкел парғанын көр-салған. Ноға-да хомай, ідіргестіг пол-парған...

— Олері сидік полбачанъ полтыр... Аньнынъ орнына уғынъ маға тееп парған полза, амды мин підіөк чадарчыхын, — улуғ тынып қоохтанған хыс. Ҳара ҳарахтарынанъ ікі тамчых час көгенетінің паарына түскен.

— Ноға іди қоохтаңчазар?! Уғаа тынъ хорых-пардынътар ба? — чиит оол қочаанынанъ пір тыннанъ сурған.

— Чох, чох! Мин ноға-да өлген нимені уғаа тынъ айидырбын. Ноға-да анынъ чатхан орнында позымнынъ чадарым килемдір... Сағамғы туста анынъ орнына мин өлген ползам, нинче-нинче хати چахсы поларчых. Мин аны ла кілеп-чөрген кізібін... — тіпче хыс кізі. — Ҳарағынынъ چазы суғла чіли ах-сыххан. Чирзер мөкейіп, хринда турған ах тасха одыр-салған. Аナンъ улам тынъ ылғап сыххан.

Іди ылғаанын, чобалғанын истері оолахха синіненъ иртіре сидік полған. Ам даа چахсы тыығалах чүрегі пулғал-килзе, ҳарағынынъ چазын тут-полбин, олох хыс чіли ылғабысча. Аナンъ, ылғаанын пілдіртпеске, ҳара چазын чызын-салза, пазох ачырғас, тар сағыс...

Кинетін хыс пала тура-хонған. Ҳарахтары, сур чіли сурланып, оолахсар айланғаннар. Ол прай позы пасха пол-

парған, сырайы öнъзіп-парған, аны көріп, pu хыс ам на-  
ылған одырган тіп сағынары сидік полған. Оолах, харах-  
тарының көргеніне киртінмин, „түзім полды полар алайба  
хараама піді көрінді полар“ тіп сағын-салған.

— Сірер манъат атығызыар. Аны сын киректе көзіт-  
тінъер,—хыс, турбинанъ, чоохтаныбысхан. Оолахха анынъ-  
махтааны прай нимеденъ аарлығ чіли пілдір-парған.

— Атығчы хринда час палабын, тик кізі хринда атығ-  
чыбын,—махтанчых нимезін пілдірте чоохтанған оолах.

— Син іди тееніме öкпеленме,—иргі нанчызынанъ чоох-

тас-турғандығ чіли, кинетін „син“ сөске кірген хыс кізі.  
— Мин анынанъ маға полыс-пирерінъ сурынарға хынған  
полғам, че сынында андағ полбин-парды ба хайдағ...

— Минненъ саға полызығ!..—тіпче оолах.—Мин тимде-  
бін синінъ ўчүн түгенчі тамчых ханым ахханча туры-  
зарға!..

— Пістінъ чазыбыстағы кізі тілліг, нооны даа ит-салар-  
күстіг осхас поладыр,—тіпче хыс.—Изірік кізее талай  
тісче теенни, пістег чииттерге тағ хузух кибекі ле осхас.  
Мин сурынчатхан полызығ көп күс салысты, тир сыға-  
рысты кирексир. Анда даа ол чаҳсы ла сариина айланза  
полар, че ит-полбин-салзабыс хан тәгіс, блім,—тынъ чоох-  
тап-турбинанъ, онъаар-тискер хайбанънап, тохтабысхан  
хыс кізі.

— Мин піл-полам ма, нименінъ ўчүн тир сығарына-  
рымын?—тіпче оолах.

— Пістінъ арабыста,—тіпче хыс,—піліспеен ниме көп.  
Мин пілбінчем сині, син—мині. Че оларданъар соонда  
choохтазарбыс. Амды пастағы сабығны удурлирға тимне-  
нерге кирек.—Ол, онъ холынанъ улаң, чолда ікі чаланъ-  
кізі улуғ чүгүртүгде килигенін көзіткен. Оларның-  
аттарының табаннары теген хуруғ чолданъ тозын, паро-  
возтанъ тұдұн сыйхандағы чіли, столбали көдірілген. Хам-  
чыны онъаар-тискеер пулғап, онъеі-түзіп, табанънапчата-  
ханнары пілдірген—олар хайдағ-да ниме улуғ манъзытта  
килчелер.

— Олар мині сүрізіп килилер. Мині чазырчанъ онъ-  
дайынъ полар ба?—хыс, одырган орынанъ тура-салып,  
хринда чатхан өхөр адайны сыйбап, сурған. Өхөрхан  
пасха-пасха кізілерге түрченін не аразында чаран-пар-  
ған. Хузуруғын хыймырадып, сегірерге тимнен-салған-  
дағы чіли, көк отха чат-салған.

Оолның пазына сағыс чүгүрे кірген. Ол ізіг полчата-  
ханына пастарын тобін тудып чатхлапчатахан хойларны

турғуза хүйдырыбысхан. АナンЬ, хысты оларның аразына кир-салғанда, хойлары пазох пір чирге чылызып, чат-хлабысханннар. Оларның аразында хыс кізі суга тас-таан тас чіли көрімін-парған. Позы, пір ниме пілбеечік полып, ырлап-сыххан:

Часхыда чаған час харларны .  
Чабыра паспас ах хойларым.  
Күскүде чаған көк харларны  
Түзіре паспас көк хойларым.

Аның үні хайзы-хайзы чирге чайылған. Аныңзар киліп-одырган чалань кізілер, удур-тәдір көрізіп, күлүс-салғаннар. Ол күлүс пістінъ хайибысты хыя тартарға хынча теен осхас полған. Паза, түрче поларынань, ат суғлуғы сығдырап, ікі чалань кізі чиде-түскеннер.

Оларның пірсі ортылап парған кізі, алнына түкпейе сыххан хамахтығ, харығыchoх таа осхас, пурны синіненъ иртіре улуг, хабырылған, алтындағы ирні паза онъ харағына туу тартылған ханнығ ах сал аны хайда даа танир таныхтығ иткеннер. Ол хамчызын пірде пүре тудыбызып, пірде изер пазына саарып, тыстанмін-турған. Аның аргызы чибіргі тоғысча частығ, садра сыйрайлығ, пәзік синнығ кізі полған. Ырахтын көрзе—ат ўстінде ат килиген осхас, чағынтын көрзе—тирек осхас, аны оолах, азахтарын тардайта пазып, пазын чоғар идіп анъдаан.

— Мыннань ипчі кізі ирткенін көргезінъ ме?—ортылап парған кізі харлос табыснань тапсаан.

— Онънабаам, хынза, ирткен дее полар...

— Хринъда хайдағ ниме ағарып одырган?!—хости турғаны күрлеп сыххан.

— Сірернінъ алнынъарда сөс тударға чалланмаам. Нандырганым көнънінъерге кірбінче полза, парыбызынъар.

— А! Син хайдағзынъ, адай!... Хамчы ачинн көрерінъ килче бе?—хамчызын аныңзар хыланънадып, улам тынъ ярхлаан ол кізі.

— Хамчының пір пазы мага тегзе, паза пір пазы сірерге теер,—сала даа чалтанмін нандырган оолах. Аның харахтары хайдағ даа нимені идеріненъ тәдір полбас, тідім одынанъ койібіскенner. Аны ортыланған частии онънап-салып, ўнін чабырып, тапсабысхан:

— Син, оолағас, өкпеленме. Син нимені чоохтазанъ, сыйых аларзынъ,—аның хычазын кирерге төс карманындағы часызын сыйғара тартхан.—Мин кізіні аарлап піледір

бін, хачан ол сурған нимеме көні, чарых наңдырығ пирзе. Че аны хатығлан пілдірәкпін, хачан ол нымахтағы Хара Нинчі чіли полчатса. Қоохтааным паза хосчанъ нимем чогыл...

— Көрзіне зе аны!... Чабал мылтиина көделен-тур полбас паза,—садыра сырдайли кіріскен.—Тірі чатхан пүүрні көрчезер бе?.. Минінъ мылтиимнынъ салтары. Сірерге дее тегзе, уғы ҳахтыхпас.

Ікі аттынъ тіннері кинетін тарта тудылғаннар, ікі хамчы кинні чара кізіп, пуланънап пастааннар. Ат түйғағы тасха тазлаанынанъ хада хысхырыс паза тиріг затворын тартханы истіле-түскен. Іқбленъ оолахты хыс-париган туста „Чохырах!“ тиен хысхы истіле-түскен. Кинетін садыра сырдайли улуғ табыснанъ абағыра-түскен, ады тізенъ, хохырып, онъар-тискер сегір-тур. Чохыр адай анынъ пилине чапсыныбысхан. Ады кинетін үкүс-салғанда, холлагы ўзе чачрап, изеріненъ хада чирге анъдарылған, че адынынъ тінін саарсых холнанъ позытпин тудып, пір холынанъ кистіненъ хаап-салған адайны сапхлирға харасча. Чохырах аны чирде маачых-сыйхан. Аны көрген арғызынынъ ачин тудып, адына хамчы саап, оолахсар сегіртібіскен. Че нимененъ тоозыларых пуз чил-пораан,—хачан мылтыых атызы чарых чирні хара тубаннанъ туу тартыбыспаан полза? Оолах пілімін дее халған—хыйлагын ол хайди тартыбысхан, танъ хорыхханынанъ ма, танъ чочаанынанъ ма. Пазына ух тееп парған ат анъдарылып, ээзи-нінъ сол азаа анынъ алтына кір-парған.

Аланъ ас-парған оолахха пуз кирек харагына даа көрінмеен чіли пілдірген. Че ікі улуғ кізінінъ бөстезіп, йоласханы оолахха нымахтағы ла чіли пілдірген. Хыл тузахха хаап парған күркүлер чіли, анынъ алнында күс чох полғаны сын кирексер сағыс хабынарға полысхан. Оолах ўр дее турбаан, азахтарын тынъ-тынъ пазып, мылтығын иньніне чүктеніп, азагын ат алтынанъ суур-полбинчатхан ирензер пас күлген. Сағамғы туста олар пуз оолахтань даа кічіг осхас полғаннар, алайба харахтары даа суғланғанына хоостыра көрзе...

Оолах позын алып күстіг полчатханға санапча. Холынанъ мыхтызын таянып, коксін чарыдып, ніскечек үнін хатығ-арах тудып, өкпелен-парған позы қоохтанды:

— Хайдагдыр амды, адайлар! Хамчынынъ пір пазы мага тегзе, паза пірсі позынъарға теер теенім сын ма?— оолах, пірде пірсінінъ хрина күліп, ачытхан.

— Олғым, мин, піди чадып, ўр сыдаң полбаспын. Азаамны ўзе пас-парир,—улуг бзегде тапсаан өстесчет-кеннернің пірсі.

— Џаленъ ёлчет... Синіненъ хада кем ёлер, ішек паазы нір ахчаа тобін полар...

— Ибде, олғым, минінъ ўс палам халған. Ипчім ағырығох... Мин чохта олар хайди поларлар?! О, халах! Тынъох таа сидік күн читті.

— Сидік мыннанъ мындар полар, піди ўс-тöрт күн чат-салзанъ, چарым позынъны چазы хурттары кимір-сал-залар.

— Олғым, палаларымны, ипчімні ая!

— Оларны худай көрер. Сағам тик чатханча сурын, пазырын.

— Илетпедек, олғым, илетпе... Алchanъ бзінъ пар полза, алып ал...

— Мин сага тегбиничем. Адынънанъ сурын, азаанъны ол пасча.

— Мині піди ўр чатырарға сағынчазынъ ма? Пу чоо-хыр айнанъны хыя апарбассынъ ма?—түнъдере чадып, пірсі өрге чили пурхлаан.

— Синіненъ чоохтазар тус читкелек. Чат кбні. Тұрче полза, Чохырах пұдін халған станынъ тубін оя тартып алар...

— Олғым, аядах! Азаамны ўзе пазарға-чёр...

Оолахха анынъ іди ирееленчеткені аястығ пол-парған. Че ол چазырчатхан хысты паза пая позын соғарға хын-ғанын сағынза, чүрегі хатап пулғалып, тарынчах сағысты төрітчे. Кем піледір, мындағ, ағаа часқалығ онъдай пол-баан полза аны олар хайди ит-саларчыхтар? Хынза, ол піди илепчетсе, олар ағаа күліс-туарчыхтар. Чох, посха кирек нимені суура саап-халбаанда, пу хахпанинъ пуларны позытпаспын,—сағын-салған істінде.

— Мин тас чүректіг кізі нимеспін, сірернінъ илеп-четкенинъ маға аар сабығ, че полыс-пирер алнында арығ чүрекненъ чоохтазып аларға хынчам. Сірер ағаа хайди көрчезер?

— Ўлгұ сини, сөзінъ истіпчем. Йо азаамай! Уғаа тынъ систапча.

— Андағ полза, чоохтап-пир, апсаҳ, ноо нимеденъер, хайди полып сүр-чөрген ипчинъердір?

— Хайдағ ипчині сүрер болғам, сайбағ салып, тис-чөрген ипчі.

— Ноо ниме ит-салған аданъ ол?

Пу оолахтынъ холына кіріп, піді иттірчетченін сағынғанда, паспаҳта чатхан ікөленнінъ чүректері тынъ сабыл-сыхханиар. Оланъайда полза, аны олар тісненъ ора-чара тартхлап-саларчыхтар. Че амды тізенъ хол-азах тузахта. Полчанъ онъдай чохта, улии сағынчадыр: „Пу преклеттінъ чүреен посха тартынмаларға кирек, аны нымзах ла хылынып албаанда, полбас“. Іди сағын-салып, күлімзіреп, нымзах табыснанъ чоохтаан:

— Көп пілゼнъ, табрах киріп парапзынъ! Кічіг кізің андағ нименінъ узы-пазына түзеечі полбачанъ. Соонанъ-пілерзінъ анын, „ниме тұзында тустығ полчанъ, олғым“.

Мында кирек арығ нимес, пу түүнчекті пасха онъдай-нанъ систерге кирек. „Мин пуларны тогастыр-көрим“, — сағын-салған оолаҳ.

Суулазығ истіле-түскен. Оларнынъ хулахтарына таныс табыс читкен. Айлана-түзіп, көрібісселер—олар сүр-чөр-ген кізі. Хызыл сырайлары кинетін, тас чіли, хуурта тартхан-нар, харахтары чабал ханнығ салнанъ тартыл-парған осхас пол-парғаниар. Ортылап парғаны прай позы тітрезіп, тізін ырсайтып чоохтаныбысхан: „Мындазынъ ма, адай!.. Кічи-чек апсаанънынъ чабал дробовигычаа сині арачылабас!“

— Ол позынынъ кирегін ит-салған. Пастағызын, мині пүүр ахсынанъ ал-халған, ікінчізін — сірернінъ айғағы-нъарданъ...

— Ағаа ам дәа кірерзінъ...

— Ізенері сидік... Кирек тынъ алыс-парды... Иртен сірернінъ азаанъар полған ползам, сағам пазынъарбын. Киче минінъ тыным картха салылған полза, пүүн сірерни салылча.

Ананъ, оларнынъ чоохтарын чахсы онъарбин-турған оолахсар айланып, чоохтаныбысхан:

— Мына пулар, мынзы пабазы, тігізі—олғы, мині тут-парыбызып, ўс күн, пір дее чіченъ ниме пирбин, кирпеде тутханиар. Хана алтын хазын сыхпазн ползам, ам дәа анда одырчатхан поларчыхын. Өкіс өсқен кізее іди күлерге килісче полбас па за!—ол, харах чазын тудын-полбин, ылғабысхан.

Оолахтынъ чүрегіне мынзы улуг сабығ полған. Пір туста ол анынъ алында чатханиарнынъ пастарын мылтых ложазынанъ сапхлабызарға тимде полған. Мылтығын көдір-парғанда, аргызы тапсабысхан:

— Нанчым, чарабас... кізее саннығларын чідірін-салғаннарны өдірзенъ, кізбек өдірген-адынъ полар. Кізі ханын төгіл үгрен-парғаннарох андағ чолда тұрзыннар...

Чомит аныңзар айлаңа-түскен. Аның наарпахтап өохтаанын піл-салған. „Йа, андағ... пабанъны ахтарға миң хоптап өдірткем,—сағын-салған ол.—Че аны синің пілчеткенің хайхастығ!..“—ол улуғ тын-салған.

Хыс, аның істіндегі күрәзігі піл-салғандығы чіли, аның кискен хром сапогындар көрген. Аナン, кинетін пазын тудынып, „ах!“ тіп хысхырыбысхан... „Миң ол туста кічіг полғам, че ол сапогты чаҳсы пілчем. Ол ани... Аның пазының улти кизе сабылған полған, мынзы андағо!“—хачанох полған нимелерні сағызына кирген. „Адының изері чі?.. костюмы чі?.. Прай ани, ана хайдағ кізі полғазынъ!“—түгенчі сөстерін тастына сығара өохтаныбысхан.

— Ха-ха-ха... Хайдағ кізі полчатханымны хачанох пілерге кирек полған.

— Кирек полған, че пілбеебін... Ол минінъ улуғ алчаа-зым... Мынзынанъ улуғ пролығбын пабамның алнын-да...—Чомит тітрезе-түскен.

— Хорыхла, хорыхпа... Ол син ысхан чирденъ паза пеер айланмас. Сапогын, костюмын пласпас...

— Сын нимес! Олар пістінъ нимелер!—хысхырыбысхан Соркай.

— Чохырах, сиргеенъні чідірбе, хымранза алайба тапсаза, ніткеденъ хап!—хатығланған оолах. Чохырах ыра-ныбысхан.

— Сарыспаснын, аннаңшар пасха чирде өохтазарбыстыар, че амды, Чомит, тур. Пабамның кип-азағын суурғла.—Оолах, аны исте ле, аттынъ алтына таяғын суғып, тағыбысхан. Чомит, азах ўстіне тура ла, хахпаннанъ позаан аба чіли пол-сыххан:

— Мага нимес асхырлан-турзынъ? Тіріге ниме чібіс-тінъ!..

— Сағам петух чіли сегірізгерге алайба тіл чітиин тинъестірерге мань өфіл. Позынъци нимес нимелерні пирглеп-сал...

— Паза ниме тиирзінъ! Тұрчे полза, ранъмат плесет салдырарзар.

— Тілте пыспа, толдыр!—тапсабысхан оолах.

— Саға ниме киректір, хоосхачах? Мойнымны даа киссенъєр, толдырбаспын!

Оолах, адайын хығырып-алып, ағаа ууйстабысхан. Чохырах, аны ўстіне сегірғендегі чіли, аның ўстіне сегірі-біскен. Чомиттынъ чабал хысхызы истіле-түскен.

— Амды толдырарзынъ ма?—оолах, өзін киліп, сурған.

— Толдырам, толдырам! — сағызын чідірінібіскен Чомит, сала ылғабин, нандырған. Оолах адайын тохтадыбысхан. Чомит, одыра-тұзіп, сапогын паза костюмын суурған. — Амды наниңар, пістінъ арабыста паза үзүрізер ниме чоғыл, — хыс аныңзар хази-хази көріп тапсаан. Адалығ оол тур-кілгеннер. Пірсі прай ыра-чара тартылған, тастына кисченіңіт, паза пірсі іреен, чыртыл-парған істіне кисченіңіт, тағданъ индіре чөрібіскеннер.

Оолах, оларны көріп, хатхырыбысхан. — Сынап таа, кем сыданар, кем инъізін хыйыстыра тартпас, алып чіли кіделен-кілген кәкіместер адай чіли улып парчатсалар.

— Пу хорығда піс танызарға даа ундыбысхабыс, — күлініп хол тутхан хыс. — Хорығ прозы — Тания.

— Роман, — чүрексіп, холын удурох сунған оолах.

— Піс түрчеде ле улуғ наңчылар пол-пардыбыс. Хайди choхтидырлар: „араларынанъ сүг өтпес”... Оланъайда һолза, мынча ғағын танызысха көп время ўредерге кирек поларчых, че тарлығыс ағаа тоғыр күстіг ниме полтыр... — Ол аны илеткен кізілер мындағ нандырығ алғаннарына тынъ брінген. Чүрегі удаа-удаа сабылып, тынарга ник паза үстіненъ хұмнығ хап түскен не осхас пол-парған. Ағаа мындағ бріністі пирген ікі ле ниме полған — Роман, Чохырах. Мынча өткенінъе, Рома, нимененъ нандырчаан пілбинчем. Ёкіс хыстынъ нимезі пар за, чалғыс чүрегіненъ пасха. Пілгейзінъ зе...

— Минінъ орнымда хайдағ даа кізі мин осхас поларчых, — сөсті чадап ла табынып нандырған Роман. — Олар осхастар андағ полбин полар ба за, — Чомиттарны соон сүре көріп, ағринчах тапсаан ол. Олар харах көрииненъ чіт-парғаннарында, улуг тыныбысхан. — Піске хада ўр поларға кіліспинче... Время табрах алысча, піске хайди даа анынъ алнында поларға кирек.

Роман ол син частығ полған, хачан кізі амдығы ла времянанъ чуртапча, хачан ағаа танъдағызы полбас, ырахы чіли көрінче, хачан микроб ла улиндағ хыбын көйленіс көрбейен чүректі чалын на чіли койгісче. Ағаа чарылзыары сидік полған, анынъ соонда ағаа чуртас чох полар чіли пілдірген.

— Ананъ хайди за... Түрче дее полып ал! — чадап тапсанған Роман.

— Чарабас! Койгіскен өртті узуарға кирек, чалбраңып койгелегінде... Минінъ мындағы түрче полызым көп час төгізіне туар, кіліссе — хан даа төгізіне. Че аным-

чох! — піди теен соонда аннанъ ырах нимес орындағы, Сорқайның оттап чөрген адын тудып алған. Анынъ тиргізіне нимелерін палғағлабызып, чөрібіскен. Чохырах, хайбанъни-хайбанъни, сопладыбоғысхан.

Роман аар сағыстығ халған. Анынъ парыбысханы ниме-де чідір-салған... „Хайдаг хыстыр, түрченінъ не аразында прай позымны тартып алды“, — сағынған істінде.

Паза түрче полғанда, күн харагы тағ пазына көлени-біскен. Чир үстіне пүргек тартылған. Хойлар майлазып, аалзар инібіскеннер. Оларнынъ хадарчызы, пазын тобін тут-салып, ниме-де сағынып парчатхан.

\* \* \*

Чомит пеер Асхыс істіненъ кёскен полған. Хан тузында ікі мунъя чагын хойлығ, 200 інектіг, 2 асхыр чылғылығ полчанъ, 6-7 чалчы тутчанъ. Советской үлгү тур-парған соонда, хасхылар, колчаковецтар чөргел-турған туста ол оларнынъ онъ холы полчанъ.

Анынъ холынанъ паза хоптаанынанъ пір ле кізі пазын кистірбейен. Нинче-нинче семья постарынынъ ол-халған чағыннарын улуғ чобағда, харах чазында үдескеннер. Оларнынъ санында Танянынъ семьязы полған.

Койтік пүүр, хорығ иртеріненъ, прай нимезін садынып, пасха чирге парыбысхан. Мында, адын алыстырып, чох кізі полып-алып, колхозха кіріп алған.

„Пуурні нинче дее азраза, арығзар ла көредір“ тіп сөске кірген. Анынъ пірсі Чомит колхоз хайча көдіріл-четсе, анча ағаа хынмачанъ, анча анынъ чолында оймах хазарға харасчанъ. Че аны тынъ сизініп итченъ, оомас харахнанъ сидік полчанъ онънап алары.

Ол Чакымны хоптан өдірткен полған, че Таня анынъ хызы полчатханын піл-салған. Харасхы киректерін іле сығардырарында, Таняны ибнінъ хринда хадарып, тудып алып, ахсын палғап, холларын тутхыстаң, кирпее чаап-салған. Анынъ аннанъ хайди сыхханын хығырчы пілче.

Танянынъ туғаннары, аны нан-парғанға санаپ, тілег итпееннер. Чомит сағынғанын оой толдырып аларына тынъ ізенген. Че хаалаан хаалазы позынынъ мойнына пол-парған.

Чомиттар, пағданъ позаан анъ чіли, улуғ манъзытта хас алтына инженнер. Анда чіленъні кизіп, ағас аразына кіріп, улуғ нимес хазынъ ағас төзінде одыр-салғаннар.

Ибге чалаазах нанарға уядыстығ паза хорғыстығ полған. „Пісті көрген кізі ниме тиир? — сағын-салған Чомит. — Пастағызынох сизік хабарлар... Хадарчы айна хайданъ учрап парғандыр! Мындағ даа кирек полбасчых. Амды пулғап-салған потхынъны пазынънанъ халба“! — Сағынғанын тастына сыйара чоохтаныбысхан Чомит.

— Көп ниме аннанъ, — тынъ сағысха түсчеткен пабазын Соркай, чоохнанъ чазирға хынып, ара кіріскең.

— Синінъ дее пронъ анианъ кинек нимес, — пабазы олғынзар хази-хази көріп чоохтанған. — Анынъ ўстіне чүгүртерге істінъдегі хұртынъ сасхлаан ма, алай сағыс полчанъ чирінъе тапчых-тупчух тол-парған полған ма?

— Тыстан-полбин-салғам чізе...

— Чүрек — пос салчанъ ниме нимес... Сын сырایбысты көлет-чёрген салны түрченінъ не аразында сойып, хыя таставыстынъ. Түрчеде ле чұртыбыс тонъға айлан-парды. Амды піске хомдаа ла чол арланча. Аннанъ пасха полчанъ онъдайбыс өфіл... — Чомит, час пала чіли, сүүледе ылғабысхан. Соркай, пабазын чазир күсті поста табынмин, чағын турған ағас салаазын сындырып-алып, азагынынъ салааларын сабынған. Анынъ улуғ алчаас ит-салғаны харғына пос көрінібіскең паза мыннаң мындар хайди чуртирлары, хайди астанъ-суғданъ майылып, хыйых көріп чөрерлері аязында пазыл-парған осхас полыбысхан.

— Пір хати ит-салған алчаасты арыда идібісченъ онъдай өфіл, оолғым, — теен пабазы. — Чурттағы харасхы киректер ирте алайба орай іле сыйадырған ниме. Пістінъ ўлұзібіске уғаа ирте іле сыйызы түс-парды нооза. Хайди идерзе, іди киліче полбаспаза, анынъ пістенъ дее күліктөр күрес-полбааннар.

— Амды хайди поларбыс, пабам?

— Алныбыста ікі чол, оолғым. Пастағызы пістінъ кізілерзер апарча, ікінчізі — оларзар. Піске, советской ўлгее тоғыр көп ниме ит-салған кізілерге, түгенчізі тынъ улуғ айланыстығ чол. Анынъ, тастындағы терібісті хубулдырып, никче полғанча килдібіс нооза. Че амды, көрчезінъ, оолғым, кирек хайдағдыр...

Күн кірерде, сыйара чачраан кизек хара пулут түрченінъ не аразында тигір алтына прай туу тартылыбысхан. Күүлег-саалағ чилічек, синемче чилге айланып, ағас устарын, от пастарын хыймырадып пастаан. Сағам на сарнас-хлап-турған торғаяхтар, сарығ паарлар постарынынъ түнеченъ орыннарына чазынғлабысханнар. Хости даа турған кізі көрінмес харасхы полыбысхан.

Кинетін кидер от сағыла-түскен. Аның соонанъ тигір алтын асталдыра, чир үстін янъыландыра күгүрт күзребіскен. Чічір-мачыр наңымыр тоолап, чир үстін ѡллеп пастаан. Аナンъ ол тыбызып, көнектенъ ургандағы чіли чаабысхан.

Ізіге хурыбысқан чіленъ, халын үйфудағыдань усхун-  
ғандарға чіли, солбранып ағыбысқан. Тігде-мында түүлген  
суғлар улуғ нимес өзінанъ азығып, от арали өзінанъ  
чолахта-  
нып, чіленъе кире ойласхлааннар.

Природаның піді чабалланыбысханы кізі теерліг пүүрлернің көнъїне тынъ киіліске полған. Олар, чатхан ағастарының төзінен тұрып, чіленъні кизіп, хатып чирге сыхханнар. Аナンъ, чурт орнында боскен сахчанъ оттарның аразына кіріп, чідібіскениер.

Роман Таняға польс-пиргенине тың ёрінген: „Мин дее минёк, миндір дее палыгох“, —сағынған істінде. Чеманынъ хада ол анынъ хайдар парыбысханын, хачан харах көрізерлерін, ниме чоохтазарларын сағынған. Ноғада сағынарга даа хынмаан нимелер постары пасха кірчелер: „Оқіс хыстынъ чүрекіненъ пасха нимезі пардыртеені ниме полчанъ? Анимчохтасчадын харахтарын хайди көрчік, хол тутханда хайдағ чағын тыңчыл!“ ←піді сағысванъ саналызып, көгісненъ күрезіп, аалға даа читкенін пілбін-халған. Нанъмыр салтары чил тұзібіскеңде лепазын көдіріп, хойларын манъзытта хазааға кирген. Аナンъ иб кистіндегі завалинада, чағдаң одырған нанъмырны көріп, одыр-салған. Танъ чут киlgенге бе, танъ Танянаңъ чаралысиханына ба—ноға-да еріністіг полған, ноға-да күннінъ иирде улуғ хыныста хазаада ит-салчанъ тоғызы синіненъ иртіре аар чили пілдірген. „Оолғым, кір, чей хайнаі парған!“—ічезі, пазын көзенектенъ сығара сунуп, тапсабыс-хан.

Роман, аныңзар айланып, күлінібіскен, анаты тұрып, ізіксер пастырган. „Син нога көй-саа сох пол-парған чөрзінъ, оолғым? Ниме чиирге хынчазынъ ма, алай ағырчазынъ ма? Хая, пазынъны тудимдах?“—ічезі, хахаанынъ хости ойлап-кіліп, сурған.

— Чох, чох, ічем. Мин пір дее ниме полбаам, хорых-па...

— Анань ныға мындағзың за? Харахтарыны алыш-парған на ниме чіли көрчезің...

— Ічем, піди полбасха сурынчам. Сурығларынъянъ мині хорғытчазынъ.

— Че, че, тохтаң пардым. Одыр, чейінъ сооп парир...

Иб істінде сып-сымзырых пол-парған. Тасхар күйлек нанъмыр, көнектенъ урғандағы чіли, чаабысхан. Кети иней оолғынзар харагын хыя албин көрген. Аның хайди пол-парғанын піл-долбин, пасха-пасха сағыстар сағынған.

Чей ізіп албинанъ, сарығ әзеемін кизіп-алып, тасхар сығарға тимненібіскен. Сығарға-чөріп, ічезіндер айланып, өохтабысхан: „Мин, ічем, амох килем, хойларымны көрерге парчам.“ Соонанъ ізік тапли-халған.

Кети ибде одырып тыстан-полбаан. Пасха пол-парған оолғы хайди полчатханын пілерге хынып, соонанъ сыххан.

Чомиттар, иблеріне чидіп, кирек хайди пол-парғанын ибдегілеріне өохтап пиргеннер, ылғас-сұхтас соонда чол парапта тимненібіскеннер: „Сірерге тегбестер. Хорығ полып, иртіп парза, мынданъ көзібізерзер. Піс сірерні анда X... сағирибъс.“—Чомит ипчізін піде чөптіеен. Палаларынанъ, ипчізіненъ анымchoхтазып, тасхар сых-парза, оолғы аттарын тимнеп салтыр. Ананъ Роман чуртаан аалзар чөрібіскеннер.

Нанъмыр уламох тынъ чаабысхан, күгүрт күзреенге, от сағылғанға тигір ікі чарыл-парған чіли пілдірген. Чолдағы чолақтанып ахчатхан сұғны солбрадып, сизік пірілерінең чалтанып, хатығ чирче чөргеннер. Аалданъ ырах нимес чирде, тынъ нанып, тохтабысханнар. Хараҳтарынынъ хайи хой хазаазынзар айланған. Че анда артых-пузух ниме көрінмеенде, аттынъ ахсын тибредіп, чөрібіскеннер.

Хойлар, нанъмырга сыйрығып, пастарын тобін тут-салған чатчатханнар. Че оларнынъ аразында хайдағ-да ниме хыймырабысханда, тура-салғаннар. Хазаа істінде тохтағ чох хорығ полыбысхан.

Чомиттар постарынынъ Романға тарынғанын хойларға читіргеннер. Холға ла кіргенінъ тамаан кизіп, хыя пір-гер тастап турғаннар. Іди олар 15 хой өдір-салғаннар.

Роман хазаазынынъ хрина килзе, ікі ат прай тимінде хазаа бергеніне палғат-салған турлар. Хойларынынъ күреелісчеткенін көр-салып, хайдағ ниме полчатханын піл-салған. Ол кинетін сағыс хабынып, алнында турған аттары тіннеріненъ тузалабысхан, ананъ хысхырыбысхан: „Кемдір анда?!“ Табызынынъ янъызы хайзы-хайзы чирге тараан. Хазаадағы ікі кізінінъ хрина мұлтых табызы истіле-түскен. Роман анъдарыл-парған.

Кети, оолғынынъ мұлтығын тудынып, хазаа хрина ойлап-килзе, ікі кізі аттарына мүніп, чөрерге-чөрлер: „Холынъарны чогар тудынъар!“—прай табызынанъ абағырған. Ат үстіндегілер, мәкейе-түзіп, табанънааннарында

аттары пастарын төбін тудып сегір-сыхханнар. Кетинің хаалааны чағыннанъ чағын истілче. Чомит, нандыра айланып, атыбысханда, удур мылтых таазли-түскен. Онъ холы ачыза-түскен. Хан сұғ ла чіли ағыбысхан.

Соркай көрібіссе—иртенгі сохырадай ағаа удур ойлап-одыр. Иртен көрген иреезі сағызына چүгүре кірген. Сұғ сапхан ағас чіли тітрөзібіскен. Холларын чоғар көдірібіс-кенін позы даа пілбин-халған.

Паза түрче поларынанъ, ўс чаланъ кізі чиде-түскен-нер. Ікі аттынъ тузамахтарын тынъ холлар азра тартханнар. Олох холлар оларнынъ ўстінде одырған кізілер-нінъ ізеептеріненъ, хойыларынанъ, хурданъ пычахтарын, мылтыхтарын, палтыларын азра тартханнар. Ананъ холлары пүре палғалғаннар. Төрт аттынъ сұгны солбрада пасханы хайзы-хайзы чирде истіл-парыбысхан.

Кети оолғын ибіне кирерге көдір-полбин-турғанда пір улуғ нимес хыс пала, ат ўстіненъ түзіре сегіріп, көдірізеп-пирген. Ибге кіргеннерінде олох хыс пазындағы пладынанъ Романнынъ палығлығ идін палғабысхан.

\* \* \*

Хайдағ табрах алысча чуртас! Пу наада ла Тарғы чул казызы өліг чир полған. Анда пайларнынъ чайғыда мал турчанъ хазааларынанъ паза чалчылары чуртаchanъ пір-ікі тураларданъ пасха ниме сох полчанъ. Чазынынъ істін янъыландыра узун мойынның турналар, пора хузурухтың торғайлар үзүгі сох тапсас-турчанънар. Харағызын пүүрлер улызып, чазынынъ халын үйгүзын чарбыхтырчанънар. Че амды хайдағдыр ол? Анынъ күрдек көксін көлхозтарнынъ маллары турчанъ көп санның хазаалары, астарын урчанъ анъмарлары, колхозниктар чуртаchanъ хос туралар чазапчалар. Иргідегі сас оттарынъ орнына айға, күнге сусталып, астар босчелер, турналарнынъ тапсасчанънарын, пүүрлернің улусчанънарын тракторлар күзрезі, машиналар гудоктары алыстырыбысханнар.

Күскү. Ас пыс-парған... Чирге ізинин тынъ читірбіні-біскен күн сығарынанъ, хос тураларданъ чон сығып, аар-пеер тарабысхан. Оларнынъ хайзылары ат көлгелепчелер, машиналар хринда хайынчалар, паза пасхалары солбрап аххан Тойым сұғны кизіп, хыразар парчалар.

Түрчеде ле чазынынъ істіне хатхы-күлкү, ырлас, трактор күзрезі, ат тігірізі тол-парған. Тогыс күні пасталыбысхан.

— Киче минненъ көп нимес азынғазынъ. Пүүн көркөрербіс, хайзыбыс азыннар, — Овдо, хости ас палғап чөрген өрзіне, Аннаа күлініп choхтанған.

— Көрербіс, көрербіс, — өтіг табыснанъ наңдырған Анна.

— Син табрах хыймыран. Адынъны чөргізіп-одыр, — лабогрейка прищебіненъ ас кис-чөрген трактористха ас палғачанънар хысхырысханнар. Прай керосинға підел-парған, ағбайған састығ, улуг очки кискен тракторист, олар-зар хайбанънабызып, күлінібіскен: „Күзінъер ле читсе, кирек минненъ тудылбас.“

— Хайдаг тұс көрдім тиірзінъ? Охсаныбысханынъ наа-ғынъса саабысхан ма? Ха-ха-ха, — тоғын-чөріп, Тарпын Палоннанъ сурча. Түрчеде ле көпеннер хой ла чөрчет-кендегі чили турғлап-халғаннар, улуг нимес күргеен хринда турғызылған ас сапчанъ машина хринда чоң аар-пеер өтізібіскен. Оларнынъ хайзылары андар поом тартыпчалар, андағылары поомнарны молотилка ўстіне тастапчалар, паза пасхалары сызыр тастап, асты піргер күрепчелер. Ана ікі автомашина, чибірге хыза көлігліг аттар ас тартып чөрібістілер. Районнынъ центріне парған чолда олар субала тартылыбыстылар. Тігіне олғанинар, тоолағлаан ас колостарын чығлаپ, көпен чили ўй салчалар. Оларданъ сала іскер иде комбайн тоғын-чёр. Анда піске тәнис оол — Роман.

Роман чибіргіні ас-парған, синем сыннығ, чалбах чар-нылығ пол-парған. Анынъ кічігдегі ағбах сазы чара тара-лып, пазына илти чатча. Намачылығ кип-азахты кисченъ инънін сарығ өнъніг армейской костюм кбетче. Ол түген-чі чылларда прай сариинаң өс-парған. Ортымақ школаны тоозып, армияға парған. Анда ікі чыл чарым пол-кілген. Аナンъ комбайнер курзына чөрген. Сағам көмбайнер-стаха-новец полча, нормазын 200—300 процентха толдырча.

Күн кёк тағ пазына көленеріненъ, ииргі сёрён тартылыбысхан. Кізілер тоғыстарын тоозып, ибзер парғлабысханнар. Паза түрче поларынанъ, харасхы полыбысхан. Анда-мында тракторлар чарыглааны көрінглебіскен паза күзеділ-чөрген аттарнынъ ұрғырлааннары истілібіскен. Олох туста хызыл пулунъда свечі чарыбысхан. Анда чииттер, улуг даа кізілер толдыра. Оларнынъ хайзылары книга, газета хығырчалар, радио тынънапчалар, паза пасхалары шахмат, тобит ойнапчалар, стенгазета хринда турып, нимеде үзірчелер...

Танъ чарып, күн сых-килгенде, чон тоғысха парыбыс-хан. Романнанъ Крзан, комбайннарын сыныхтап паза сүрткел алып, чөрібіскеннер. Іди нинче-нинче күн ирткен. Колхоз государствоға ас пирер планын толдыш-салған, ўрен азы урылыбох-парған, трудоденъға үлестірілер ас анъмарға тартыл-парған, хырада сыйыр кизектері тігдемында турғлабысханнар. Хысхызы сахталып, хазаа-хахпах онъдайлалыбох-парған.

Роман ам даа чалғыс пос, ипчі алғалах. Чүрегі кемге айланчатханын пілери сидік. Кем піледір аны, хынза, кічігдегёк чіли, кбөленістенъер хыстарианъ ზохтас-пілбинче полар. Кічігдегі танызынанъ—Танянанъ паза пір дее тоғаспаан. Аның хайда полчатханын пілбинче. „Тағнанъ тағ ла ууруныза-чогыл, піс піреे-хачан тоғасхайбысса“,—сағын-салча Роман.

Хысхы полыбысхан. Соохтынъ күзіне сыда спин, көл-лер, чуллар пус чорғаниарнанъ чабыныбысханнар, чир халын харнанъ чабыныбысхан. Колхозта чон от, одынъ тартып, мал соонанъ чөріп хайнасча, оларнынъ аразында Романнанъ Крзан. Пір күн иртен оларны сельсоветтынъ председателі хығырыбысхан. Парзалар, сельсоветтынъ председателі, стол хринда одырып алып, хайдағ-да письмонынъ адресын хығырча. Пуларны көр-сала ла, күліні-біскен, ананъ улуғ нимес чачыннарны ікізіне дее удур сунған:

— Сірер парчазар, арғыстар, Родинанынъ ырычыларын унадарға, пістінъ кидеркі границаларны уламох тынъ тыыдарға. Андағ талаан полған на кізее учрабинча...

Романнанъ Крзан, тынъ ёрінізіп, хол тутханнар, ананъ, олған ўр тоғаспаан ічезіне тоғасса ёрінедірген чіли, күлінізіп, онъар-тискер айланызып, плесет салғаннар.

Сынап таа, Родина учүн, Сталин учүн ырычыларнанъ күрөздерденъ артых паза арлығ нимес пардыр!

\* \* \*

Романнанъ Крзаннынъ боскен чирі хайзы-хайзы чирде сооларында чат-халған. Теерпектер рельске тееп, „Сірер парчазар! Сірер парчазар!“ теен чіли күзрепчелер. Чир ўстін туу чаап парған хар вагоннынъ улуғ нимес кбзенегіненъ чалтынъ-чултынъ пол-халча. Ол күн Роман вагонда дневальний полған. Крзан—от салығчы. Хызара ізіп парған тимір пеңч пустала тоңъан вагон істін хайылдырыбысхан. Потолоктанъ, стеналарданъ, пулунънарданъ, улуғ

нанъмырда ағадырган тамчы чіли, сүг солбрада тамчыласча. Солдаттар аны қызып манънанминчалар. „Адаам тұзындағы потоп поларға чөрбе танъ“ тіп, нарада одырғаннарның хайзы-да күлініп ханъалчаан.

Паза тұрче поларынанъ, вагонда казармадағы чуртас пасталыбысхан. Анынъ пір пазында „Катюша“ ырнынъ көй терпек күзрезін туу пазыбысхан, паза пір пазында Джологани, Печоркин, Епифанов паза Уколов арғыстар домино ойнапчалар. Оларнынъ хринда ікі солдат шахматтайдоскада күресчелер. „Иргіде сценаа ниме поларын choohтирга обезъянаны сығарчанънар, амды тізенъ обезъяна чохта, анынъ орнына мині сығардылар... Мин прайзы 7 чыл ўгренгем. З чыл 1-ғы класста, 4 чыл 2-чі класста одырғам“... — Самарский, күлкүстіг чооғын чохтап, нара үстінде арғыстарын хатхыртыпча. Оларданъ іскер иде редколлегия боевой листок сығарча.

Харасхы полыбысхан. Ииргі азрал ирткенде, сыйныхтағ полған, ананъ—узирга команда. Вагон істінде дневаль-найнанъ от салығчы ла халыбысханнар. Хызара ізеен печте тасқомір тырыслазып койче. От чариинда—Романнанъ Крзан.

— Хачан чидербіс? Нинче дее табрах парзабыс, маға уғаа ағырыс чіли пілдірче.—Роман, мылтығынынъ хаазын тутхлап, чоохтанған.

— Піди парзабыс, мин сағынғанда, 2 суткаданъ чит-парарабыс,—пеезиңе көмір салчадып, арғызы нандырган.

— Андағ полза, чахсы поларчых... Тұрче полза, чаа тоозыл-парап.

— Хайдағ ниме. Килгенібіс тик полар тиирзінъ ме...— Чоох танъ чаараанча парған. Ананъ олар аарсыбысханнарында, табыс арамнанъ арам истілібіскен. Париған сыйнанъ, киме сайға турды, чоох түбіне читті теенни, вагон істінде тып-тым пол-парған. Теерпектернінъ рельске тегені паза хайзы боецтарнынъ хорлааны истілче. Тимір-пееестегі от учубысхан, күлі аар-пейер тоолапча. Кинетін поезд тохтабысхан. Тасхар команда истілібіскен: „Сыхланъя! Ниме-ноонъярны нынънахтанынъя!“—вагоннынъ старшайы Епифанов тапсирынанъ, боецтар турғлап килгенер. Чон тасхар харны ығырт-сооғырт иде пас-турча.

Полктынъ командиры паза комиссары, роталарнынъ командирларын чып алып, чохтап пиргеннер: „Піс мында тохтапчабыстар. Сағамох прай нимені тұзірерге кирек“... Ізіг тоғыс пасталыбысхан. Чарым час пазынанъ прай ниме иділ-парған. Прайзынанъ сонъ Роман сыххан.

Анынъ харажтары, электричество чариинаң чалтанып, тобін не көрчелер. Олар түскен орын—улуғ нимес станция. Машинаа одырып, түрче поларынань, чөрібіскеннер. Чүрек бріністіг сабылча.

Ленинград... Чон сеек ле чіли хыймырасча. Прайлары хол пулғапчалар, сыйых пирчелер. Кіичик, наа ла азах-ха кірген алайба хойында чөрген палалар даа боецтарға сыйых лиріп, chooxtanarға könikkелек тіллеріненъ постарының брінгенін пулбрап үдесчелер. Хайдар бріністі! Роман одырган машина чон аразына кірібісті: „Изеннер! Арғыстарынъарға пістенъ چолабит солирзер! Пічік пастурнъар!“ теен паза даа пасха табыстар хулахты туу саап-турғандар. Аナンъ тігденъ-мыннанъ нимес тасталыбысхан. Кузовтынъ істінде, тағ ла чіли, үүліп چадыбысханнар. „Мындағ чоннынъ үчүн хайди ырычынанъ күреспешенъ! Күс тее, тын даа аястығ нимес!“—полған на боец позынынъ алнынча сағынған. Орінгенге харах чазы сыгара чачрапча, чүрек удаа-удаа сабылча... Колонна городтанъ сых-кілген. Сыйыхтарнынъ оо-пазын аларға кирек.

Ленинградецтар нимененъ не боецтарны сыйлабааннар: онъ-пазы чіченъ ниме, папиростар, карманнай платоктар, газеталар, письмолар паза даа пасха көп ниме. Роман пір письмоны талаң, хығырыбысхан: „Боец арғыстар! Мин сағам 10 частығбын, че ырычынанъ күресчетсөнъер мині сірерненъ хада тіп сағынъар. Мин прай сағызымнанъ, чүреемненъ сірерненъмін. Кирек полза, мылтых тудынып парапта полған на минутада тимдебін. Прай олғаннар мин осхастар. Піс, советской олғаннар, сірерденъер хараа-күнорте сағынарыс. Анымchoхтар, арғыстар! Витя Сунгурров“. Кем піледір, ниңче мунъ мындағ письмолар 10 на минутанынъ аразында кузовха тасталған. Кемнінъ чүрегі тибребес, кем прай позынанъ брінмес ағаа, кем чоннынъ чаасказы үчүн тынағ пілбин, хараа-күнорте тоғынча, кем Родинаның чонын мындағ көгліг, күстіг, ынағ ит-салған. Анынъ ады полған на боецтынъ чүрегінде от чили чал-браннып койче, анынъ үчүн ырычыны аяғ чох унадарлар.

Харасхы полыбысхан. Колоннанынъ пазы границаны кизібіскен. Машиналарнынъ көк чарыхтары тігде-мында чылтрасчалар. Пір чирде Роман одырган машина тохтабысхан. Шофер Тихонов хайди даа идіп, чөргіс-полбин-салған. Ирік чох, хада париган арғыстардань халарға кіліскең. Машинада одырган командир Печоркин Роман-ны машина хадарапта сыгарыбысхан. Сых-кілзе—харасхы, соох, хар чаапча. Харахха ниме көрімінчे. Аннанъ ырах

нимес орында хайдағ-да нимелер азырайып көрінчелер. Паза түрче поларынанъ, танъ чарып-кілген. Күн харағы пәзік ағастарны тобыра пастағы чарин тастаан, ананъ-кідіріліп, чир үстін прай чарыдыбысхан. Хараа азырайысхан нимелерні көрзе, ол койген тураларның трубалары полтыр. Ол ахфиннернінъ киректері. Олар, Хызыл Армияға сүрдір-парирып, тураларны бортеглебістірлер.

Шофер Тихонов кирек нимелерні анда турған полктанъ ал-кілген. Ананъ, түрче ле өлізіп, машиназын чөр-гізібіскен. Машина арып пуста париган коньки ла чили-парча. Кузов алайба терпек сегіреп оймах-осхыл чоғыл.

Күн кидер айланыбысханда, шофер Тихонов аргыстарын сүре читкен. Олар Х... деревняда тохтаптырлар. Хончанъ орын чоғыл. Деревняның орында трубалар ла турчалар паза изелген печтер ле. Ағас кизіп, харданъ-отах иткеннер. Ананъ—азрал, тиріг онъдайлазы пасталған.

Финляндияда олар 15 күнче чёр-салғаннар, че чаала-зарға киліспеен. Финляндияда ағастығ чир. Ананъ прайлары, чайғыдағы ла осхас, пүрліглер. Көлденъер choохтиры даа чоғыл. Олар тынъ көптеген паза пірсі пасхазына анча чағын—чолча чёрчеткен кізее төреміл пусча ла чёр-четкен осхас.

Колонна чаалазар орынзар чағдааннанъ чағдабысхан. Пушкаларның, пулемёттарның күзрескені пос истілібіскен. Харза ползох, тигде-мында, күгүрттіг нанъмырдағы чіли от сағыл-халча паза алныларында ниме-де чал-браңып койче. Полған на боецтынъ, командирның чүрегі өріністіг сабылча, полғаны ла ырычынанъ күрезібізере чидікпинче.

Колонна тохтабысхан. Соох, тынысты төдір тартыпчада. Харнанъ пори нанъмыр чаапча, ананъ хыян пол-кіліп, тоор-парыбысча. Машиналар, винтовкалар паза шинельлер дее, суға ла кірген ниме чіли, пусталдыра тооп парчалар. Катанкалар бллер, удаа хурутчанъ онъдай чоғыл. Чон, күрчек, лом тудынып, тарабысхан. Хар улуғ, чолданъ сыхсанъох, орты көгісче кире тұс-парчазынъ. Машиналар чарым часта ла кирек орынға турғузыл-парғаннар, хыя тасталған хар хыр ла чіли ўұліп чадыбысхан. Амды посха тұра идінерге кирек. Тігде-мында тоңъ чирге ломнар, хайлолар сабылчатханы истілібіскен. Ўр ниместенъ землянкалар пүткел парғаннар. Романинъ Крзан, нименооларын тудына, кір-парзалар—чон толдыра. Землянканың ізігін чаабызып, свечі тамызыбысханнар, тимір пеес күүлеп койче. Чылып, хурудынарға даа чарир.

Хачан землянкаларда ииргі азрал иртіп, чон уйғаа түзібіскенде, ииргі тус иртіп, харағызы полыбысхан полған. Че ўр узирға киліспеен. Рота командирының приказ пиргеніненъ боецтар кинетін усхурылғаннар. Шоферлар тұра ла машиналарын чылдып, заводить полыбысханнар, боецтар ол харығда прай нимелері землянкаларданъ сығарып, машиналарға таарлабысханнар.

Пазох пар-сыхханнар, че амды чаалазарға. Танъ чаарып туста колонна тохтабысхан. Роман машинаданъ сыхкілзе, хулах туныстығ күзрек полча. Алны хринда ікі бе, ўс пе зенитка тохтағ чох күзрепчелер, ибре сариинда пушкалар, хатығ күгүрт чіли, тигірнің алтын асталдыра тапсапчалар, оларның стволынанъ сыххан чалын чоғар көдіріліп, харасхы харааны тігденъ-мыннанъ чарытча паза алнында чатхан халын харны чирнің хыртызына читре хайылдырча. Чалын хапхан ағастар койе-түзіп, хара пырлан-парчалар. Роман пазын чоғар көдірібіссе, тигірдегі чылтыстарны, анда пулут чох таа полза, көрченъ онъдай чоғыл. Тигірге алты-читі кресті прожекторлар чарии сыхча паза санаپ тооспас öнъ-пазы ракеталар прай тигірні тулғабысчалар. Алны хринда хайдар-хайдар борт койче, аның чалыны харағы туста тигірге сіри атыхчатхан осхас. „Чаа мындағ ниме полған иоо“, —сағын-салған Роман. Аナンъ командир тимненерге приказ пирібіскен. Чүрек сабыла-түскен.—„Ана, хачан читті хачаннанъ сахтаан бріністіг тус!“—Роман хости турган арғызына чоохтанған.

Ротаныңъ командиры паза ·политругы боецтарны пір орынға чыып, оларныңъ алнында турғызылчатхан задачаданъар чарыда чоохташ пиргениер. Аナンъ алнындағы линиязар чөрібіскеннер. Хар улуғ, хайзы чирде көгісче кире түс-парчазынъ, че чубанарға чарабас, анда полған на секунда аарлығ. Командир Романға приказ пирібіскен: „Соона чат-халған боецты сағып, пулемедын ағылышарға полы зарға“. Арғыстарданъ халарға көбл айланминча, „уламох анда, хачан нинче-де минута пазынанъ ырычынанъ учразарынъны пілчезінъ“. Че полчанъ онъдай чоғыл, приказты толдырарға кирек. Көрзе, пулемёт тартып одырған боец—Крзан. „Че, табрах, табрах!“—Роман тыстанмін тапсабысхан. Крзан, аны көр-салып, брін-парған, прай күзін салынып, табрах чөрерге сіренче, че хар чолын тынъ айнұттырбинча. Чит-кілгенде, ікөленъ пулемётты ой тартып парыбысханнар. Алныларында хойығ ағастығ орын, ағаа кірерлеріненъ, хайда-да ниме чыхлап-халған. Аны нимее салбааннар, чаада андағ нимелер көп поладыр. Че

ікі-үс хаалирларынанъ, пазох чыхлап-халған, табызы автоматической, көп атылчанъ тирігни. Пір ух Романнынъ побіргін тобыра парыбысхан, кирек пілдістіг – оларны атыпчалар. Кинетін чада-түскеннер. Атыс тымыл-парған. Аナンь сала көдірілерлеріненъ, пазох чыхлап-халған. Крзанынъ хринда ух харны чара саап парыбысхан. Мылтых атызы чогар тасапчатхан осхас. Онъни көрчеселер, ағас узында хайдағ-да ниме харалча. Крзан, көстеп, атыбысхан. Ол ниме, аар-пейр сабылып, анъдарылыбысхан, че чирге түспин, азахтарын палғағлаан ілчірбелерге ілініп, тоңғар турыбысхан. Тирии харға кире түс-парған.

Іди ағас пазында одырчанъ кізілеріні пістінънер „Күкүшкә“ тіп адап алғаннар. Оларны андар онегін одыртчанънар. 10 күнге азых пиріп, анча-да кізіні өдір-саларға задание пирченънер, че түзіп, парыбыспас иде азахтарын ағасха чапсыра палғахлап-салчанънар. Оларнынъ хайзылары пленге кірзелер, азахтары тіске читре үзүглен парған полчанънар, хайдар парзыннар за, хачан паза полчанъ онъдайлары чохта.

Романнар, аннанъ маңынана ла, арғыстарынынъ соонанъ чөрібіскенner. Үстілерінче снарядтар сығырызып иртіп, алныларында ырах ниместе түзіп, чирні ыра-чара саапчалар. Арғыстары ол орыннанъ ырах ниместер. Чит-париғаннарында отделениенінъ командиры Гуров „чадынъар!“ тіп хысхырыбысхан. Чадарларынанъ, финнерзертін килген снаряд хриларында түс-парған. Чирнінъ тобрагы оларға чабыла-парған. Аナンь олох командир, холын улад, алнынзар көзіткен: „Ана, ол ДОТ“. Мынынъ алнындох көрғен осхас хыр. Анынъ үстінде хойығ ағастар өс-парған паза азах таа тегбеен арығ хар. Пу хринанъ торт хадылли хазалчых әмекненъ иділген тудығ, анынъ озаринда мина салылған чазы, аннанъар танктарны иртірбеске пұдірліген гранит обаалар (надолбтар).

Пістінъ артиллерия ДОТ-тынъ пу хриндағы прай тудығларын тали саабысхан, анань, ол атызын тохтадарынанъ, танктар чөрібіскенner. Анчада белофиннар ДОТ-танъ атып паствааннар. Танктарнынъ, советской пехотанынъ наступлениеизін ноо ниме тохтадып алар! Олар тудығ пілбес, улуғ ағын сүғ ла чили чөрібіскенner, чолларында учраан нимелер, хорымнығ хаяя урунғандағы чили, ун-талған полхалғаннар. ДОТ-ха чит-париғаннарында хости ДОТтарданъ атып-сыхханнар, че ол даа полыспаан. Наступление уламох тыбызып, ДОТ-тарны прай туу пазыбысхан. Отделениенінъ командиры Гуров, хызыл знамяны

танға чалбастандырып, ДОТ-тынъ ўстіне сығар-парған туста палығладыбысхан. Анынъ холынанъ знамяны Крзан алып-алып, „Ура, Сталин ўчүн!“ тіл хысхырып, ДОТ-тынъ ўстіне сығара ойлаан. Белофиннарнынъ ухтары харны хринанъ оя саап-турлар, хайзы побіргін, шинелін тобра парыбысхан чіли пілдірче, че чалтаныс пілбес боец знамяны холынанъ позытпин, инъ пәзік чирде тұргыс-салған. Ыырчы аланъ ас-парған... Чир алтынанъ сығып, онъар-тискер ойласхан ниме синіненъ азыра көп, сооларынанъ пулемёт, винтовка ухтары сүре қидіп, хайзын холын чогар көдіртіпчелер, хайзын харға анъдарчалар.

Аннанъар пазох андағох тириг. Белофиннар пістінъ наступлениені тохтадып аларға анда праі күстерін чынчалар. Анда ла хатығ наңдырығ пир-полбазалар—Выборг пістінъ холда. Аны олар چарых пілчелер. Иирзер тус пол-парған. Тигір улам аязып, хатығ хыян тартылыбысхан, тирге өл пол-парған шинельлер ағас ла чіли хролап парғаннар. Романнанъ Крзан, пулемёттарын онъдайли тұрғызып алып, команда сағыпчатханнарында, ротанынъ командиры Шевченко хриларына киліп, заданиені чаҳсы толдырганнары ўчүн благодарить полған, ананъ кинетін сурыйбысхан: „Сірернінъ хайзынъар палығлығды?“

— „Ікібіс тсе хазыхыпс“—пір үнненъ наңдырганнар Романнанъ Крзан.

— „Пу хайдағ хандыр за? Орнынъарданъ хыя чадынъардах... Палинъ нога қазырчазынъ?“... „Танъ, онънабин-салтырыбын, командир арғыс. Улуғ нимес, сойдыра парыбысхан,“—Крзан чүрексіп наңдырган. „Азаанънынъ узы хыймырапча ба, хыймыраттах... хыймырааны өфіл ба хайдағ за... Санитар, носилка ағыл!“ Командир, Крзаннынъ халғызарға сурыйғанына хайбин, носилкаа салдырып, саңбатсар ызыбысхан. Аナンъ Романзар айланып, күрлеен: „Син нога іди қазырындынъ, кирек хомай полыбызар, чабаллазарбыс. Азранғазынъ ма?... Нога за? Амох азран, аңанъ сыйныхтирыбын. Полысчы амох килер“.

Харасхы полыбысхан. Түгенчі сүбені (рубеж) хараағызын аларға задание пірілген. Артиллерия пазох атып сыйхан, пазох хулах туныстығ полыбысхан. Алнында турған хойығ ағастар түрчеде ле онъар-тискер сыйн-халғаннар, түрчеде ле ах хар тас-хара пол-халған. Ол күзрег тохтап парғанда, пазох танктар алнынзар чөрібіскеннер. Олар ирткен орыннарда паза алныларында саны чох миналар атылғап, тобрахты хай-хай пәзікке көдірчелер, ағаа хоза белофиннар, ниңче ле пар күстерін салып, чаалап

пастабысханнар, че андағ даа полза, чаанынъ чөрімің алыстырыбызар онъдай чоғыл. Моторлар ғағыннанъ ғағын күзрезіп, хорғамчыл наңымыр тынъянанъ тынъ чаабысхан. Роман пулемёдын сөзіріп парчатханда, пір боец ойлап-кіліп: „Саға аар полча полар, коробкаларыны ал пеер, полыс-пирим“ тіп, хости ойлап-кілген. Романга ол табыстыныс осхас пілдірген, че аны хайда искенін сағын-полбаан. Көрзе, ипчі кізі, хызыл кресттіг сумка артын-салтыр. „Санитар полбаспа за“, — сағын-салған істінде. Кинетін алндарында ырычынынъ пулемёды тоғыныбысхан. Чада-тұс-кеннер, көрзелер—иб осхас улуг тасха көленіп алған ырычы пістінънері тоғыртын ғаалапча. Пулемёдын андар айландырып, пір очередь пиреріненъ, тымыл-парған. Аナンътурып-одырғаннарында, олох тастынъ кистіненъ алты белофинн кинжалларын тудынып, удур ойлааннар. Чиде ле, тигр чіли, сегірізібеккеннер. Роман ікі белофинны, аргызы пірні тұзіре сазарларынанъ, ғардыхтары ойлазыбысханнар. Че сболарынанъ мылтых тапсирынанъ, кинжалларын, мылтыхтарын хыя тастап, холларын ғоғар тудып, турыбысханнар. Аргызы оларны штабсар апарыбысхан. Қирек ғыдананъ сазызар синге читкен. „Ура! Сталин ўчүн, алнин-зар!“ тіп ҳысхырызып, прай боецтар ғыдаларын алнин-зар тудып, чөрібеккеннер. Белофиннар удурох сегірген-нер. Тағ таға урунғандағ. Ҳысхы, бостег, тимірге тимір тегендегі сынылас, команда ол арада толдыра полыбысхан. Роман полған полк, ырычынынъ хабыргазынанъ кірібізіп, ибріп-ибріп аларға күстенген. Ырычы тынъ удурлазарын, че советской пехотанынъ чөрізін ноо ниме тохтадып алар! Нинче-нинче чүс белофиннар ғара хантырыбызып, удурлазарын тохтадыбысханнар, ғара хантырбааннары, тиріглерін тастабызып, пүүрденъ ўрүккен мал ла ғили, онъяр-тискер ойласханнар, че чаанынъ законы хатығ, олар даа чох иділерденъ пасха хайдар паарлар, хачан күрәзерін ғашынанъ тохтадарға хынмазалар! Оларданъ пазагы сүбее саниғла кізі читкен.

Марттынъ 12 күні. Күн көдіріліп, 10 час тузына чит-парған. Выборг город пістин. Андағы тураларынъ юстінде ҳызыл знамялар ғалбастан-турлар. Иртен унада саптырған ырычынынъ артхан-халғаны ДОТ-тарға кіріп, тас кистіне көленіп, удурлазаргох тимненче. Приказ — оларны унада саап, түгенчі сүбені холға аларға.

Пулемёттар, миномёттар, пушкалар уламох тынъ тоғыныбысханнар, ырычы көленген тастар ойылбас чирденъ оя чачрап, ах харнынъ юстін чохырли тұсчелер. ДОТ-тар-

нынъ ўсті ыра-чара сабылып, анда ёскен ағастар хайзы ортызынанъ, хайзы узынанъ ўзе атылғаннар. Оларның істінде ырычылар өліг нимес, тіріг нимес одырыбысханнар.

Ротанынъ командиры Шевченко он азра боеттарнанъ хада ДОТ-тарзар чыл-парған. Роман оларның ох аразында полған. Че артиллеријанынъ атызы тохтирынанъ, хызыл пехота атакаа іділібіскең. „Советский Союз учүн, Сталин учүн, ура!“ теен табыстар, тайғанынъ янъызын көдіріп, ол ара чирге тола-түзібіскеңнер. Белофиннар, сағызы сыххан на ниме чили, хысхырызып, удурох атылып, пістінъ пастагы сабыстардох унада саптырыбысханнар. Артхан-халғаннары пленге кіріп, чон аразында чіт-халғаннар. ДОТ-тарда одырғаннар сығара сегірізіп, хайзы пленге кіріп, хайзы аннанъарох тискеннер. Оларның парап чолларын азынадох піл-салып, Шевченко солдаттарын хайда кирек орыннарға тұрғысхлап-салған полған. Хачан олар ойласхлап-сыхханнарында, әлімніг атысты азыбысханнар. Белофиннар пастап айландыра тартханнар, че сооларында уламох улуг күс килчеткенде, прай күсті салынып, алнындағы цепті ноо даа полза тали саабызарға күстенібіскеңнер. Романинъ пулемёды күзін нинче-нинче хати хосхан чили тоғыныбысхан. Белофиннар от ла чили кизілчелер, че паза парчанъ чир чоғыл, чол пір ле—пуларзар ла. Алнындағылары әл-халза, соондағылары азра сегіріп килчелер паза пасхалары алнына сыхчалар. Анда көп кізі әл-халған ма, сидік чоохтиры, че пір ле ниме пілдістіг полған—нинче-нинче чүстенъ саннығ ла кізі халыбысхан. Че андағ даа полза, алнындағылар сыйичалар. Кинетін пістінъбернінъ кистіненъ чүске чағын кізі сыхкиліп, сахчанъ аар ла чили сырылзыбысханнар. Роман оларны көрбеен полған, анынъ полысчызынынъ иннене кинжал кір-парғанда ла, онъяап-салып, тұра-хонған. Кирек хомай, ырычы күсненъ нинче-нинче хати азынча, пір кізіні он азыра кізі әмелепче. Че андағ даа полза, советский чыда чинъер, ол позынанъ күзін пір ле хати көзітпен. Романинъ ибре сариинда финской кинжаллар чылтразыбысхан, оларнынъ узы чүрексер намалча... хурчағ кічігденъ кічіг... Кинетін пір финн сегірібізіп, Романинъ тاماғына тыныбысхан, кинжалы холтых алтынча сойдыра парыбысхан. Ікінчізі, үзінчізі, төртінчізі сегірібөгіскеңнер, че Роман пастагызын прикладнанъ анъдара саабызып, чардықтарын чыда узынанъ удурлаан. Финнер аргыстарынынъ әл-халғанына ачырғанып, уламох тынъ

хызыбысханнар. Че ол тинъ нимес, тынъ күрөзігінъ нименъ тоозылар полғанын сидік chioхтиры, сынап ол туста пір боец ойлап-кіліп, абылас-турған ырычыларны хырыбызарға полызыбыспаан полза. Сах-олох туста пехотанынъ ёён күзі чидіп, ырычынынъ түгенчі удурлазын сындырыбысхан. Олох туста команда пирлібіскен: „Чаалазығны тохтадарға, 12 час—перемирие“. Сағам на хулах тундыра күзреп-турған күзрет кинетін тохтап-парған, хайхастығ — че андағ. Роман сулан-парған холын суланғанынан тохтабысхан. Тұзурерге чарабас—команда.

Шинелінінъ идеғіненъ тириң ызын-турып, Роман алнынзар көрібссе—харағы полысчызы турча. Таныс кізі осхас, че пір дее сағысха кир-полбинча. Ноға-да чүрегі чілбресче. „Хайдағ хайхастығ,—сағын-салған ол,—чүреем көп, хорғыстығ даа нимелерін көріп чілбреңеен, че пу, хайдағ—да ипчінінъ алнында сүғ сапхан ағасла чіли полча... „Ана, күлінібісті, хайдағ ғағын күліністір... Ол ани—Таняни. Кинетін хайдағ—да ниме пол-парған. Роман піл беске кір-парған осхас, аны пілбинчे. Онъарыл-кілзе, ікі тыныс ғағыннанъ ғағын, холлар арға мойынға түзіс-парғаннар.

— Рома, мині ундубаазынъ ма?—теен сөс хулагына истиле-түсken.—Чох, чох! Рома ундубаан, ол сині ле сағын-чөрген...

— Че, полар, Татьяна Петровна. Сині лазаретта сағыпча поларлар, — полктынъ комиссары пастыр-кіліп, күлініп chioхтанған. Қарылызыры сидік, че сағамғы тус анын кирексіпче...

\* \* \*

Роман колхозындох тоғынча, кёксінде Ленин ордены. Машинада аныванъ хости Таня одырча, анынъ кёксінде орденох. Ол сағам имчіл.

## А К У Н\*)

(Үс действиеліг, пис картиналығ пьеса)

ОЙНАЧАНЬ КІЗІЛЕР.

А кун—choх-choос кізі.

Х а ч а х—choх-choос кізі.

Т о р г а й—Ха чахтынъ ипчізі.

А нна—Акуниның көблепчеткені, Ха чахтынъ хызы.

К а з а н—Ха чахтынъ оолы, 12 частығ.

К а к а—хам, 50 частығ.

О в д о

П о з р а с } Каканың ипчіләрі.

Х а р о л—Каканың чалчызы.

Ир е п е н—ырыуы.

Олька—хасхылар пастығы, 40 частығ.

Т о х т о б и н—партизаннارның пастығы.

К р з а н—партизаннар штабының начальниғы.

К а м о

Х а м ч о } партизаннар—командирлар.

М а т р о с

М а р у с я—имчі хыс-

1-ғы партизан.

2-ғы партизан.

Т о д а—апсах партизан. Хайчи.

К а д о—апсах партизан.

Ир к ізі,

Ипчі к ізі—палалығ.

Х а д ағ ч ы—партизан.

К а м о н—партизан.

К а р у н

Х ы р ч а т а й } —хасхылар.

П ә с е р е й

К а д у с

К ў ч є ү к } —аалдағы choх-choостар.

Ивчі к ізі

Ир к ізі

О до

Т а р ч а н } —хыстар.

Пір кізее инчесе-инчесе роль ойнирга чарир. Иреннер ролі—25, ипчі ролі—9.

Мында 1919—20 чылларда күрөзің парғаны көзіділче.

\*) Пұ драманы автор 1935 чылда пастап, 1940 чылда тоосхан. Пастағы туста ол „Түгенді хам“ тіш адалған полған. Соонаның пьесаның ады „Түгенді хаминъ“ „Акунға“ алыстырыл-парған. Пастап ла печатьта 1942 чылда алынча изданиенен сыйхан.

## ПАСТАФЫ ДЕЙСТВИЕ.

### ПАСТАФЫ КАРТИНА.

Кизек ағастығ чир. Анынъ кистінде обаалығ күргеен турча, аннаңъар—көгерс сиилі, тағлар көріңчелер. Күн харагы чабыс түзіп, хызыл чарин ағастарны арали партизаннарга, оларнынъ ниме-нооларына тастапча. Анда-мынла кізілер чörчелер. Оларнынъ хайзылары отах пүдірчелер, от салчалар, паза пасхалары чаада алымған мылтыхтарни пір чирге ўйп-салчалар. Тоғыс аразында партизанин ырын ырласчалар.

Х о р.

Ағарып турған „Ах тасхыл“  
Ах пулут чіли көрін-тур;  
Атығып түскен күр пораан  
Айнынъ харагын тулғап-тур.  
Көгеріп турған „Көк тасхыл“  
Көк пулут чіли көрін-тур,  
Күрлеңіп түскен күр пораан  
Күннінъ харагын тулғап-тур.  
Игірлең иткен санаалар  
Изәрлең мүшер ат полгай;  
Илбек ағастығ тайғалар  
Иртісте хонар чир пиргей.  
„Ханым тасхынынъ“ ўстіне  
Халых чонмұнанъ сыгарбыс,  
Хасхы Соловьев, чонынъны  
Хатығ ухпышанъ хырарбыс.  
„Тигір тізінінъ“ ўстіне  
Тирігліг чоннанъ сыгарбыс.  
Тисқін Соловьев, чонынъны  
Тиксі чирде хырарбыс.

### 1 - ФЫ СЦЕНА.

ікі партизан от тамысчалар.

1 - ФЫ партизан. Ўр тіпчадым. Эйне сүрген, ўр!

2 - ЧІ партизан. Көршазынъ, ўрчабын! Ішегем ўзе шашриға одыр. Койбин-турған эмені әмол әдібалам. (*Хада ўрчелер*).

1 - ФЫ партизан. Ана, хыжаршады! Күстен тіпчадым, күстен!

2-чі партизан. Ол пъеденъ хыжар-тур! (*үрчелер.*)  
Ше хайди-полза тамылыбысты! Эйнеденъ терлеенче тееш-  
тім!

1-ғы партизан. Шаада мындағыданъ іжіг полған,  
а? Тир ахпас шерденъ аххан. Ше аның ўжұн хасхылар  
ұлустерін алынып, хус щүгү ле шілеп, тооластылар. Пір  
ах эйнені медек харнына хахханым, мойнын кестірген  
петух ла шілеп тырбанънап турадыр.

2-чі партизан. Эмол эмеге шарабас әмеденъ мах-  
тан-турзанъ! Мен „максимканы“ позыдыбысханым, эйнелер  
от ла шілеп хырыл-халғаннар!

1-ғы партизан. Анынъ алғы даа кезі махашы  
полар! Ше мен шілеп хыжыл хол тартыс-көр!

2-чі партизан. Ўр тіпчадым, анъайған, ўр! Хайдағ  
мунзуриинънанъ махтанып, пъеденъ күстенгенімі тик ит-  
турзынъ?

*Пёле иділген отахта стол ўстінде чатхан картаны  
көріп, ікі командир сарысчалар.*

#### 2-чі сцена.

Камон. Пүүн көп ниме синненъ полды!

Хамчо. Минненъ?

Камон. Йа, синненъ! Тахтаны позынынъ тузында  
алған ползанъ, хасхыларнынъ чарымызы тіріг халбасчых.

Хамчо. Тохта, сегіренънебе! Позынънынъ проңыны  
хайдар идерзінъ, взводынънанъ атысты нога пурун пас-  
табысхазынъ?

Камон. Кирек атыста нимес, хайди онъарылбинча-  
зынъ, кирек тахтада. Сірер аннанъ, піс мыннанъ чағын-  
ап, мыннанъ хызыбысхан ползабыс, хасхыларнынъ пар-  
чанъ чирі пір ле подарчых—суға ла кірерге. Суғдағы  
кізі—пилен хой!

Хамчо. Син чі, хайди онъарылбинчазынъ! Сөлепчем,  
атысты піс тахтада читкелекте паставасха кирек полған.  
Киректі синінъ манъзырозынъ ардат-салған. Сағындах,  
тұрчे тызынған ползанъ, кирек хайдағ пол-паарчых?  
Андада оларны ибіріп аларчыхпсы.

Камон. Синненъ ниме онъарылыс-полбас па хайдағ!

#### *Крзан кір-кілчे.*

А-а, начальник аргыс, истек, Хамчо ниме тіпче.

Крзан. Тұрчे тызынъар ўзүрербіс, хайзынъарни  
сындыр, хайзынъар пролығадыр.

### 3 - чі сцена.

От чариннда пір атсах маймағын тағрапча, паза пірсі турун сыхсырча.

Тода. Ниме чох, сват! Хасхыларны тооссабызох, амыр чуртнанъ чуртабызарбыс.

Кадо. Чахсы полар чуртирга. Ат пости, чир пости, тоғыс посха! Нымахтағы ла осхас полар ба?

Тода. Хырабыста чі, хайдағ ас бозер? Күскүде анъмар ізігін азыбыссанъ—ол хайди сусталар?

Кадо. О-о-о! Ол рай полар, сват! Рай!

### 4 - чі сцена.

Матрос. Сергей Симонов прай талайларның тарынызын көрген. Худайға тынын пирерге пір ле хати тимненмеен. Мин хайда полбаам. Прый чирде полғам. Полғам мин Хара талайда, полғам Балтийской талайда, Волгача, Иртышча чөргем, че амды Кимче Хакассияға читтім. Абахай хыс, чарадынъар—көнънінъ ойнадар ўчүн сірерге пір ыр ырлап пирерге. (*Ырлапча*).

Паза саға мин айланмаспрын,  
Пазых-парған кәбленізім,  
Атыныбызам мин пулемёттандынъ,  
Анда көрерзінъ ханымны.

### Хызы тапсабинча.

Сергей Симонов позының чуртазында көп хыстарны көрген, че синдеғ тарынчаҳтарны көрерге киліспеен. Эх, Маруся (*Эзгіненъ тутча*).

Маруся. Тохта, Матрос! (*күлүмзіреп*). Сіреп, Сергей Сергеевич, хайдағ чаархастығзар.

Матрос. Эх, Маруся! (*Хости одырча*).

### 5 - чі сцена.

Ікі партизан от хазында газета хығырчалар.

1 - ғы партизан. Прый чир кресеннеге. Онъарылдынъ ма? Прый чир піске!

2 - ғі партизан. Хайдах пеер, мен тут-көрим. Хайдағ магат пазылған чачындыр. (*Нандыра пиріп*). Анна-нъар хығыр.

Пос алынча хығырчалар.

6 - чы сцена.

Тохтобин. (*Kір-кілчे*). Изеннер.  
Прайзы. Изен, изен.

Тохтобин. Кирек хайдағдыр, ооллар?  
Матрос. Хомай. Маруся тарынча!

Маруся. Иа, ана! Сырбалғанны, хара-чаархастығ!  
Анынъ на гармошказынынъ табызы — „Паза сага мин айлан-  
маспын“...

Тохтобин. (*Күлініп*). Чүреенъе теепче бе? Е-е-е,  
мында тойнанъ чыстанча!

Кадо. Минінъ харінам тикке ле арағаа сухсан-тур  
нимес. (*Хатхырысчалар*).

Матрос. Син, командир арғыс, пазыртхан пабам полар-  
зынъ ма?

Тохтобин. Хайди даа! Андағ нимее хынмасха чарир  
ба?

Матрос. Андағда, командир арғыс, чарат Марусяны  
охсаныбызарға.

Тохтобин. Охсан, че ирнінъі пүдін халғыс.

Прайлары. Ха-ха-ха!

Маруся. А-а-а, сірерні! Прайзынъар тёбйзер. (*Хыя  
пастырча*).

Матрос. Амды минненъ оспассынъ. (*Соонанъ па-  
стырча*.)

7 - үі сцена.

Тохтобин. Син чі, ағам, ух чолын тулғап-турзынъ  
ма? Азаанъ ниме полбады ни?

Кадо. Чох, анча-мынча терізі ле сойылған.

Тохтобин. Көзіттек.

Кадо. Нимезін көрерзінъ, мына.

Тохтобин. Сулғанчиинъны алыбыс.

Кадо. Анда ниме чоғыл, командир арғыс!

Тохтобин. Көр-көрербіс, пар ба алай чоғыл ба.  
Маруся!

Маруся. Истіпчем, командир арғыс!

Тохтобин. Кадо аспахтынъ азагынынъ палин нога  
сарыбазынъ?

Маруся. Ала-а-а-й! Пая нога мині ханъыртхазынъ,  
агам, ух терімні ле сойдыра парыбысхан тіп?!

Тохтобин. Сыныхташ турарға кирек!

Маруся. Ырахтынох чаалап турғанда, хайди сыных-  
тачанъ?

Тохтобин. Палиин сарып, чатыр-сал.

Кадо. Командир аргыс, чадарға... ағырбинча!

Тохтобин. Сöбгïне теере иді чох ниме ағырадыр ба  
за, ағырар чоғыл. А-а-а, пүүнгі чаалазығның геройы  
тур ба!

#### 8-чі сцена.

Тода. Поч! Хайдағ герой? Ольканы позыдыбысхан  
кізі герой полчанъ ма?

1-ғы партизан. З кежіні чалғызан хаах-салғаны  
әмедір ол, героизм әмес пе?

Тода. Че пазох хозяип-хозып чоохтағлирзар.

Тохтобин. Полған нимені кізі харагынанъ қазырары  
сидік, ағам. Пірее ниме полганох полар, че чоохтадаҳ  
Ольканы сала тынның позытханынъны.

Тода. Анда чоохтири даа ниме чоғыл.

Тохтобин. Чон истерге хынча.

Прайлары. Чоохта, чоохта!

Тода. Хайди идерзе, чонның күзі артых. Кирек мын-  
дағ пол-парған: піске өзіншілік полған—тахтаны аларға.  
Піс андар читкелектöк атыс пасталыбысхан. Піске тоғыр  
ырычының пулемёды тоғыныбысхан. Сағын-турзам, кирек  
чаҳсы нимес. Аナンъ за аргыстарымны чатырғлан-салып,  
оларзар чылыбысхам. Ол-пу полбин чит-парып, пулемёт-  
чикты тыңчытырыбысхам. Аナンъ пулемёттарын поста-  
рына тоғыр айландырыбысхам. Көр-турзам, Олька чонын  
пістінъзербек уусытапча. Пулемёдымның үғы тоозыл-чörі-  
біскен. Аңчада тұра-хонып, Ольканы хысахачах мылтиим-  
нанъ атханымда—адына тееп парған. Ікінчізін салтырга-  
ным—мылтиим атылбін-парған. Аナンъ на тудыл-халған.  
Сала чиит полған ползам, тудылбас полған.

Тохтобин. Че ниме-choх, ағам! Олька синненъ хыя  
парбас! Оларның пулемёдымнанъ оларны атханынъ үчүн  
спасибо! (*Гармония ойнааны истілчे*).

Тохтобин. Че, матрос, көзіт-пирдек, партизаннар  
хайди плесет саладырлар?

Матрос. Истіпчем—көзідерге! (*Плесет салча*).

2-чі партизан. (*Тодага*) Чедек, герой, азахта-  
рынъны тилідібістек!

Тода. Полбінчам.

Прайзы. Че, апсаҳ, төдірленме, мында прайзы пос  
кізілері!

*Тоданы плесет салдырчалар, ол салча,  
прайзы ағаа полысчалар.*

Тохтобин. Че, амды полар. Азранғазар ба?  
2-чі партизан. Шох, яблах пышхалах!  
Тохтобин. Манъзрадынъар, анаң иртеезін ты-  
жаннъар.  
Тода. Чірчем синде бе, Кадо?  
Кадо. Минде.  
Тода. Сығаар.  
Кадо. Чей хайнап парды ба?  
Тода. Тепкленіп паставбысты.  
1-ғы партизан. Сен, эйне, чейні хайдағ көп салы-  
бысхазынъ? Кежі дее іжері шоғыл.  
2-чі партизан. Пая көп тее осхас полбаан полған.  
Кадо. Командир арғыс, тартчанънань хызылыбыстым.  
Тохтобин. Камон ўлебеен ме?  
Кадо. Чох, хынза мин чохта ўлеен полар.  
Тода. Пая аастан-чөрген.  
Тохтобин. Камон! (*Камон отахтанъ сыхча.*)  
Камон. Истілчем!  
Тохтобин. Оолларға көп ниместеп тамғы ўлирge  
кирек.  
Камон. Хаағы-сöбі ле халган.  
Тохтобин. Хайди идерзе, тамғы тапханча ол даа  
чарир. Ухтар чі көп халды ба?  
Камон. Хызырылыбыгысхан.  
Тохтобин. Хасхыларни халбаан ма?  
Камон. Пар, ам даа санға алылғалах.  
Тохтобин. Оларны санға алып, штабсар кізі ызар-  
ға кирек.  
Камон. Истім—оларны санға алып, штабсар кізі  
ызыбызарға!  
Тохтобин. Толдырнъар!

. 9 - чы сцена.

Наа кізі. Пістенъер хулах салдынъ ма?  
Камон. Э-э-э! Командир арғыс, піссер наа кізілер  
жилгеннер.  
Тохтобин. Хайдаларды?  
Камон. Мына.  
Тохтобин. А-а, изеннер, арғыстар! Хайданъзар?  
Ир кізі. Изеннер! Хости аалданъ!  
Тохтобин. Анда хайдағ хабар?  
Ир кізі. Хабар пар: чон сірерні сағып-тур, пайлар  
аҳтарзар пар-турлар.

Ипчі кізі. Аナンъ олар адай ла полыбыстылар. Кізілерні большевиксінъ, хызылзыңъ тіп, харибге чаап турлар, чыртып турлар, малны-нимені пір дее халғыспинтурлар. Пүүн хараа түгенчі інеемні апарыбысханнар, кичеे күнніг харахха танъахтарымныңъ мойнын толғап парыбысханнар. Хаарғаниарныңъ, нимезе, ізі дее тунчанъ полза чі!

Тохтобин. Син чі піскөк пе?

Ипчі кізі. Йа.

Тохтобин. Паланъ чі?

Ипчі кізі. Ниме—палаам?

Ир кізі. Ол хайди полбас. Кічиненъ сыгара маатыр пала.

Тохтобин. Палалығ чөрері сидік полар. Син...

Ипчі кізі. Чох, чох! Палкананъ даа сұрзенъ, парбаспын.

Ир кізі. Командир аргыс, сидік полбас. Ол тоғысха даа піди чөрченъ.

Ипчі кізі. Отха даа, одынъ даа чөрченъмін...

Тохтобин. Че, че!.. Хайданъ кичіп-килдінъер?

Ир кізі. Сүғны тахта тобінтін кистібіс. Көгісче.

Тохтобин. Палғасты чі?

Ипчі кізі. Аны киспебіс, пу хринда чуртапчабыс.

Тохтобин. Кизерге киліссе, кис-полар ба?

Ир кізі. Тоғыр ба?

Тохтобин. Йа.

Ир кізі. Полбас.

Тохтобин. Тоғырхызы чалбах па?

Ир кізі. Чибіргі хуласча полар.

Тохтобин. Чибіргі хуласча?

Ир кізі. Йа, чибіргі хуласча.

Тохтобин. Камон, азраглабыс.

Камон. Пеер киленъер. Мына іпек, яблак.

Тода. Мына чей. Чірченъер пар ба?

Ипчі кізі. Пар... Харын даа, алғаны чахсы! Чахсы кізі полтыр!

*Тохтобинныңъ хрина арчымахтығ ахсаҳ кізі килчे.*

Наа кізі. Мині отрядынъ алох, командир аргыс. Син минінъ ахсаама көрбе. Хорыхпа, отрядтанъ халбаспын.

Тохтобин. (*Хыя*). Хайда-да көрген осхаспын. Хайда—сағызыма кірбінче.

Наа кізі. Мин хости аалданъмын. Адым Ирепен,  
\*чох кізібін.

Тохтобин. Азагы ағырығ кізее пісненъ сидік полар,  
піске харығ полар, позынъа иреелестіг полар. Ибінъдок  
тынанчатсанъ, хайдағ полар, а?

Наа кізі. Минінъ ибім өфіл, командир арғыс. Хас-  
хылар прай изеп парыбысханнар. Кичең чалғыс інеемні  
сох-парыбысханнар, пүүн... (*Харағының қазын қызынча*).  
Пүүн хызымны иреелеп парыбысханнар. О, сидік апсааха.  
Мындағ нименінъ соонда хайди тыстанып чөрчедем, коман-  
дир арғыс? Сағындах, нöбс апсахтынъ сурынғанына кör-  
бессінъ?

Тохтобин. Маруся!

Маруся. Истіпчем, командир арғыс!

Тохтобин. Апсахтынъ азагын көрібіс.

Маруся. Хайди полғандыр?

Наа кізі. Изірік хасхы сызронанъ хази сазыбысхан.

Маруся. Чарадынъар толдырарға?

Тохтобин. Толдырнъар.

Наа кізі. О, прай позымнанъ, чүреемненъ чаҳсы  
сағынғам саға, командин арғыс! Худайданъ чаҳсы чидіп,  
паза мынча күн ал!

Тохтобин. (*Камоға*) Хайданъ килгендер?

Камон. Пилбінчем, кörбеем.

Тохтобин. Син анынъзар харах тастап-чёр.

Камон. Андағ полар.

#### 10 - ұы сцена.

Отах істінде.

Крзан. Сірер ікінъер дее пролығзар. Атарын ол  
пурун паставысхан, син тахтаны аларға манънанмин-хал-  
ғазынъ.

Хамчо. Мин манънанарчыхын, сынап ол ирте піл-  
діртпееп полза.

Крзан. Че, чарир! Амды парып, хадағларны сыйных-  
тағлап-кил.

Хамчо. Парчам!

Крзан. Пар! (*Ырлан, карта көріп одырча*).

Изерліг атха мүнерденъ,  
Иреттіг тайға хастирданъ,  
Иліг сүрместі чучирданъ,  
Ікі туулунъны ўерденъ.

Олар піди пардылар, мында хайди даа тохтирлар. Піс-  
пазорлап парзабыс, мында сағып аларбыс.

Иліг сүрместі чучирданъ,  
Ікі тулунъны ўрерденъ.

Ікі тулунъны ўрерденъ теенни, пу палғасты хайди  
кисченъ зе, а?

Ана ікі, ікі тулунъ саға!

### *Toхтобин кір-килче.*

Иван Петрович, тоғыр парапта итсебіс, палғасты хайди  
кизербіс, а?

Тохтобин. Чол пірле, пöгерге кирек.

Крзан. Піди парылбас, піди полбазохпыс. Піди чі  
хайдағ полар?

Тохтобин. Параалбазохпыс!

Крзан. Ана сага ікі тулунъны ўрерденъ!

Тохтобин. Ікі тулунъ тидіргенінъ! (*Картаны көріп,*  
*сағынып одырчалар. Ақун кір-килче.*)

Ақун. Изеннер, арғыстар!

Тохтобин. А-а, Ақун ма? Изен!

Крзан. Изен, изен, Ақун арғыс!

Ақун. Хайдағ-да пулунъ чирге кіріп алтырзар, чадап  
таптым.

Крзан. Сүғны хайди кистінъ?

Ақун. Чүзіп. Сүғ хайдар-хайдар табрах па хайдағ.  
Пір верстача саптырдым.

Тохтобин. Че чоохтагла, андархыда хайдағ хабар-  
ларды?

Ақун. Мин аалданъ сығып, 4 күн пол-пардым, сағам  
штабтанъ килдім.

Тохтобин. Штабтанъ? Андағда, чапсых ниме ағылды  
ла поларзынъ?

Ақун. Пар! (*Пакет пирче*).

Тохтобин. Командирларны чыбыс!

Крзан. Андағ. Командирларны чыбызызарға! (*Отах-  
танъ сығып, хысхырча*). Взводтарынъ командирлары,  
штабха! (*Чыылысчалар*).

### *Прайзы чылчалар.*

Тохтобин. Командир арғыстар, Щетинкиннінъ при-  
казын хығырчам: „Разведка искірче: Ольканынъ бандазы

унада сабылған, че аның артхан-халғаны аалзар парча. Пастағы, хакас партизаннар отрядына өткіншілдік: оларны Соловьевнань Кулаковхан піріктірбін, хыр-саларға. „Шеттінкин“. Көрчезер, пәнгіс алғыста (*Картаны көрчелер*). Олар піди парыбыстылар. Сағам мында поларлар. Мыннань пу аалға инерлер, аннань пасха чағында аал өфіл. Піске аалның үстін-сархы сариин, Ольканың Соловьевнань пірігер өзін аннань пурун алып аларға кирек. Аны піди парза толдыр-полар.

Крзан. Пазох палғасха урунча.

Хамчо. Аны кизері сидік полар, палғас.

Тохтобин. Паза парчань чол өфіл. Ибіре парзыбыс, орайлат-саларбыс, көр-саларлар.

Акун. Аны кизіре ағас төзебіссе, хайдағ полар?

Тохтобин. Ағас төзезе? О, киілісче! Сөлидірбін мінсаға, Крзан, Акунда улуғ пас чөр! Үлайының өткіншілдік 20 хулас. Орты хараадань тоғынып пастазабыс, тань алнында кис-парапбыс: Ана саға, Крзан, ікі тулунъ ўрерденъ!

Крзан. Андағда, задача мындағ пол-парды (*Кем-де отах хринда күзребіскен*). Кемдір тасхар?

Тохтобин. Син, Хамчо, парып, отах тастында ха дағ түргыс-сал.

Хамчо. Истім!

Крзан. Мындань орты хараада тибреңбістер. Таньда мынчада ырычыны аалда хурчап аларға. Аны Соловьевхан піріктірбін, унада сабарға. Үлайыны ағас төзеп кизерге.

Тохтобин. Взводтарның командирларына ит-саларға: пастағызы, ниме-нооны амох ныннахтап-саларға; ікінчізі, оолларға өзінің тұрағ пирерге; үзінчізі, хадағны тыыдарға! Онъарылыстығ ба?

Прайзы. Онъарылыстығ.

Тохтобин. Толдырнъар! (*Парыбысчалар*). Саға, Акун арғыс, улуғ задача артылча. Аалдағы чох-choостарны піріктіріп, ырычыны аалның істінен сабарға! Аал таныс, бөрлең чирінъ. Кізілерні пілгелепчезінъ.

Крзан. Аны толдыр-полар синнезінъ, Акун арғыс!

Акун. Чарир.

Тохтобин. 12 часта хараа, ундуба чонны көдір. Піс аал тастында поларбыс. Анда синін сағбанъ сағирыбыс. Тимге сыйсанъар, күргеенде от тамызарзынъ.

Акун. Чарир! Паза харах көріскенче, анымчохтар!

Крзан. Че амды манъзыра. Көр, позынны хайлала. Анымчох.

Тохтобин. Анымчох! Піс саға ізенчебіс!

Акун. Чахаанынъарны хайди даа толдырам! (Парыбысча).

Тохтобин картаны карманына сұғып, өткінде пазып одырча. АナンЬ узируга чадыбысчалар. От хринда Тода чадыған хагып, хайлап одырча.

### 11-чі сцена.

Тода. Пайларныңъ чох-чоос кізіні иреелдіргені амдыла ба за. Ідік пол-чөріп пір пайнынъ оолғы ойында чох-чоос хысха ырлапча (Хайлапча):

Харағат ёссін сағытта,  
Хаттар кірзін хойныма;  
Хызылғат ёссін сарыпта,  
Хыстар кірзін хойныма.

АナンЬ хызы наңдырча:

Харағат ёссін сағытта,  
Хара айна кірзін хойнынъа.  
Хызылғат ёссін сарыпта,  
Хызыл чик кірзін хойнынъа.

Прайлары. Ха-ха-ха!

Ипчі кізі. Чахсох ачытхан!

Тода. Иргіде Очень-пиг чуртаптыр. Ол Моол ханыныңъ хызын алған полтыр. Айна кізі полтыр. Пірсінде Моол ханыныңъ килнін аларға чаалығ парыбыстырыр. Анда сүмее кіріп, өдіртіп-салған. Анчада хаты сыхтапча ба хайдағ:

Хулууни мүніп парғаннар  
Хүйбырызып килглепчелер.  
Көксі пәзікті мүнгенім  
Көлең-халғаныңъ полды ба?  
Чабағаа мүніп парғаннар  
Чайбанънадып килчелер,  
Чарны пәзікті мүнгенім  
Чат-халғаныңъ полды ба?

Кимні чоғар чортарда  
Кипсен-салбачанъ тай Халтар.  
Кинемінг чонынъ көп халды,  
Кемге ізендінъ, Очень-пиг?  
Чорба чоғар чортарда  
Чобал-салбачанъ тай Халтар,  
Чобағлығ чонынъ көп халды,  
Кемге ізендінъ, Очень-пиг?

Амды полар даа, ооллар. Иртен иртőк турарға килізер, тынанинъар.

Хайцы тымыл-парған. Партизаннар кискен киптіг узуглабысханнар. Чалғыс хадағчы ла аар-тöдір чөріп ырлап-чёр. Ол туста, пүүр чили паяғы отрядха хозыларға килген апсақ кізі китеп киліп, хадағчыны пычах-

*табызып, отахха кире ойлап-парып, стол ўстіненъ пічіктеріні хаап алып, тизібісче. Отахта Кырзан сабых-сыпча. Че хадағчы, онъарыл-парып, түгенді күзін салып, сағба пирібіскен. Прай отряд азах ўстінде.*

Тоҳтобин. Хайдаг ниме пол-парды?

Хадағчы. Тігде, чағын атхан осхас!

Тоҳтобин. Камон?

Камон. Истіпчем, командир арғыс!

Тоҳтобин. Парып, сыныхтабыс!

Камон. Истіпчем, сыныхтабызарға! (*Парыбысча*).

Крзан. Че, ооллар, табрах тимненнъер. (*Тыңъ хайыныс полыбысча, прай ниме-ноо нынънахти тудыл-ча. Камон айлан-килчे*).

Камон. Ойлабысхан! Кілеп, таппадыбыс!

Тоҳтобин. Чахсы көргледер бе?

Камон. Чахсы!

Хадағчы. Нaa хозылған апсақ кізі—ырычы... Стол ўстіненъ чачыннарны... (*Үреп парча*).

Тоҳтобин. Арғыстар, ырычынынъ оолығ айғағы паза пір арғызыбысты тоос-парды. Амды, арғыстар, алнызар! Нaa чиньістерге! Щетинкин арғыс пістінъ алныбыста улуғ задача турғысты: Ольканы паза анынъ бандазын чох ىдібізерге! Олім ырычыларға!

Прай лары. Олім ырычыларға! (*Тириглерін өзғар көдірчелер, анаң парғапастапчалар*).

### Көзенъе.

### ІКІНЧІ КАРТИНА.

Ағастығ чир, күн иртептігіз. Ырах тәғ хазында чайғы иблер, тура-лар көрінчелер. Чулычах ахча. Аны кизіре чардылар салыл-парған. Хыстар: Анна, Одо, Тарчан паза ікі хыс кип-азах чайталар, ол туста ырласчалар:

Илбек чазыны тобырған  
Изерлеп мұншынъ ат-чахсы,  
Ирнівъ чүрөгін тибреткен  
Иліг сүрмestіг хыс-чахсы.

Оврос тайғазын тобырған  
Оғіле поэзік хаамалар,  
Оолнынъ чүрөгін хайнатхан  
Отың сүрмestіг постығлар.

### Аннананъ Одо сыйрасчалар.

Тарчан. Хайди сага кір-парған?

Анна. Ээн тураннынъ көзенегінъ хол сунғаны-нъарда, хол тутхан піс полғабыс.

Тарчан. Че! Хайдағ ниме!

Одо. Сыннанъ. Сірер андар паарға choохтас турғанынъарны истіп-алып, азынада парып алғабыс.

Тарчан. Андағ харасхы хараада хорыхпин ма?

Айна. Сірер хол сунарға хорыхпаанды, піс нимеденъ хорығарбыс.

Одо. Мелейні тискер ибіріп тутханымда: Ана, тұктіг ниме тутты, тілче Пидос. Тарчан: „Айнанъ, пайға паар“ тіп сыбрапча. (*Хатхырысчалар*).

Тарчан. Амды қоғынъар ол ла полар! Паза тблке салбаан кізі салзын. Анда мин угаа тынъ хорых-парғам. Амды ол әэн туразар көрзем, ніткем чырыладыр!

Айна. Хайдағ ўр чубан-парибыстар, че тоғынаанъар!

Одо. Сыннанъ даа!

*Ниме-нооларын алғлан, чаярга тахтада одырчалар.  
Тарчан көнектеріне суғ урча. Аナンъ ырласчалар:*

Ада хулунын көлгенде,  
Ахсын нога чайхабачанъ?  
Алтоң сүрместіг чөргенде,  
Айыдып нога тоғынмачанъ?  
Іче хулунын көлгенде,  
Чориин нога сынабачанъ?  
Иліг сүрместіг чөргенде,  
Ырлазып нога тоғынмачанъ?

Одо. Казанактынъ ағырии ідёк пе?

Айна. Ідёк! Онъдайлланғаны өгөл. Киче сала чахсы полған. Позы тонанып, тасхар чёр-килген, қоох-чағы даа сығысхан. Пүүн пазох тынъя-чоо ағырыбысты.

Одо. Хамнынъ тузазы өгөл ба?

Айна. А-а оларны!, Хуруғ тіллері ле! Хамға ікі хати хамнатхабыс, абысха молебен иттіргебіс, сөс пілчене сөстеткебізёк. Тузалары пірдеелеріни өгөл. Аナンъ ниме аларға паадахтар. Ікі інек пир-салдыбыс, ўс хой, кипазах. Минінъ кисченъ көгненеем пу ла халыбысты.

Одо. Синінъ пір дее полза, хынза, чахсы полар?

Айна. Чахсы полар анда.

Одо. Пу хоос көгенек кемниидір зе?

Айна. Ічемни.

Одо. Аны киспечене зе, алай улуғ ба?

Айна. Мындағ нимені син кизерзинъ ме? (*Көзітче*).

Одо. Чахсы нооза, чил тудылбас. (*Хатхырысчалар*).  
Че чарир. Ирге парзабыс чахсыны киспеспістер бе зе?

Анна. Анда даа—онъдайлыға учразанъ. Ізеечі алайба картчыл ниме учрап парзанъ, мындағ даа чох чөрер-зінъ!

Одо. Ағаа хоза, Кака осхас күннегі ползын, йа?

Анна. Йа, йа! Кака осхас! (*Хатхырысчалар*).

Одо. Анда Овдо парасхан чіли чуртаба даа! Кичең күлкүстіг кирек полған. Кака Овдоны маға күннебіскен. Овдонанъ піс сібіргілеп парған полғабыс. Нанып-одырғаныбыста, Кака ағас аразынанъ сых-килген. „Хайда полдынъ, әәрген?!”—тидір.—„Сібіргілеп чөрдібіс”,—нандырчабыс піс. „Хринъда хайдағ ир кізі полған? А! Ирлен-чөрзінъ ме, әәрген?!” тіп хайдар-хайдар хырзын-сыххан. Овдо ёрекен, Кака сабарға чөргенінде, маға солыныбысхан... „Син чі ипчізінъ ме, алай сүмнен-салған ирзінъ ме? Килдек пеер, сыныхтабызим“ тіпче. (*Хатхырысчалар*).

Анна. Аナンъ чі, сыныхтаан ма?

Одо. Сыныхтадам мин ағаа! Холын сарбайтып килгенде, хан сығара саабысхам.

Анна. Кирі хаарғаннынъ танъ сағызы чоғыл ба?

Одо. Сағыстығ ниме іди пол-чөрер бе? Ханъырлыған адайны чоо салхан чіли чоо сабарға чарап парған.

Анна. Айна тынъянан-тур полбазын. (*Сизіне полгапча*).

Одо. Хайдағ ниме?

Анна. Анда көзідер піске ханъырлыған адайны!.. (*Ыраххыда хадарчы мырғызы пістілчे*). Күнорткее чит-парири! (*Улуг тынча*). Пизінчі күні...

Одо. Ақун айланғалах па? Хайдағ ўр парыбысты за?

Анна. Кем піледір аны. Ър полбаспын тіп парған полған, килер күні кичең полған, алай піреे ниме полпарды ба?

Одо. (*Күлініп*). Ниме полыбызар, урбалыбох-чёр полбас па за.

Анна. Ізен анда ирениерге. Көзінъе хайдар-хайдар чахсы поладырлар, чоохтабас ла нимелері чох полар. Сала хыя парзаларох—пасха кииненъ тыныбыздырлар.

Одо. Че чай табрах, түрче полза, тарыныбыссанъ—манънанмин халарзынъ.

Анна. Ха-ха-ха, тарыныбыссанъ! Тарынар ниме бе зе, ханъалчапчам. Тикке ле сөске кірбеен полар: „Адым чахсы тіп, адынъа ізенме, ирім чахсы тіп, ирінъе ізение!” Че минінъ Ақуным андағ полбас.

Одо. Акуи теенни, табрах хыймраннъар, сагыптуарбын.

Анна. Тик одырганча, полыс. Ма, пу көгенекті чайбыс.  
Тарчан. Хая, сині дее хайди идер зе. (*Полысча*).  
Одо. Чахсы сабын ма хайдағ, ой изілче. Хайданъ  
алғазар?

Анна. Садығчыданъ. Киче бе, пүрнүкүн ме килчік.  
Одо. А-а-а, ол изірік садығчыданъ ма?  
Анна. Изірігін дее онънабаам.  
Одо. Пісте ол одыра узубысхан. Ананъ, усхурганы-  
быста, наі даа чахсы ырлабысхан. Хайдағчых көў?

*Прайзы көён табарға полысчалар, ананъ Одо ырлапча.*

Содка пурұнның полбаан ползам,  
Сопай хатым кёлленмесчік,  
Солго алған чалғыс ҳызым  
Чох поларчых орнынанъ.

Анда мині, халах сині,  
„Эй, пабам“ тіп кем адирчых?  
Алған ипчім полбаан полза,  
„Апсағым“ тіп кем паарсирчых?

Анна. Хыстар, ол изірік садығчынынъ ырын ырлас-  
ханча, позыбыстынъ хынчанъ ырыбысты ырлазаанъар ба?

Одо. Че, паста.  
Прайзы. Паста, паста!

*Анна пастапча, прайзы ырласчалар.*

Ирге күстеп пирілчебіс,  
інек, хойга садылып,  
Ибде, тасхар тоғынчабыс,  
Ирееліг күніні күнненіп.

Ирнінъ холы хатығ полча,  
Ікі туулунъ чулылча;  
Ибденъ аар-пеер позытпинча,  
Ікі харах кёгерче.

*Анна одыра ылғабысча.*

Тарчан. Хыстар, мына Анна сығыдынып одыр!  
Анна. Че-аар сірерні. Ылғап аларға даа пирбестер!  
Одо. Хыстар, мин пілчем—нимеденъер ылғапча ол.  
Прайзы. Нимеденъер, нимеденъер?  
Одо. Ол Акунны сагынбысхан.

Тарчан. Андағда, аны чуундырыбызарға кирек. (*Сүр-  
нанъ чуундыра, чаба сүр сасча.*)

Анна. Чігей, чігей. (*Тарчанны сүрісчелер.*)

Тарчан. Ку-ку, ку-ку! Мин мындабын.

Одо. Тут, тут!

Анна. А, холға кірдінъ ме? Паза суғ чаба сазарзынъ ма маға?!

Тарчан. Син чі, Акуннанъар сағынып, паза ылғанъ-нирзынъ ма? (*Хатхы.*)

Одо. Той хачан поларын ол chooxtaan ма?

Тарчан. Чох, манъанмаан. Паза түрчеденъ не син килбен ползанъ, chooxtiрчых.

Анна. Тойданъар ба? (*Тарчанны тударға итче.*)

Тарчан. (*Одоның кистіне соолынча.*) Йа, тойданъар! (*Сегірізіп, ырласчалар.*)

Одо. Пістінъ чирде сыйт полча, сыйт полча; ах чазыда сыйт полча, сыйт полча!

Анна. Син анынъзарох па?

Одо. Мин дее той чиирге хынча ноомза! (*Хатхыр-чалар.*)

Тарчан. Сынап таа! Хыс позым мин дее тойынъда көглеп-халим.

Анна. Чох, син парыбыс, мин көглеп-халим.

Одо. Андағда, ікінъер дее парнъар, мин көглеп халим.

Тарчан. Сарыстығ полча полза, кем пәзік—ол пурнада парарға.

Анна. Чох, чох! Кем чабыс—ол!

Одо. Андағда, тölке салаанъар. (*Үс от сындырча.*)  
Кем узунны сыгара тартып алза, ол парар.

Тарчан. Че, че!

Одо. Тарт, Анна!

Анна. Чох, чох! Мин түгендізін тартам.

Одо. Чарир, пасха нимес. (*Тартхлапчалар.*)

Тарчан. Аннани узуны! Че, сүрмезінъі чучап одыр. (*Хатхырысчалар. Хайда-да суулазығ истілче.*)

Анна. Ана, хайда-да изірік кізі килир!

Одо. Че, паранъар! (*Taxtacha кизергे-чöргеннерінде, тахтаның pір пазынанъ изірік хасхы сых-килче.*)

Хасхы. Чир ўстінде күстіг ниме ікі ле: мин паза араға, ха-ха-ха, мин паза араға! (*Ырланча.*)

Чалғыс ағасты кис-салза,

Тökнезі халар орнында,

Чалғыс позым чат-халзам,

Нимем халар орныма?

Ха-ха-ха, нимем халар орныма, хайдағ нимем халар? Адым халар! Ха-ха... адым халар. (*Хыстарны көр-салча.*) А-а-а! Хыстар ба? Ха-ха-ха, хыстар!

Хыстар, хыстар хылыктығ,  
мага хынар сағыстығ.

Ха-ха-ха, мага хынар сағыстығ. Хайзынъарны охсаныбызим, а?

Анна. Хыя пар чолданъ!

Хасхы. Піреерденъ охсанып алзам—чол пирем, ха-ха-ха, піреерденъ охсанып алзам. Ўрир ниме нимес, ирнінъер ирнімде халбас, ха-ха-ха, ирнімде халбас.

Тарчан. Иртінме, хыя тур!

Хасхы. Хайдағ хазыр. Че чөрдек минзер. Сині дее охсаныбызим!

Анна. Ма, охсан!

*Хасхыны хайырыбысханда, анзы үулга аңдарылча. Ол харығда Анна паза Тарчан кизерге манънан-халчалар.*

*Хасхы кизіп одырган Одоның идеғінे тынча.*

Одо. Сал, сал, айна!

Хасхы. Охсанмаида, салчаам чоғыл.

Одо. Охсанысха әлген нимедір! Сал, айна! Көгөнегім чырта тартарзынъ!

Анна. Ниме алдан-турзар, пазын чара саабыспин!

*Хасхының пазына көнек кизіртіп, аңдарға сазыбысчалар. Хыстар позып парчалар, че тахтаның озаринда Анна пір көгөнегін аларға ундыбысхан, аны аларға нандыра кис-парғанда, хасхы, тұра-хонып, Одоларны сүріс-парыбысча.*

Тарчан. Хыстар, табрах, табрах!...

Хасхы. Минненъ оспассар, адайлар!

*Анна тахтаны кизерге-чөргенде, ағас аразынанъ хомды артынған ікі кізі сых-килчелер. Оларның соонанъ Какананъ Олька сых-килчелер. Анна, оларны көріп, казыныбысча.*

Олька. Карун хайдар парды за?

І-ғы хасхы. Кем піледір аны.

Олька. Арығ істін сыйнхтабызынъар, артых-пузух кізі пар полбазын.

*Парыбысчалар.*

Кака. Кирек, андаңда, майынъ ма, хобадым?

Олька. Майынъ! Киче Тохтобинга чонымынъ чарымызын хырдырыбысхам!

Кака. Хайди іди пол-парған за, хобадым?

Олька. Сүмелеріне кір-парғабыс. Пілчезінъ—Тохтобин хайдағдыр, тұлғұ ле осхас. Хайда мин, анда ол. Айна сала даа тын хабындырбинча! Ананъ, пу арадағы чирсүғны позынынъ пис салаазы ла чіли пілче. Сых-килче син сағыбаан чирдечь. Киче дее, тигірденъ не түскен чіли, хрибыста пола-түскен. Ол кізі нимес, айна!

Кака. Ам ち, хайди поларға, ай-күнім?

Олька. Чоныма мында түрче тынағ пирерге хынтурбын, ананъ Соловьевхан хозыларға паарға.

Кака. Тынағ пирерге! Изінъ сыхча ба, хобадым?! Тохтобин айна иирдөк мында полар, хобадым! Халғанчы чонынын хырдыр-саларзынъ! Чох, син, олғым, паар парлазанъ, амох парыбыс!

Олька. Хорыхпа, ағам, хорыхпа! Ол пеер кил-полбас. Тахтаны талабысхабыс, ылайны кис-полбас.

Кака. Минінъ кири чүреем тикке ле чілбрес-тур нимес, хобадым. Мында ниме-де пол-парар осхас!

Олька. Ниме чох. Мылтыхтарыбысты Харасуғда халғысхан ползабыс, пүүнөк Тохтобиннынъ холында поларчытар. Пілчезінъ, андағылар пісті айна ла чіли көрчелер! (Хасхылар килчелер.)

2-чи хасхы. Карунны таппадыбыс, арығда кізі чоғыл.

Олька. (Какаа.) Че, көзіт се.

Кака. Күрүп мына, хобадым. (Көзітче.)

Олька. Кічіг, прайзы пеер сынъмас.

Кака. Нинче сынъанча салнъар. Халғанчызын минінъ ибімде паза тигірибде қазыр-саларға чарир, хобадым.

Олька. Син салғла, син хадаға тур!

*І-ғы хасхы, хомдызынынъ юстіндегі чардызын аза тар-  
тыбызып, мылтыхтарны күрүпкө салғлапча, паза пірсі  
хадаға турча.*

Кака. Хайдағ ачырғастығ! 100 кізіденъ 50 кізі өдіртіп-салғазар, хобадым!

Олька. Айир ниме таап алдынъ. Анча кізі өлбебен ме? Піс пүүн иртен не хости аалда 15 кізі атып-салғабыс. Ниме чох, чүреебіс ағырбинча.

Кака. Пос кізілері нооза, хобадым.

Олька. Син сёле, анзы, кізі аяннанъ артых полар, халғанчы тиріглерібісті чал-күнөрткіде тигірибге хайди кирербістер. Піреезі көрзе, аナンъох Тохтобинның хулағында полбас-па? Алай мындағы чон пасха ааллардағыданъ ізестіг бе?

Кака. Кирзе—хараа ла кирерге кирек, хобадым. Чоннанъар нимезін сурадырынъ. Олар праизы большевиктер, хынанъ, мойныларын тәгее салып, ўзе сапхлабыс, маҳа ханмазох! Акун килеріненъ—кирек піди пол-парчых, хобадым!

Олька. Акун?

Кака. Йа, Акун!

Олька. (Позынынъ алнынча.) Хайда-да искен осхаспин.

1-ғы хасхы. Паат-парды.

Олька. Үстін чаҳсылаан итклебіс.

2-чи хасхы. Кізі килир, чазыннъар! (Ирепен сых-  
килче.)

Олька. А-а-а, Ирепен ме! Толдырдынъ ма?

Ирепен. Йо-о чүреемей, сала сыгара чечребеді.  
Толдырдым, толдырдым! Мына план!

Олька. План!

Ирепен. Ахча үі, ахча?

Олька. Олар пеер кілбестер! Чалаас тасхылзар пар-  
чалар. Тике ле ўрұктірзінъ, ағанъ!

Кака. Хая, хая, хобадым.

Олька. Мына, Тохтобин позы пастыр.

Ирепен. Ахча үі, ахча?

Олька. Ахча ба? Ма! (Чачын ахчаларны чиргеле түзір-  
че. Ирепен оларны ығлапча.) Хайдағынъ, ағанъ, ісче-  
біс пе, мындағы большевиктернінъ чанына чидерге  
маабыс чидер бе? Ха-ха-ха, чидер бе?

Кака. Пу сүме полбас па, хобадым?

Олька. Сурзыназа.

Ирепен. Чох, сын, сын! Позымнынъ хулаамнанъ  
искем, отахта choохтасханиар. Аナンъ, ўзүріп-алып, пу  
чачынға пасханиар. Мына, худайым үстімде тур!

Олька. Пір киректі чаҳсы иттінъ, Ирепен. Ікінчізін  
іди толдырсанъ, мына мыны аларзынъ.

Ирепен. Алтын часы ба? Йо чүреемей! Хая, хая!  
Мына, худайым алымда тур, аны пастағызынъ арты-  
рох толдырам!

Олька. Ол синненъ хыя парбас, сынап син пүүн  
иирге Акунины паза анынъ кізілерін холға кир-пирзенъ!

Ирепен. Мына худайым истіпче, андағ полар! Олар аданъох холынъда поларлар!

Олька. Олох тустанъ сығара часы синінъ холынъда полар!

Кака. Олька нанчы, пістінъзер пастыраанъар. Піреер-дең амзирбыстар!

Олька. Амзир нимеденъ төдір полар ба? Чөреенъер, ооллар. (*Ікі хасхы хомдыны артына парчалар. Кака, ханъазын ундубызып, айланча.*)

Кака. Сірер парып одырнъар, мин ханъзамны алып алым.

Олька. Чубанма.

Кака. Чох. (*Ол, ханъазын таап-алып, айланып одырганда Анна учрапча*). А а-а, Анначаам ма! Түниденъ хонъиахха учрабин-чөргезінъ, амды хайдағ чахсы учра-дыш, хобадым!

*Анна тахтаа сығара ойлаанды, Кака алнына кире сегірче.*

Анна. Хыя тур, айна!

Кака. Хорыхпа, чібеспін, хобадым, хынғанынъмын нööзе!

Анна. Уяды чох! Пазынъда көп нимес тее кізі сағызы пар ба? Алай хачанох аńя айлан-парғазынъ ма?

Кака. О, тіл чүгүрүк полтыр, ух ла осхас па! Ха-ха-ха. Ирні тізенъ пурдай-парыбысхан. О, анынъ көбігін син-діре соорыбысса, хайдағ чахсы поларчых. Ха-ха-ха. Алай чарадыбызарзынъ ма, хобадым?

Анна. Тымыл, түрче полза, ирнінъні чіре сазыбызам!

Кака. А-а-а, хайдағзынъ, чұлме! Че, састах, кбр-кбрим!

Анна. Чёр-кёр чағын! (*Тахтазар таласча.*)

Кака. Хорғытпа, хобадым. Синдеғ хызычаhtarны мин позымнынъ чұртымда көп көргем.

Анна. Саға минненъ ниме киректір? Нименінъ ўчүн соомнанъ, чысчыл адай чили, чörчезінъ?

Кака. Кирексінъ син, Анначас! Син минінъ хатым поларға кирек, хобадым!

Анна. А-а-а, кирек нимедедір! Че піл, піл, харға, син пу синге теере маға оланъай ла хырт көрінген ползынъ, амды мүүстіг айна, ханъырылған пүүр осхассынъ! Мин синінъ ипчинъ полғанча—киреенче хараибде одырам, прай иреелесті көрем!

Кака. Кеммін мин? Аалдағы ханмын! Нимедір минінъ  
үлгұме пастырбас? Ниме өфіл! Мин хынзам—сині амох  
үлгұме әэлдірем, амох пір хылнанъ ойладам. Че нимені  
күске салдырап алнында мин сині онъарылдырарға хыңчам.  
Көрдек, кибінъ хайдағдыр? Прай чыртых, ыдаарап парған.  
Че минде ползанъ, киптінъ чаҳсызын кизерчіксінъ, астынъ  
тадылиин чиирчіксінъ. Аалдағы хаттарданъ пір пасха поzік  
поларчыхынъ, хобадым! Нööс андағ поларға хынминчашынъ?

Анна. Чирде өзіп, райда чуртирга хынминчам. Мин  
choхпын, өфімнанъ халарбын, че синінъ кізінъ хачан даа  
полбаспын!

Кака. Полбассынъ ма?

Анна. Полбаспын! Мына чуртапчатхан чирім ойылып  
таа түсчетсе алайба читі пастығ сыр-чылан сирерге дее  
чөрзе полбаспын!

Кака. Андағда, мин сині күспіненъ!

*Аннаны тудып-алып, охсанарға чөргенінде Акун, ағас  
аразынанъ сығара-хонып, Каканы хыя тастапча.  
Ананъ Кака пычагын сығара тартып, Акунны сазарға  
сегірче. Күрезе-күрезе парғанда, Акун Каканынъ пычагын  
холынанъ суура тартып алча.*

Акун. Ічемнінъ ханын тёгіп, тоспин, минінъ хавымны  
төгерге бе?!

Пычахнанъ Каканы сазарға чөргенінде Анна тохтатча.

Анна. Анынъ чабал ханына чүзінъні підебе, Акун!

Акун. Тынынъны, чүлме, Аннанынъ сурынғанынанъ  
на халғысчам (*Кака тахта ўстіненъ тапсапча.*)

Кака. Пір хати чинъенінъе, бірінме, эрген! Күрезіг  
наа ла пасталча, анынъ ööні мыннанъяр! Синінъ тынынъны  
үзер, Аннаны ипчі идінер минмін! Истіпчезер бе, мин-  
мін!

Акун. Көрербіс!

Кака. Көрерзер, чүлмелер, көрерзер! Синінъ тигейінъ-  
ні аях итпезем, ханынъны оостап іспезем,—инъ күлүк  
хам Кака полбим!

Акун. У, адай! (*Кака парыбысча.*)

Анна. Акун, мин мында хасхыларнынъ мылтых чыға-  
нын көргем!

Акун. Хайдадыр, хайдадыр, Анна?

Анна. Мына, пеер! (*Күрүпті көзітче, Акун аннанъ  
хысхацах мылтых алып алча.*)

А кун. Хайдәф чахсы, Анна! Амды піс пу мылтыхтаранъ, Анна, пістінънерні тиріндірербі! Хоорамох олар постарының зәлеріне тоғыр күзребізерлер!

Анна. Че, параанъ! Тұрчे полза хусхун хархтар көр-саларлар!

А кун. Аナンъ минінъ сарайымзар килерзінъ ме, Анна?

Анна. Килербін.

А кун. Андағда, паза тоғасханча! (*Хол тудысчалар, охсанча.*)

Анна. Көр, сизіне чөр.

А кун. Син дее сизінök. Мин сиргек халчам..

*Ол туста Ирепен ағас кистіненъ Акунны мылтыхтанъ атып, чаза атыбысча.*

Көзенъе.

## ІКІНЧІ ДЕЙСТВИЕ.

### ҰЗІНЧІ КАРТИНА.

Хачактынъ туразынынъ істінде: төрде кровать турча, анда ағырығ Казан чатча. Чабыс стол турча, одырчыхтар паза сіре. Ілгірде иргідегі осхас чайлалған ідіс-хамыс. Ілгір хринда айраннығ сабан паза портағалар. Кимеге паза стол. Архыда чысхыстар паза кип-азахтар.

Торғай. Кака килерге сөзін пирбеді. Ол нимееде тарынчах полыбысты, хайди идербіс?

Хачах. Хайди за?

Торғай. Анынъ андаа амды ла ба за?

Хачах. Пазох парарға кирек.

*Тасхар изірік хасхыларның ырласханы истілчес:*

Ағыба түскен Ах Үйс сүр  
Ахчаа даа турбаан ағарда,  
Ада палазы позыбысты  
Адабыс сүрбеең ахтарға.  
Инібе түскен Иргі Үйс сүр  
Иске дее турбаан инерде,  
Іче палазы позыбысты  
Ічебіс сүрбеең тизерге.

*Ырах истіл-парыбысча.*

Торғай. Ирлік-хаанна! Мыннанъ хачан парчанъ поларлар. Оларның аалда тумзухтары тегбеен ниме халбин-парири. Киче Пөсерейлернің түгенчі інегін соғыбысханнар, пүүн ниме-нооларын ханъдар-парыбысханнар.

Хачах. Піске дее олох күн полар, кирек піди алыспин парчатса.

*Казан усхун-парча.*

Казан. Ічем, мин хайдаг-да тұс көрдім.

Торғай. Хорғыстыф ба?

Казан. Чахсы ал-полбадым. (*Өстепче*). Нөөс айда-полбас полам?

Торғай. Поларзыңъ, оолаам, поларзыңъ.

Казан. Алай күзім читпес пе?

Хачах. Іди choохтанма, палам!

Казан. Ноға за?

Торғай. Сидік чізе истері.

Казан. (*Ылғапча*). Паза хайди полам за?

Торғай. Тохта, оолаам, тохта! (*Анна кірче, көнектігі*).

Хачах. (*Аннаа сыйырап*). Пар, Кака ағанъны хығыр-кил.

Анна. Пілгенінъер Кака ла! Аны чахсы кізі иркінің дее алтатпас! Парбаспын!

Хачах. Ноға андағзыңъ, хызым, тиксі харчыхтанған! Киректе хайди итчеенъ пардыр за!

Торғай. Че син манъзыра.

*Анна сых-парыбысча.*

Казан. (*Улуг тынып*). Пазох Кака.

Торғай. Хайди полдыңъ, палам?

Казан. Түніденъ хамнап, мині час-полбинча, амды анынъзарох ысчазар... Хорыхчам мин Какаданъ!..

Торғай. Халах сині!..

Хачах. Алығ полба.

Казан. Ирткен айда Күке ағам ағырған,—агаа Кака хамох хамнаан. Ол ноға ўреен зе?

Хачах. Кирі кізі аннанъ хыя хайдар парзын за...

Казан. Минінъ харындастарым чі?

Хачах. Олерге киліскен полбас па за.

Казан. Оларға кем хамнаан...

Хачах. Че, че, чидер!

Казан. Мині дее өдірібök-салар. (*Ылғанънапча*).

Хачах. Олғым, іди choохтанзанъ—піске сидік полча-

Казан. Маға даа оой нимес...

Торғай. (*Хачахха*). Че син парып, хара сілекені тут-сал.

Хачах. (*Пычагын хайырча*). Хан ағызар типсінъ хайдадыр?

Торғай. (*Пиріп*). Мына.

Казан. Түгенчі сілекені сохчазар ба?

Хачах. Кирек полчатханда, хайди идер зе, палам.

Казан. Позынъарнинанъ на полчазар.

Торғай. Піс тее чораа полбаабыс нооза.

*Тимір писке от салып, тоғыр хазан турғысхан. Ағаа суғ урча. Ананъ, чабыс стол турғызып, тоғыс бутылка араға, ікі чірче салча. Ананъ тасхартын чағалар киріп, турғысхлапча.*

Ханъзалар синделер бе?

Хачах. Минделер. (*Алып, салғлапча*). Син, оолғым, ағанъ хамнап-турза артых-пузух полба—хынмас.

Казан. Сыдиры сидік... (*Кака кір-килче*).

Кака. Изеннер!

Хачах. Изен, ирт, одыр.

Торғай. Изен. (*Кака Казаннынъ пазын тутча*):

Кака. Казанак, айдассынъ ма?

Казан. Чо-ох ідәкпін...

Кака. Чобалба, чазыларзынъ, ай-күнім.

Казан. (*Өрінін*). Нöös?

Кака. (*Хыныхсыбин*). Нимедір зе—нöös теенінъ?..

(*Анна кірче*).

Казан. (*Позынынъ алныңча*). Чахсох полар!..

Анна. (*Казаннынъ пазын сыйбап*). Пазох ойнирбыс...

Казан. Піске көгліг полар, йа?

Анна. Эрінер күн пілбеспіс.

Казан. Чачанъ, узирым кілче.

Анна. (*Казаннынъ тбозегін онъдайлап*). Узу, тунъ-мам, узу! (*Улузына*). Сууласпанъяр.

Кака. Узузын, чаҳсы полар, хобадым.

Хачах. Хызым!

Анна. Ниме, пабам?

Хачах. Харолға чоохта, түүрні ағылзын. (*Анна сыхпарча*).

Торғай. Ағыри хайдағдыр?

Кака. (*Пазын пулғап*). Улуг чурттығзар, ай-күнім.

Хачах. (*Араға пирче*) Алыбызаанъ, Кака нанчы.

Кака. Арағаа даа пу күннерде көнънім айланминча.

Че, ізібізеенъ зе, хобадым.

Хачах. Сидік чуртиры, Кака, сидік. Чирге читі пала  
көмдім. Сигізінчізін... көрчезінъ... (*Ылғапча*).

Кака. Ай-күнім, ылғаба... Анынанъ чобағ никкителбес.  
Хачах. Кака нанчы,

Хайдағ сидіктір іче-лабаа,  
Хайдағ аястығ поладыр пала,  
Хачан аны постанъ чарып,  
Хом даа сал-салзанъ...  
Пілченъ ползанъ, іди тібесчіксінъ.

Кака. Мині тас чүректіг тіп...

Хачах. Чо-ох, мин іди сағынғам. Паза піреені—  
(*Араға пирче*).

Кака. Аңзы андағ даа полар, хобадым.  
Торғай. Көрчезінъ мині.

Хараам оды оомазып,  
Харалар күнім қағдазып,  
Хайди-полза ла чёрчеткенімні.  
Че ниме киректір чурттанъ?  
Кирек маға чурттанъ—Казанаамны ла  
Кізі синіне читір-саларым.  
О, тынъох таа чаҳсы поларчых—  
Өрекенім ғазылып, алындағох чіли  
Хазых, кёгліг чёрчетченъ полза!.. (*Ылғапча*.)

Кака. Полар, ылғаба. Ағырығ минінъ холымда, ай-  
күнім. Казанак айдас полар үчүн ісчем.

Торғай. Хабас піске, хабас! Хачан даа чаҳсынъны  
ундубаспыс.

Хачах. Піс иткен тузанъны ноо даа нимененъ толды-  
рарға тимдебіс.

Кака. Пілчем аны, хурайым... Че ғазары сидік...

Торғай. Нога? Нोң пір дее онъдай ғогыл?

Кака. Чүрексібе, ай-күнім. (*Түрче полып*). Қазарбын  
аны, ғарышха сығаарам. Че тынъ улуғ күс хорадарға  
кирек.

Хачах. Аңзы соҳ полар ба за.

Кака. Мында кізі тынын чіп, хачаннанъ кёнік-парған  
айнанъарнанъ саназарға килісче. Ана ол айна палалары-  
нъарны чіглеен. Амды олох Казанакка кірісче. Аны сидік  
чопке кирері, хобадым (*Түрче тохтап*.) Аға тыны хыйы-  
лары ла кирек.

**Торғай.** (*Ылғап*). Казанаамны ба?

Хайди поларбыс амды, хайдар парам,  
О, Казанаам! (*Ылғапча*.)

**Кака.** Мин пілчем, сидік... Че мин аны чазарбын, ай-  
күнім. Сбзіме турал хайди даа. Че анынъ ўчүн мин не  
сурған нимені пирнъер.

**Торғай.** Аннанъ кирек тудылбас. Айдас ла ползын  
палаңбыс...

**Кака.** Ай-күнім, сөске турған кирек айдас поларнынъ  
öön сарии.

**Торғай.** Аннанъар паза чоох чох ползын, олғычаам  
айдас ла ползын, анынъ ўчүн, сөлеем хайза, аяғ нимес  
ноо даа ниме.

**Кака.** Андағ поларына ізенчем...

**Торғай.** Хайдар ниме кирек полар?

**Кака.** Сілеке соғынъар! Күренъ малны ізік хринда  
палғанъар.

*Хаңах пычагын, тиңсізін, мал тудар паан алып-алып,  
сых-парча.*

Тігі төсті сығаарып, пүрліг хазынъ ағасты кирнъер.

*Харол, хам көзіткен төсті сығаарып, хазынъ ағасты  
кирче.*

Столны піди турғыс-саларға кирек.

*Паза түрчे полғанда, Хаңах ит тудынып кірче, итті  
тогыр хазанға салча. Харол түүрні холға тудып, от  
үстінче З хати ибре айландырып, хурутча, алғапча,  
ананъ төстеріне наныпча. Анынъ соонанъ Хаңах Какага  
қибін кизіртіпче. Казанны пол ортызына одыртыпча-  
лар. Анаң Харолнанъ Хаңах тогыс бутылкадаңъ тогыс  
чірче араға пирчелер, тогыс хати тамғы тамыс-пир-  
челер. Хам, от хринда одырып, төстерін тартынча.*

**Кака.** Хазан түбі, гей-гей,  
Хамахтығларым, гей-гей,  
Хада миңіңенъ, гей-гей,  
Харасchanъарым, гей-гей,

Хара чірче, гей-гей,  
Хараҳтығларым, гей-гей,  
„Хара талайда“, гей-гей,  
Чұрттығларым, гей-гей.

Хабырға-сöökті, гей-гей,  
Салдачанънарым, гей-гей.  
„Хара тағда”, гей-гей.  
Турлағлығларым, гей-гей.  
Ээ-күлиниер, гей-гей.  
Тартынып одырнъар, гей-гей.

Ах інектінъ, ох,  
Ах тамырын, ох,  
Аасха салып, ох,  
Амзанъардах, ох,  
Сұхсабысса, ох,  
Сүр ізінъер, ох,  
Аарсыбасха, ох,  
Асты чінъер, ох.

Отыс тістіг, ох,  
От иненінъ, ох,  
Ахсын-тілін, ох,  
Пілченъ төзім, ох,  
Ээ-күлиние, ох,  
Хости одырып, ох,  
От инезіненъ, ох,  
Тіллес-пирдек, ох.

*Тұрып, от алғапча.*

Хырых тістіг, ох,  
Хыстар инем, ох,  
Отыс тістіг, ох,  
Одоха инем, ох,  
Астаан позынъ, ох  
Тозып одыр, ох,  
Арган позынъ, ох,  
Симіріп одыр, ох,  
Айнанынъ чолы, ох,  
Алтон азыр, ох,  
Амалын таппин, ох,  
Алдан-килдім, ох,  
Чиктінъ чири, ох,  
Читон азыр, ох,  
Киччин таппин, ох,  
Хығыра килдім, ох.

*Айнаны китең чёріп, тудып-алып, ізіксер апарча.*

Кақа. (*Айнаа әткініп.*) Позыт, позыт, ахсы-тіллім,  
палаа паза сырбалбаспын, паарар чолым табынам. Хурр!..  
Хурр!.. (*Айнаны позыдыбызып, ананъ пазох тудып алып,*  
*ізіксер апарча.*)

Кақа. Хатығ холыма кіргенде, хараспа позирға, хабы-  
рылзанъ, хази тудам, толғалзанъ, тооли тудам. Хурр!..  
Хурр!.. (*Түүріне кире саап, хамнап чёр-сыхча.*)

Ағып түскен, ох,  
Ах Үйс хайрахан, ох,  
Алтирга итсем, ох,  
Азах полба, ох.  
Арчан одым, ох,  
Алас, алас, ох,

Харол. Сöök, сöök! (*Arafa наныпча*).

Хам. Харал-турған, ох,  
Хавым тасхыл, ох,  
Хаалағ салзам, ох,  
Харығ полба, ох.  
Ирбен одым, ох,  
Алас, алас, ох,

Харол. Сöök, сöök! (*Arafa нанып, ирбен бртепче*).

Хам. Алты хурлығ, ох,  
Ах хаянъы, ох,  
Аалчы ағылзам, ох,  
Азып пирерзінъ, ох.  
Алтон тағнынъ, ох,  
Ханы полчатхан, ох,  
Хос хулахтынъ, ох,  
Ээзи наным, ох,  
Алас, алас, ох.

Харол. Сöök! (*Tamgy наныпча*.)

Хам. (Үн алыстырып).  
Алты хурлығ, ох,  
Алтын хая, ох,  
Алтон азиннъ, ох,  
Азырайттах, ох.

Алты айланып, ох,  
Алтон азиннъа, ох,  
Айна-чикті, ох,  
Алты чылға, ох,  
Харғап, молчап, ох,  
Хази тастим, ох.

Үн алыстырып.

Айлығларым, гей-гей,  
Арачын азын, гей-гей,  
Алтын хайаа, гей-гей,  
Айабанъар, гей-гей.

Айланып, хамнап.

Күнніглерім, гей-гей,  
Көк чазының, гей-гей,  
Көк одын, гей-гей.  
Көп алнъар, гей-гей.

*Сиргіннеп, тамғы тартып, арага іске. Хылчыхтапча:*

Хычых, хычых,  
Хычых, хычых,  
Хычых, хычых,  
Хычых, хычых!

*Пірдеезі хатхырбинча. Аナンъ, одырып, тансапча:*

Айлығ чирде чурттығларым, ниме истінъер, ниме піл-  
дінъер?

Харол. Ниме истербіс, ниме пілербіс!

Хам. Күнніг чирдे чурттығларым, ниме піліп таны-  
дынъар?

Хачах. Ниме піліп танирбыс.

Хазраданъ халбыс, пугаданъ мухахпыс.

Өскен ағас чіли

ОНъЕЙІСЧЕБІС СИНЗЕР!

Кака.

Айна-чикті, гей-гей,  
Алты чылға, гей-гей,  
Азыр хайаа, гей-гей,  
Хазап-килдім, гей-гей!

*Казанның ўстінде түүрін хығдыратча.*

Пасхан чирінъ, ох,  
Пағыр ползын, ох,  
Тепкен чирінъ, ох,  
Тимір ползын, ох,  
Хара пазынъ, ох,  
Хазарғанча, ох,  
Хадарғаннинъ, ох,  
Эзэі пол-тур, ох.

*Төстерін тартынғланча:*

*Аナンъ соолсартын түүрін күзрет-киліп, Казанның-  
устиnde сапханда, Казан чочып, хысхырча.*

Кака. Хурр!. . Хурр!. .

*Аナンъ төстерін таратча:*

Чол чолласхан, ох,  
Читов төзім, ох,  
Чирге-суға, ох,  
Чарылзыңынъар, ох;  
Хозан пазы, ох,  
Хорсах төзім, ох,  
Көнъдей алтына, ох,  
Кіріп, тынан, ох;  
Чағданъ иткен, ох,  
Сарыбынъар, ох,  
Сарыла пар, ох;  
От иненінъ, ох,  
Тілін пілчем, ох,  
Ой кизіре, ох!  
Парып, тынан, ох!  
Астабасча, ох,  
Асты чіньер, ох,  
Сухсаңасча, ох!  
Сүг ізінъер, ох!  
Алас, алас, ох,  
Хыры маархам, ох,  
Хыра систінзін, ох,  
Минінъ паарымда, ох!

Харол. Сöök, сöök!

*Хам хамнирын тоосча, чалаастапчалар, анаң Казан-  
ны тозегіне чаттырчалар. Казан тынъ бостепче. Торғай  
стол тимнепче.*

Хачах. Одыр пеер, Кака нанчы!

Кака. Чарир, чарир. (*Стол кистіне одырча*).

Торғай. Парыбысты ба?

Кака. Чадап ла.

Торғай. Андағда палам қазылар.

Кака. Сös пирчем, хобадым.

Торғай. Чахсох таа кізізінъ! Айзынъа нимененъ нан-  
дырарбыс амды?

Кака. Манъзрабанъар, хурайым.

Хачах. (*Аннаа*). Ачығ суға чёр-кил, хызым. Ағанъ-  
нынъ көксі хуруп-парды полар.

Анна. Кемненъ алам? Пöсерей ағамнынъ ипчізі ара-  
ғам паза өфыл теен.

Торғай. Мылтыхтарзар даа чёр-кил.

*Харол, түүрні тудынып, паарға итче.*

Хачах. Син одыр, хайдар?

Харол. Идер тоғыстар пар.

Кака. Парзын.

Торғай. Анналах, чубанмин, парыбыс.

*Аннананъ Харол сых-парчалар.*

Хачах. (*Какаа араға пирче*). Алыбыс.

Кака. Позынъ алдынъ ма?

Хачах. Мына, аларға-чөрбін. (*Ізібісче*).

Кака. (*Ізібізін*). Хайдағ күстіг арағадыр, ай-күнім?

Торғай. Саға бнетін сыйбалған полған.

Кака. Чир дее андағ осхас. Аалда мындағ араға асхынах поладыр, ай-күнім. Хая, паза піреені пирібістек. Айнанъ күрәзіп, кіксім уға тынъ хуруп парды.

Хачах. (*Пиріп*). Алыбыс, алыбыс. Араға чидер, чалтанма. Тайығны хачан идербіс?

Кака. Кирек туста сөлирбін.

Хачах. Айнаданъ осчанъ онъдай полча ба?

Кака. Чоғыл, чоғыл, хурайым.

Торғай. Кака харындас, хайди даа полза, пісті тастаба. Оолғычаамны ир синіне читірерге хабас-пир.

Кака. (*Маалхаттапхан полып*). Аңзын choохтазарбыстар алыс-пиріс соонда. Алынча.

Хачах. (*Карманынанъ ахча сығаарып, Какаа пирче*). Мына, 25 салковай.

Кака. (*Нандыра ідіп*). Чо-ох, сух-сал нандыра, хобадым.

Хачах. (*Хайхан*). Ноға за? Хайди полдынъ?

Торғай. Ниме кирек се?

Кака. Кіичек сыйых кирек.

Хачах. Хайдағ?

Кака. Сагын, сагын, ай-күнім.

Торғай. Хой ба?

Кака. Чо-ох, хобадым.

Хачах. Ат па?

Кака. Малданъ нимес, хобадым.

Торғай. Кип-азах па?

Кака. Улам хыя парчазынъ, Торғайым.

Хачах. Че, қазытпа пісті, сөле.

*Анна кір-килче. Олар аны онънабинчалар.*

Кака. Мин Анналахтынъ холын сурчам, хобадым.

Торғай. (*Хахан*). Мына, хайди полча?

Кака. Астанъ минде астабас, ай-күнім (*тұрче тохтап*). Ахча, кип чох чуртабас.

Хачах. Кічіг нооза?

Торғай. Ниме идерзінъ аны, уян нооза?

Кака. Хынзам, пала идінем, хобадым (*Tүрче тохтап*),  
хынзам, ипчі идінем, хурайым.

*Анна хахап, холындағы ідізін тұзірібісче.*

Анна. Пабам, пабам, пирбе мині! мині ая! Мин ирге  
парарға ам даа кічігбін!

Торғай. Хызым, син истер нимес!

Кака. Улуғларның choofына кіріспезін, хобадым,  
сығарыбызынъар!

Хачах. Хызым, сурынғаныңын санға алynam, че  
сағам...

*Анна, ылғап, сыхча.*

Кака. Пая ноо даа нимененъ төлөнербіс теезер, хо-  
бадым. Мин минненъ тудылған киректі ит-салдым. Кирек  
сірерденъ тудылча, хурайым.

Торғай. Олғым ам даа чазылғалах нооза!

Кака. Амды Казанак хайди даа чазылар. Че б чыл-  
данъ айнавъар айланза, хайпіреенъер ағырап, хобадым.  
Анда минінъёк тузам кирек полар.

Хачах. Хызымын пир-полбаспын, че аннанъ пасха  
ноо даа нимені ал.

Кака. Сірернің алнынъарда ікі чол, әргеннер! Ка-  
занның өдірбеске хынзанъар, хызынъарны пирнъер, сарыс-  
панъар, мині тарындыранъар! Мага айнанъарны нандыра  
хығырыбызы зарға ўр нимес. Ағаа хоза, хызынъарны чаҳсы-  
нанъ пирбезенъер, чабалнанъ аламох. Чарым күн молчағ,  
хобадым! (*Сых-парча.*)

*Хачахнанъ Торғай, пастарын тобін тұзіріп, улуг  
сағыста одырчалар.*

Хачах. Хайди поларбыс?

Торғай. Тынъох таа чабал ниме. Мин чаҳсы идер-  
тіп сағынған полғам, че аның орнына уламох аар са-  
бығ. (*Ылғапча.*)

Хачах. Чарым күн молчағ!

Казан. Йо-о, йо-о (*Остепче.*)

Торғай. Олғым, олғым! Тынъ ағырыбыстынъ ма?!

Казан. (*Ниме ле полза choохтана.*) Амох хада па-  
рарбыс.

Хачах. Олғым, онъарыл!

Казан. Чох, мин учух-п-і-л-б-и-н-ч-е-м! (*Тымыл-  
парча.*)

Торғай. Казанаам парыбысты ба? Йо-о халағай!  
*(Анъдарылча).*

Хачах. Торғай, Торғай! (*Торғайнанъ пазын өллепче*).

Торғай. (*Айылып*). Нога пістенъ парыбыстынъ, олтым?! Нога аябадынъ мына ну олох таа харалар күні чидіп одырған кири іченъні?

Хачах. Сигізінчі палам! (*Ылғапча.*)

Торғай. Ам чі, аны піске айландырчанъ онъдай өгіл ба? Мындағ аарны хайди иртірем, хайди өбрем!  
*(Ылғапча.)*

Істімненъ сыххан иркесеем,  
Іченъві нога таstadtынъ?  
Паарымнанъ сыххан палацаам,  
Пабанънанъ нога халғыстынъ?  
Киріп парған іченъні  
Кемнег аяп көргей ни?  
Кизер кипті, чиир асты  
Кемненъ кілеп-турғай ни?

Хачах. Полар, Торғай, полар! Пол-парған иімені хайди итчеенъ пардыр за!

Торғай. Пілчем, Хачах, айландырчанъ онъдайы өгіл! Хайди идер зе Казанактынъ өгіни... (*Ылғапча.*) Че Казанактынъ ўреені пістінъ хараабысты өарытты. Піс ам пілчебіс: хам—ызырчи!

### *Хасхылар ырласчалар.*

Ағыба тұскен Ах Үйс сүғ  
Ахчаа даа турбаан ағарда.  
Ада палазы позыбысты  
Адабыс сүрбеең ахтарға...

Көзенъе.

### ТӨРТІНЧІ КАРТИНА.

Изелген сарай. Үстінде чайлалған ағастар онъдайы-пазы өзінде түскелпарғаныар. Стеналары отре көріңчелер. Пір стенала олаңыай көрзеде көрінмес ізік иділген. Сарайнынъ ізігі хыйын турча, пір чығанағынанъ на іліче. Анынъ істінде Ақун, Пәсерей одырчалар паза пір кізі ізікте тамғы тартып турча.

Акун. Кирек андағ, ағам. Чаада кізее прай онъдайда поларға килісче. Пірсінде иіме чібин төрт күн өчірбебіс, паза пірсінде пір хараа харда чадарға киліскен. Көдірілерге, хыймранарға чарабас. Ух хринънанъ харны ырачара саап-тур. Аナンь прай хата тооп-парчазынъ. Маймах,

мелей нічлеме, көгісте хысха кибічек. Хайча кізі соохха тоңъан, хайча кізі чааласхан чирде палығығ өстезіп, хысхырызып халғаных! Сағынанъ—нітке чыра тартыла.

Пёсерей. Чон-чахсы іди ле ёлче чізе!

Акун. Чон үчүн, позыннынъ үчүн ёлゼнъ—чахсыла, че ол чон чі ниме үчүн өлгеи? Қыдананъ сасхладып, күсненъ сүрдіріп, пайларнынъ үчүн! Пістінъ алдағы осхастарнынъ үчүн! Ана, хайдағ ачыргастығ! Олар ибде, пис үстіндегі таракан чіли, чырғап чуртапчалар, хараа-күнбрте арага ізіп кобічелер паза ибде халған кізінінъ түгенчі нимезін алчалар. Син тізенъ халтрап-тітреп чорзінъ, азағы, холы чох айланчазынъ алайба... чох, полар! Паза андағ кирек полбас! Паза пайларга пістінъ мойныбыста чуртирга киліспес! (*Пастырча*.)

Хадағчы. Хайди тіріг халғазынъ.

Акун. Анда даа ўлгұ алызып. Пістінъ полк олох таа атакаа паарға итчеткенде хабар алғабыс. Питернінъ про-летариады ўлгұні позыннынъ холларына алып алған. Андағ, өрністіг нимені искенде, нимедір зе, чон хорылыбысхан. Түрчеде ле офицерлер чачрап-түскеннер, пос кізілері устаға турыбысханнар.

Хадағчы. Мында кирек хайди пол-паар, Акун?

Акун. Киректінъ утызы пістінъ холда. Аны амды оларнынъ хайдағ дағ күстері піргер ит-полбастар.

Пёсерей. Мындағ айналарданъ табрах позып парза, тынаныстығ даа поларчых. Уғаа тынъ синіненъ иртіре полчалар!

Акуи. Пүүнöк оларнанъ түгенчі саназығ полар, ағам!

Пёсерей. Күннінъ адай чіли иттірері оой ба за.  
(*Хадағча*.) Хая, тамғынъ күстіг бе?

Хадағчы. Сынап-кёр. (*Кадуснанъ Күчүк кірчелер*).

Акун. Сірерні кізі онънабады ни?

Күчүк. Ағаа-пуғаа солыныбох килдібіс.

Хадағчы. Аар иде, төрзер одырнъар.

Кадус. Тамғы кемнідір?

Хадағчы. Ма. Тынъ тартпанъар. Түдүнінъер ѡрт койгендегі чіли пурлабыспазын.

Күчүк. Хайдағ ниме.

Пёсерей. Синінъ ибінъе оғыр кірбин-тур ба?

Кадус. Анда ниме чохтанъ на тудыл-тур чолар. Кичеे прай ханъдар-парыбыспааннар ба за. Пүүн хуруг одырбыс. Палаларым, ниме чиирге хынып, иртенненъ ылғас-парилар. Піреенъернінъ ішегі пар полбазын?

Күчүк. Аннанъар нимезін чоохтидырзынъ. Прай даа кізілерінъ нимелерін ал-парилар нооза. Минінъ чоным ідәк оймахха тұс-тур.

*Ирепен паза пір кізі кір-кілчелер.*

Акун арғыс, табрах пастирбыс па, алай чоохтазып ла халғыс-саларбыс па?

Акун. Амох! Чыылзаларох, пастирбыс. Анда ўзүрербіс.

Күчүк. Пастирға кирек нооза, тұрче полза, хусхун харахтар көр-саларлар.

Хадағчы. Мына ікөленъ килилер. Иртінъер. (*Ікі кізі кірчелер.*)

Акун. Че, арғыстар, пеер ғағын-араҳ одырғланъар. (*Хадағчаа.*) Син сиргек пол.

Хадағчы. Пілчем.

Акун. Арғыстар, мин сірерге чоохтаам—тоғысчы чон үлгүні позынынъ холына алып алған теем. Хачаннанъ пістінъ мойныбыста одырған пайлар тапчых ла ғилем чачрап түстілер. Че оларданъ артхан-халғаннар астаан пүүрлер ғилем тайға-таға сыйхабысханнар. Олар хараа-құнбрте аннанъ сыйып, чонға амыр чуртас пирбінчелер. Пісте дее мына андағох.

Күчүк. Сын! Мына пу Олька айна килеріненъ, прай чуртты сайбап-сыйхылар. Ас-тамах, кип-азах, мал-ниме халғыспин-парилар.

1-ғы кізі. Ат, амбар нимедір. Че кізі өдірчеткеннері чізе айналарнынъ, паза кізіні сохлаш күлчеткеннері. Пүүн минінъ инейімні иреелеп, хызымын тут-парыбысханнар... (*Харах ғазын чысча.*)

Ирепен. Ана көрчезінъ, Акун арғыс, ол хайдағандағ ниме полчанъдыр! Пістінъ прай нимебісті плапчалар, пісті сохчалар, күлчелер, пістінъ палаларыбысты апарчалар... Піс тізенъ холыбысты ху чахтан-салған одырчабыс. Ниме полчанъдыр андағ?

Хадағчы. Тұрче полза, пісті тамахтанъ хабарлар.

Ипчі. Чидер! Паза сыдачаа ғоғыл!

Кадус. Минінъ сағызымда, сурғындың көні турғызарға кирек, оларны хырарға кирек паза чир үстінде чылыспазыннар! Пүүнөк көдірілерге кирек.

Табыстар: Сын. Аринча сын...

Ирепен. Пүүн нимес, амох көдірілерге кирек. Сала ла орайлатсох—блім.

А кун. Манъзыраан сеек сүтке түзедір! (*Прайлары хатхырысчалар*).

Ирепен. Хатхырызынъар, хатхырызынъар, чүлмелер! Ананъ мин сірерге хатхырам.

А кун. Хаңан пастирын паза хайди пастирын піс пілчебіс.

Прайзы. Сын, аринча сын!

А кун. Чох, син, сыннань даа, час пала ла осхассынъ, че хызыл хол параанъар, чаалазаанъар. Аннанъ оой полар ба, кирек утулар ба? Піске тирінерге кирек.

Ирепен. Истінъердек аны! Ха-ха-ха! Мин чўп пирчем, Акуннынъ нымагына аарлығ времяны чідірбин, сагамох күрезігін пастирга!

Пёсерей. Хайди?

Ирепен. Йа, амо! Сағам олар прайлары изіріктер, анынъ тузалан-халарға кирек.

1-ғы кізі. Сағам Кәкаларға кіргебіс—изірік тее кізі чох полчых па за?

Ирепен. Ана, париган сынанъ Ирепен чой полпарды. Амды хасхыларға садыныбысхазынъ тиірінъер халды, ха-ха-ха, Ирепен чой! Сірерні ханъыртыпчатхан кізі—Акуң! Олох тынынъарны чиир!

А кун. Ирепен ағам, мин сага чабал иткенімі пілбінчем. Сынап андағ ниме пол-парған даа полза, чылыға сығарбасха сурынчам. Че мынзын соонанъ. Сағам киректенір.

Ирепен. Арғыстар, сірер мында күске чіли паспаҳха кіріп өлбеске хынча ползантар, ипчілерінъерні, пала-ларынъарны аяпча ползанъар, миніненъ парнъар! Истіп-чезер бе? Миніненъ парнъар! А-а-а, хынминчазар ба? Андағда, пілнъер. О, хайдағ тынъ аяпчам сірерні! Мына, худайым алнымда тур, хара пазым хыралғанча мин пір дее хати чойланмаам, ам даа чойланминчам, тынынъарны ўзер кізі мына пу—Акуң.

Хадағчы. Ағам, тасхар چаланъмас чөргенінъе пазынъа соох кір-парған полар! Апар-салим ма, алай ибінъін позынъ даа табарзынъ ма? (*Хатхырысхлапчалар*).

Ирепен. Сых тіп, көні солезіне!

Хадағчы. Алай іди онъарылыстығ полар ба!

Пёсерей. Че, чубанма!

Ирепен. Ирепен паар, чол табынар! Че минінъ парғаным сірерге аарлыға турар! Аны соонда хабынарзар, анда орай полар.

Пўсерей. Чидектебеенде, ізікті табынмассынъ ма хайдағ! Ундуба, ізік іскер поладыр.

Ирепен. Чидекте, чидекте! Аナンъ Ирепен сині чидектир.

Пўсерей. Аны көрінер (*Ирепенні чачыпчалар*).

Акун. Кирек мындағ, арғыстар: мин Тохтобиннъ отрядынанъ иртен не килдім. Олар пістінъ алныбыста улуғ задача турғыстылар—пүүн иирде аал істіненъ хасхыларға тоғыр күрезіг пастирга. Олар постарынынъ сариинаң аалнынъ тастынанъ хызарлар. Аалны ибіріп аларлар.

Күчүк. Истіпчезінъ ме, пача! Ана хайдағдыр кирек! Чир дее, Акун тик чөрбес чі.

Акун. Амды ниме идерге кирек? Пастағызы, хасхыларға сизік хаптырбин, иирге теере тимненіп аларға. Онъарылыстығ ба?

2-чі кізі. Онъарылыстығ!

Акун. Ікінчізі, чылызыарбыстар арығда. Чарир ба? Хадағчы. Чарир!

Пўсерей. Тириг чі?

Акун. Тиринерге тириг читкілче. Мин сағынғанда, арғыстар, Хачахтар хринда чылызыарға кирек. Тастыхарах...

1-ғы кізі. Анда хаяларға көленерге чаҳсы.

Пўсерей. Сын.

Акун. Чарир ба?

Прайзы. Чарир.

Акун. Амды хайди пастирын. Атысты піс анда ла пастирыбыс, хачан Тохтобиннанъ сағба алзабыс. Оларнынъ сағбазы от полар, пістии—сарын. Онъарылыстығ ба?

Күчүк. Онъарылыстығ.

Акун. Амды тиригденъер. Арығда хасхыларнынъ мылтыхтары. Олар арығдағы күрүшке чып салғаннар. Оларны хайди даа холға кирерге кирек. Паза мылтыхтар тигірибде, Каканынъ ибінде пар, че оларны холға кирері сидік-араҳ полар. Кем ниме идері. Мылтыхтарны Пўсерейненъ Күчүк аларлар. Минненъ палғалыс Кадус тудар. Ол-пу алызығ полза, сірерге Камо ла ზоохтап турар, хасхыларнынъ соонанъ олох ҳарахсынар. Чарир ба, арғыстар?

Прайлары. Чарир!

Акун. Арғыстар, пістінъ улуғларыбыс, пабаларыбыс мындағ улуғ киректі идер алнында күрезігде махачы поларданъар удур-тобдір сіс пирісченъ полтырлар. Оларнынъ кибіріненъ піс тее сіс пирізеенъер!

## Прайлары.

*Иргілернің онъдайынань прайзы онъ устуғына турып, сол холын устухха салып, онъ холын чүрөгіне салып, пазын мёкейтіп, Акунның соонча ზохтапчалар.*

Сунған холны тәдір тартпасха, хаалаан хаалагны нандыра хаалабасха! Пір чоптіг, пір сағыстығ поларға, арғыс үчүн көксіңен турарға, өлзес-ырычыны частанып блерге! Қе, піреे-хайди сөске турбин-салзам—чон күлкүзі, чон хынмазы полим! (*Анымжохтасхлап, охсанысхлапчалар*).

А кун. Анымжохтар, анымжохтар, арғыстар!

## Парғлабысчалар. Акун چалғысхан.

Танънастығ Ирепеннің мындағ пол-парғаны!. . Хайдаг үр парыбысты за? Кичеे мында поларға сөс пирген хайза (*Ырланып одырча*.)

Сарығ тууп маймағымны  
Сайға паспаанда, суурбаспын,  
Сарыс салғаны албаанда,  
Сарығ чорғамнань тұспеспін.  
Хызыл тууп маймағымны  
Хырға паспаанда, суурбаспын,  
Хыяган хызымны албазнда,  
Хыр чорғамнань тұспеспін.

## Ырын тоосчатханында Анна кір-киліп, Акунның ҳарахтарын туу тутча.

А кун. А-а-а, килібістінъ! Ибім көнънінъе кірче бе?  
Анна. Чахсы нооза.

А кун. Сынап да! Сыбырарға манънанмин - салдым.  
Сизін, сопке-нимеे тұс-пардың! (*Хатхырысчалар*.)

Анна. Синінъ дее ніткенъе улуг кір чапсынадыр одыр!

А кун. Аныз чох полар ба за. Ибімні көрдек!

Анна. Пайорхабысхан тур ба? (*Хатхырысчалар*.)

А кун. Стеналарым хайдағлардыр?

Анна. Уламох чахсы ба хайдағ за? Сага паарға даа хорғыстығ, соохха тоор-саларзың!

А кун. Сага горницам пар нооза! Мына! (*Стенаның ғарыхтарына көзітчे*.)

Анна. Мині тәдір азах чили тударзың ноо!

А кун. Ўгренгенінъче! Аナンъ пу пулғалыс иртсөк, охайдағ чахсы полар чуртирга! Піс наа тұра түрғызып аларбыс. Көзенек алтында огород полар. Анда бінъ-пазы ниме одыртып туарбыс. Кирек полза, андар кіріп, хынзанъ—үгүрсү чулып ал, хынзанъ—яблах хас, хынзанъ—салғын чі. Тағ азра чирде алайба арығ хазында хырабыс полар. Анда күскүде хайди ас танға чайхал-туар! Аナンъ пізәк осхас хара харахтығ, хара састьғ ёкеер нимелер ибге кірдінъ-сұхтынъ пол-турзалар, хайдаг бріністіг полар! „Ічем, чіченъ ниме пир! Пабам, ойнаchanъ ниме ал-пир!“ тіп сурын-турзалар чі. Син, Анна, пілчезінъ ме, чурттынъ біні ана ол! Прай чоннынъ чуртазы андағ полар: кізі кізіденъ хорыхпас, удур-төдір полызар, көп чоннынъ күзі хачан даа артых. Хайдаг брчліг чуртас полар анда! (Анна ылғабысча.) Хайди полдынъ? Піди choохтанғачым хомай ба?

Анна. Аннанъ нимес! Маға син, син аястығзынъ!

А кун. Хайди полғазынъ, Анна, сөле! Хайди полғазынъ?

Анна. Пір дее ниме полбаам! Мына тохтапчам.

А кун. Анна, синінъ ылғаанынъны, чобалғанынъны көрзем, минінъ чүрееме уғаа сидік! Син не назырған-чапхан ниме маға хазалар чыда осхас!

Анна. Пілчем, Акунах, пілчем, саға сидік! Че мин қоохтири ниме чобаанынни нииктебес! Мин синіненъ хада харах чазын төгіп, ачых-арах поларға хынчам, че қоохтабызарға ахсымны ассамох—минінъ тыным хызылча, тілім тооп парча! Че, брем, сурынчам, аны пілерге хараспа, хынза, ол тайма полар! (Ылғапча.)

А кун. Анначас, ылғаба! Ылғаанча, қоохтазанъ—маға нинче-нинче хати ниик полар.

Анна. Сағам сүрместіг хыспын! Танъда... (Ылғапча.)

А кун. Ниме танъда? Қоохта!.. Қоохта!..

Анна. Танъда Каканынъ ипчізі пол-парам!

А кун. Хайди? Хайди?

Анна. Килісче!

А кун. Мині тастап па? Маға хынмин ма?

Анна. Акунах, кирек миніненъ нимес. Нобс, сынан таа полза, сині Кака орназам! Кака, Казанакты айдас иде хамнир полып, мині сурчатхан. Пабам... Мин... Мин... чахсы пілбинчем, хынза, тайма полар!

А кун. Көні сөле, пабанъ ниме теен, пирер полыбысхан ма?

Анна. Испеем, Акунах, испеем! Мага пирбеспін теен, че соонда ниме полғанын пілбинчем! (*Ылғапча*.)

Акун. Андағда ниме чох! Андағда пісті хайдағ даа күс чар-полбас. Піс хада чуртирга төреебіс, пір киниенъ тынарга, пір сағыснанъ сағынарга! Андағ поларбыс, истіп-чезінъ ме, Анна, андағ поларбыс!

Анна. Хайди, хайди? Мин онъар-полбинчам!

Акун. Саға Каканынъ холына ам на кірбеске кирек. Аナンъ, чаалазығ пасталзох, олар прайлары чалбайта сабыларлар!

Анна. Хайда полам за?

Акуи. Мында, мында! (*Көзітче*.)

*Кірчелер: Олька, Кака, Ирепен, I-ғы хасхы.*

Ирепен. Мына, Акун!

Олька. Тудынъар! (*Акунны тудып алчалар*.)

Кака. Алай, ипчіеем мындох полған ноо! (*Аннаны тудып алча*.)

Анна. Хыя, айна!

Олька. Хайдағзынъ, большевик сырдай? Холыма кірдінъ ме? Ирепен, адайны наах пастыра пар-кілдек! (*Ирепен сабарға иткенде Акун харнананъ теепче*.)

Акун. Ма, ад, садынған адай!

Ирепен. Йо-йо! (*Істін тудынып, айлахтанча*.)

Олька. Ы-ы... адай (*Атарға хынча. Кака аны тохтатча*.)

Кака. Тохта, Олька нанчы. Хамнынъ чоофы сын ма, ээрген? Ха-ха-ха, мага пычахтығ сегіргенненъ хайдағдыр?

Акун. Ёрін, адай, андада ічегенъ субалбаанға! Худайынъ Анна пол-халған!

Кака. Ипчізі ирін аябин полар ба за, хобадым, ха-ха-ха.

Анна. Ипчізі! Сырайы чох ырысха! Көргезінъ ме, Акун, ханъырылған кізіні? Көрбейн ползанъ, көр, ол алныбыста тур!

Кака. Тымыл, ээрген!

Олька. Хайдағ нименъдір, апар, ханъылабазын!

Кака. Че, чёр, хатым!

Анна. Ма, хат! (*Чаба тұқүрчे*.)

Акун. Чагын килзе—харнанъ чара теебіс!

Кака. Олька нанчы, минзер табрах килерзер бе?

Олька. Пу адайнынъ чарғызын ит-салзамох, килем.

Кака. Че мин сағирын. (*Аннаны апарыбысча*.)

Олька. Ирепен, пу большевиктенъер чоохтадах!

Ирепен. Пу аалда инъ улугъ большевик! Истіпчезінъ ме, улугъ большевик! Аалдагы чонны ол тискіндірче, ол сайбағ салча. Кізілерін прай пілглепчем. Мына, худайым алнымда тур, олар ананъох холынъда поларлар!

Олька. Сын ма, адай?

Акун. Сірерге ниме кирек минненъ? Ханым кирек пе, тәгінъер. Тыным кирек пе, үзінъер! Че ниме истіп полбассар!

Олька. Көрербіс, адай! Пирібіс пис хамчы! (*Чыртыпчалар.*) Амды хайдағдыр, сөс сыгар осхас па? Мылтыхтарынъар хайдадыр?

Ирепен. Мин пілчем. Оларнынъ праизы пис дробовик, ухтары читі. Пәсерейлерде пол алтында чатчалар!

Акун. Чахсы мындағ, адай ла осхас күзее!

Олька. Пирібіс паза пис хамчы! (*Чыртыпчалар.*)

### Акун ырлапча:

Харта чіченъ чонынъны, Соловьев.

Хатығ ухнанъ хыраңбыс, Соловьев!

Олька. Тымыл, адай! Чүлмені стенаа турғызынъар! (*Турғысчалар.*)

Акун. Сірер дее ідőк хырыларзар!

Ирепен. Амды мині пілдінъ ме? Кеммін мин, ха-ха-ха, пілдінъ ме?! Мин пір ле большевиктінъ ханын тәкпеем. Тохтобиннынъ планын минёк алғам!

Акун. Тохтобиннынъ!

Ирепен. Йа, Тохтобиннынъ, ха-ха-ха! Аястығ ба?

Акун. (*Позынынъ алыңча.*) Нöös прай киректі пілче поларлар?

Ирепен. Арғыстарынънынъ тынын ўстірер минёк-пін! Ат, Олька нанчы, ат!

Акун. Анзы көрінер!

Олька. Арғыстарынъ тігі чирде сині сүре чидерлер!

*Мылтығын көдіріп, атарға чөргенінде, Акун стенадағы ізікті аза ідібізіп, сыгара чүгүрібісче.*

Тут, айна, тут! Аны хайди көрбеезінъ?!

Ирепен. Көрбеем чізе, көрбеем!

Олька. У, адай! (*Ирепенні атарға итче; Ирепен, холларын өзегар көдіріп, тістене түсче*). Аны тут-полбазанъ, мин сині тіріге көём-салам.

Көзенъе.

## ҮЗІНЧІ ДЕЙСТВИЕ.

### ПИЗІНЧІ КАРТИНА.

Чайғы иб істінде: толлыра ідіс хамыстығ, ілгір хринда айранның сабан, алтында портағалар. Чайғы ибнін ортызында кімеге, төрде көзенъеліг; частыхың төзек, үстінсариинағы парааннарға кибіс тартылған, оларның үстінде абдralар, кистінде сундухтар. Сіреелері, улуғ паза чабыс столлар, обрастар паза даа пасхалары. Төзек хринда банкала турча, Каканың іпчілері постарының алнынча ниме итчелер. Овдо пазын палған-салған. Стенада мылтық хыс-салған турча.

Овдо. *Бұрланып, тоғынып одырча:*

Хуснанъ анъ ва чуртачанъ  
Хұмывғ қазының іс індө,  
Хуурта тартып ҳачаннанъ,  
Хомды чатча тастыхта.  
Кемнінъ анда әлгенін  
Кізі пір дее пілбиниче.  
Кибірі қызаан ҳомдызын  
Килкім тастар көлетче...

Позрас. Пудурғы ниме хайдар парды?

Овдо. Кем піледір аны. Хамнабох-чор полбас па за.

Позрас. Хат ағыларға парыбысханы тайма ба?

Овдо. Танъ. Испеем. Кемні?

Позрас. Мин дее қахсы пілбиничем, Ҳачахтынъ хызын ма танъ.

Овдо. Ёрекенні! Андағ чиит, қахсы позынанъ кири харғаннанъ хайди чуртириш полар? Ниме кирек полча мұнаан айнаа? Пістінъ чиидіб сті, хонинбысты тик иткені аға асхынах полча полар чі? Айна әлченъ дее полза чі!

Позрас. Аны хайди идер зе, ардал парған нооза...  
Чарых алты чалбах, әрбетсін.

Овдо. Че сині, полыс ла қададырзынъ...

Позрас. Полясхан ма за. Хайдағ даа полза, пости нооза.

Овдо. Чох, минінъ паза полчаам өфіл. Соғысха чүреем дее блібісті. (*Харағының қазын қызынча.*)

Позрас. Минінъ күнім синиок о хас нооза.

Овдо. Саға хол айда пір-ікі ле теедір, че мин парахсанға күннінъ чидедір Пая даа, сірееде чатхан ханъазы полға тұс-парған үчүн, сазымны сірбектеп, ҳағырып, чаба түкүрген.

Позрас. Чуртаста андағ ниме полчанъ.

Овдо. Полчанъ! Лакандағы чабал сүғны чаба таста-ча полчан ох па?! Аар пеер сыйсань—кізее күннечеес парох па?! Кізілеріні әдіре сохча полчаньюх ниме бе?!

Позрас. Кёблче иртізер!

Овдо. Иртіспин полар ба за! Харааныны суура саптыр-салзанъ, иртізерök, өдіртіп салзанъ—иртізерök!

Позрас. Піди чуртирга худай салған полбас па за!

Овдо. Худай! Пілгенінъ ол ла! Акуннынъ ічезін өдіре соғарға худайох салған ма, алай оғыр идерге олох чахаан ма?

Позрас. Хайдағ оғыр?

Овдо. Харолнынъ ахчазын албаан ма?

Позрас. Хачан?

Овдо. Ана, іди пілбеечік пол! Санасчатханда чі! Мында сал-салып, одынъ ағыларға парыбысханда, алып алчых па за! Частых алтына сухчатханда, кір-килбебіс пе зе! Мына ам даа мында чатча. Чыл тооза ирееленіп, хызыл чалаас чөріп, хайди-полза тоғынып алған 20 салковайын оғыр-чазытнанъ наңдыра алғаны—ол кізі бе?!

Позрас. Тынъ хысхырба! Ойнаан полбас па за.

Овдо. Чахсы ойын! Чібекті күстеп, тилтее суғыбысханы—ойынох па?!

Позрас. Пида сині! Тохта, сайға кірерзінъ! Изінъ сығыбысты ба?

Овдо. Мага пасхазы чоғыл! Чурт па піди чуртааны? Чох, минінъ паза полчаам чоғыл. Ниме полза, ол ползын, пүүн парыбызам!

Позрас. Алой, стол тимнирге ундумбысхабыс! Че, хыймыра табрах! Түрче полза, килібізер.

Овдо. Кильзін! Анынанъ чахсы поларға ба?

Позрас. Че, че! Тарынғанынъны ағаа читірерзінъ! Парып, самоварны кір.

Овдо. Хайдадыр?

Позрас. Тура сенегінде. (Позрас стол тимнепче.)

*Кака Аннаны холданъ тудып, киріп, төзегінзер  
ойлада сасча.*

Кака. Ахсынъны ниме анъайтыбысхан тұрзынъ? Пая хайдар тизіп ойладынъ? Идек алтынанъ ирленчеткенінъ-зерök парғазынъ ма, чұлме?

Овдо. Хайдағ?

Кака. Пол, пол пілбеечік, адай! Мині көрбеең тіп сағынчазынъ ма? Туюх, хазааға ниме идерге кіргезінъ? Кирпеде, от хазаазында хайдағ ўр полғазынъ, эәрген?

Овдо. Мал соонанъ чөргем. Анда артых-пузух кізі дее чох полған!

Кака. Кізее сиден азра сегіріп кірері үрнімес, әэрген!

Овдо. Тұнеегі чіли сиден аразынанъ хараан ползанъ — кемненъ пір полғанымны көрген полбассынъ ма за?

Кака. (Харызыбысча.) Аңзы синненъ сурылбаан, әэртген! Көрзем зе—піди choохтаспасчыхын, паях мойнынъны, үзе тартып салған поларчыхын, адай!

Овдо. Піди чуртааннанъ артых ла поларчых!

Кака. (Позрассар айланып.) Нaa көгенненъні німе идерге кискезінъ? Пүүн пайрам ма алай аалчы килер бе, әэрген?

Позрас. Кисченъ не німе полғанда, кис-салғам.

Кака. Хайдағ мыс-кис, әэргензінъ! Мин сірерге тобле choохтидырбын—нимені артых үретпенъер, кип-азахты үзўрленъер! Мынынъ соонда минненъ сурағ чох кип кискенінъерін көрбим. Тігі німені німе идерге алғазар? (Столда турған німее көзіoin.)

Овдо. Хайдағ?

Кака. (Откініп.) Хайдағ! Хараанъ чоғыл ба? (Ахсына чачыпча). Амды көрдінъ ме, чүлме? Ана андағ нимелерге ахчамны тооза үрет-паризар.

Позрас. Аны тудынарга кізіденъ ағылғам.

Кака. Кіленчік полыбыстар ба?

Овдо. Кирек німе чізе.

Кака. Кирек німе көп, прайзына сұғдағы хум даа читпес, адай! Німее аңъайыбысхан тұрзынъ?! Пар, маларны сугарғла. (Овдо сых-парыбысча. Кака Позрасха choохтапча.) Син, хобадым, столынъны онъдайла.

Позрас. Табрах килерлер бе?

Кака. Амох. (Позрас, поднос тудынып, сых-парча. Аннаа). Көрчезінъ хайдағларды, хобадым.

Анна. Чоохтабазанъ даа—истім, көрдім. Харах-хулахты тундырарға, адай чіли сығара сүрдірерге кем дее кізі хынмас. Полған на кізінінъ тамырында кізі ханы ахча.

*Аннанынъ харагы мылтыхта ла, Кака аннанъ хыя парбинча.*

Кака. Аңзы за андағ, хобадым. Че полған на кізіні пір синге синебеченъ. Мин оларны хомай даа көрзем, сині чаҳсы көрем, хурайым.

Анна. Хозан тұлғеे ізнерге кирек.

Кака. Хайдағ тұлғұ, хобадым?

Анна. Мындағы тұлғулар прайзы тобайлар. Син дее оларнынъох төлізінъ нооза.

Кака. Хайдар даа ползам—апсаанъмын, хобадым. Че охсанызыбызаанъ, хатычаам. (*Чагын киличе.*)

Анна. Хыя пар, айна, ічегенъ субалгалахта!

Кака. Амды нимес көделен-турзынъ, хобадым? Іченъ, пабанъ полыспас! Хостанысханынъ аттыр-салған! Ха-ха-ха, аттыр-салған! (*Анна Каканынъ холын ызырыбысча. Кака-хыя сегірче.*)

Анна. Адай!

Кака. Амды тілін тоғыр ызырыныбысран полар, ха-ха-ха! Саға, хобадым, ирінънінъ хылығын чахсы пілерге кирек. Мин хына-чоғылбын сөс исpeeен кізее, позынинанъ на полчатханға! Син хылиниңни алыстырбин, мындағ ла ползанъ, піл, чұлме, мин сині теер чіли ууп саларбын!

Анна. Тілнінъ сböгі қоғыл, махтан, хорғыт, сböклө. Че анынанъ ниме утып полбассынъ! Син мині теер чіли уғзанъ, мин сині тобрах чіли типсирбін!

Кака. Мага ол ла кирек, хобат! Иппі кізінінъ тарынғанын көрзем, улам хыбым кіредір. Мага чуртирга амды ўр нимес, че аңдағ даа полза, халғанчы күннерімні сині хучахтап иртірерге хынчам, хобат! (*Хучахтирға иткенде, Анна, ойлан-парып, стенадағы мылтыхты хаапча.*)

Анна. Хучахта, кирі харға! Холларынъны өзгәр көдір!

Кака. Анна, хобадым, атпа, атпа!

Анна. Синдең айнаны айирға кирек!

Кака. Мына пу chartedанъ, ниме-нооларымнанъ хайди chartedам, и? Хайди chartedам, хобадым?

Анна. Кізілерні өдірерге саға чахсы полған. Позыма олар чіли аар күнні көрерге киліспес тіп сағынчанъ поларзынъ! Че піл, чұлме, паза „тігі чирдегі“ өрелерін е солеп пар—чабалға нандырығ чабалнанъох поладыр, хамчынынъ узы кізее тегзе, сабы посха теедір!

*Анна атарға-чөргенде, Кака ойдастча. Изірік хасхы кір-кіліп, Аннанынъ мылтығын суура толғапча.*

Хасхы. А-а-а, иргі таныс па? Че чөрдек, ирнінъні позыда сор-көрим!

Анна. Адай орнына адай!

Хасхы. Ағам, тур!

Кака. Алай! Хайди пол-пардым, хайди, нöбс тірігбін?

Анна. Түрче тынып алзына за!

Кака. Тут, хобадым, тут!

*Аннаны тудып, палғап салчалар, ананъ төзексер чачыбысчалар.*

Амды позып көр, адай!

*Улуг табыста Олькананъ Ирепен кірчелер.*

Олька. Сага түгенді задача пирілче: иирге теере Акун холымда полбаза, пазынъ чачрап халар! Онъардынъ ма?

Ирепен. Алчазымны пілінчем, мына худай ўстімде тур, ол ізікті пілбеем! Амды, Олька нанчы, Акунны иирге теере холыма киреріме ізенминчем.

Олька. Ізенминчезінъ ме? Маға за пасхазы улұғ нимес, синінъ ханынъны, алайба Акуннынъ ханын адай даа чалғабас!

Кака. Хайди, позыбыстар ба?

Ирепен. Йа! Мына, тыным хылычаhta ла ілінібісті! Полястах, Кака нанчы!

Кака. Эх, анъайған! Хараанъ хайда полған?

Ирепен. Мин дее оларнынъ прай ўт-хоолларын хайданъ пілім зе! Пілбин-салғам чізе, хуруғ соонда ниме итчеенъ пардыр за?

Олька. Чоохтанма, толдыш!

Ирепен. Амох парам! Чарат түрче көксім өллеп аларага. Чарир бе?

Олька. Хынсанъ, иирге дее читре өллен, че Акун паза анынъ кізілері мында ползыниар!

Кака. Ол пістенъ хыя парбас, хобадым! Одырнъар столзар! (*Одыргланчалар.*)

Олька. Андағ полза, чарир!

Кака. Чірче, нанчылар! Мин, хобаттарым, сірернінъ хазых-тіріг чөрерінъер учүн ісчем!

Ирепен. Акунны холға кирер учүн түнъдерчем!

Олька. Мин, нанчылар, сірернінъ сістерінъер сын полары учүн алчам! О, күстіг араға полтыр!

Кака. Астанъ сыйбалған, хобадым! (*Хасхы кірче.*)

Хасхы. Атаман аргыс, піс синінъ чахаанынъны толдыш-салғабыс! Аалда пістінъ холыбыс читпеең пулунъ халбады! Ниме-ноо тағ ла чили ўлчес!

Олька. Амды тыхтанарга кирек! Пүүн паарбыстар.

Кака. Хайды табрах, хобадым? Сірер чохта мин хайди полам? Чірче!

Олька. Манъзырирга кирек—түрче полза Тохтобин айлан-килер! Сага пісненъ хада паарға кирек, өнап хызылларнынъ холына кірерге хынминча ползанъ.

Кақа. Алнъар, нанчылар!

Олька. Че син пар, чубанма!

Ирепен. Парчам, парчам! (*Сых-парча.*)

Олька. Хачан-да мин дее син осхас ибліг-чурттың полғам, Кақа нанчы! Ниме-нооданъ чарылары синіненъ иртіре сидік полған. Саға даа, нанчым, хынза, андаох пол-тур полар?

Кақа. Пасха полар ба за, хобадым! Сидік чізе. Хайди полчаанъ пардыр за. Тын пирік.

Олька. Ниме чох, нанчым! Ис орнына ис полар, кип орнына кип полар. (*Ырлапча.*)

Прайзы. Ах ирбен бісценъ чир-суубыс  
Ағбах сігешенъ пүргенгей!  
Ай, хус чұртаchanъ час тайға  
Ал-позыбысты кәлткей!  
Көк ирбеніг чир-суубыс  
Көк сігенненъ чазангай!  
Көксі چалбах түн тайға  
Хончанъ чирліс полчатхай!

*Артын чахтығ, изірік апсаҳ кірче.*

Апсаҳ. (*Ырлапча.*)

Игір мүйістіг інеечесем  
Ибге айланмин хачап тур.  
Илденъ алған ипчіцеем  
Илгексінъ тіп таллап тур.

Изенинер, нанчылар! Изірік мині көрбен кізі пар ба?  
Көрнъер, сынанъар! (*Ырлапча.:*)

Таахы тұктіг Хулачаам  
Тазын полып мустап тур,  
Тудып алған ипчіцеем  
Табанымны охсан-тур!

*Хатхырысхлапчалар.*

Олька. Нименъні, нименъні охсан-тур тиизінъ?

Апсаҳ. Хара чірче харахтығ, хазан түбі хамахтығ, иреетке пурунығ, інек пиизі наахтығ, чар сүсклеен сосханы осхас сырایыма охсанмін, табанымға охсанадыр. (*Уламтынъ хатхырысхлапчалар.*)

Олька. Хайди пол-пардынъ, нанчым?

Апсаҳ. ўттіг хаянынъ үстін-сариинда, ағын Ағбаннынъ алтын-сариинда, кизек хазынънынъ кистінде чурттығ, хоосха харахтығ, хозан сағаллығ чис самовар—мин полчам. (*Хатхы тыыпча.*)

Олька. Одыр пеер, нанчы! (*Арага пирче.*)  
Апсаҳ. Аларға чөрбін, нанчылар. (*Ырлапча:*)

Сүрданъ сусхан сүф вимес,  
Сууласпин ізер ас нимес,

Прайзы. Кәлденъ сусхан сүф нимес,  
Көглеспин ізер ас нимес.

Апсаҳ. Мында хайдағ көглес полча, нанчылар? Сағызым, Хара-нинчіни дее осхас полза, чир читпин-парир.

Олька. Иб эзін иблепчебіс.

Апсаҳ. А-а-а, нанчының хамағы оттығ, харагы сұғлығ полтыр. Наа паланы харах пулиинанъ даа көзідер-чіксінъ ме? Чүректі тибредер ниме полза, мин дее, хынза, охсанар нимені кіленібізерчікпін!

Кака. (*Құлініп.*) Пласпас ла ползанъ, хобадым! Мына. (*Қозенъені аза тартыпча.*)

Апсаҳ. О, айның, күннің харағы мында паланъиап турған осхас па! Минің дее кири чүреем пүүрге сүрдірген пуга чіли, чілбребісті! Хызымын хайда-да көрген осхаспия, че танып полбинчам. Минің мында хайда-да тунъмам поларға кирек. Че, нанчылар, тойның ойыны поладыр. (*Ырлапча.*)

Чорыхыл атха мүнгенде,  
Чортыр-салғаны тыңъ чахсы.  
Сондыры чылға ізес иде  
Чоохтас-салғаны тыңъ чахсы.

Прайзы. Пазытчыл атха мүнгенде,  
Пазыттатхавы тыңъ чахсы!  
Пазағы чылға ізес иде  
Пар поларын иткені чахсы!

Олька. Сын, сын, апсаҳ! Минің отрядыма хозылар-зынъ ма?

Апсаҳ. Маға пасха нимес — хайда даа чөрчетсем. Парам хада. Че, ічіпчем, нанчылар!

Олька. Хая онъ холынъны.

Апсаҳ. Ма. Кака нанчы, минің көп нимес арагам пар, аны кибірбінен тойда ипчөк кізі ўлезе чахсы полар-чых.

Кака. Син дее ўлезнъ—асхай, хобадым!

Апсаҳ. Хайдагзынъ, Олька нанчы, наа пала пирген асты ізерге чахсы полар ба, алай мин пиргенні бе?

Олька. Мин анынанъ танысхалахтаабын, чол сығар алнында піреер чірче анынъ холынанъ ізібіссе, чүрекке дее нымзах поларчых!

Кака. Син, хобадым, аның хайдаан пілче иоонъза.  
Апсах. Ха-ха-ха, ир позынанъ ипчі кізіденъ хорыхча.  
Кізі имнік тее атты үгредіп аладыр, хатты үгредері нимедір зе!

Олька. Чедек, көр-көрим! (*Апсах көзенъе асча*).

Анна. Хыя чёр, айна!

Апсах. О-о, сынап таа сас полтыр! (*Хатхырысчалар*).

Кака. Ырах идер, тибетпе!

Апсах. Алай, тунъмам ма хайдағ за? Хайдағ улуг  
бұс-паргазынъ, Анналах! (*Хуцахтапча*). Көрдексе, тайынъ  
хайдағ тың киріп парған! Мин сині паяданъ танып пол-  
бин-турғам. Хараам даа оомас полыбыстыр!

Анна. Мині, тайым, пеер күстеп ал-килгениер! Мин  
Какананъ чуртабаспын! (*Апсах паан систінче*).

Апсах. Тайынъ қаратчал! Чурта, чурта, тунъмам!  
Олька нанчы, мин тунъмамнанъ 10 чыл тоғаспаан полғам.  
Амды хайдағ бріністіг—ирге парча.

Олька. Туған туған ўстіне бе?! Че араганъ ўле,  
көксім хаарта тартып парир.

Апсах. Анналах, пу араганы ўлебіс!

Кака. Андағда, хобадым, туған поларбыс! (*Хол  
тутча*).

Апсах. Туғанмыс, туғанмыс, кізём! Чірченъ тут,  
иреет синий (*Ырлапча*):

Іче туғаны ирге парғанда,  
Ізер харны аябас Кичей,  
Ада туғаны ибленчеткеңде,  
Алар харны аябас Кичей.

Алнъар, алнъар, нанчылар, минінъ арагам.

Олька. Араганъ күстіг полтыр! Ачығ!

Апсах. Эзі хайдағ—азы андағох полбас па за. Кізом  
тойны анча-мынча даа кибірлеп саларға кирек.

Кака. Кирек полған чізе, хобадым.

Апсах. Аナンъ кирек нимеденъ тудылча за? (*Аннаа*).

Ылғаба, тунъмам!

Анна. Чүреем хынмаан кізее хайди хынам за, тайым?  
Сидік!

Апсах. Чүрек тобле киртінер ниме нимес, тунъмам.  
Че, нанчылар, кибірліг нимені кибірлебізеенъер, хачан-  
полза тунъмам кізі өоғы пол-чөрбезін!

Кака Сазын даа ўр-салза, чарабас па за.

Апсах. Паза ниме кирексе мындағ онъдайда! (*Анна  
сүрмөстерін чучадарға пирбінче*). Че, че, тунъмам!

Анна. Тайым, чүрееме дее күлгеннері полбас па за.  
Пабам даа тегбеен сазымны ўзе тартып паризар!

Апсах. Киберліг ниме киберлелченъ, тунъмам. Чесин, Олька нанчы, пеер одыртып, алғабыс. (*Пол ортызына киис төзепче. Аннаның сүрмөстөрін чучапчалар*).

Олька. Аалға парарға алат пирем, тойға парарға торат пирем. Онъяр-чөріп, оол табынъар! Піргер чөріп, хыс табынъар! Ідіс-хамыстынъ эзі пол, апсанъа сын пол! Чил осхас ник сағыстығ полба, пасха кізее кёllenме!

Апсаҳ. Худай сөзі ползын.

Кака. Худай сөзі ползын. (*Олька арага читірчелер*.)

Апсаҳ. Нанчылар, минінъ тунъмам плесет чаҳсы салчанъ полған. Аалчыларнынъ көнъніне сал-пирзін.

Кака. Чее, хаттар плесет сал-пілерлер бе зе?

Апсаҳ. Пілче. Аны русскай үгретчі хыс үгреткен.

Кака. Че, андағда, Анначаам, минінъ кири чүреемні көглет-пирдек.

Олька. (*Хыртыстанып*) Аалчыларнынъ көнънін көр-пирзінезе.

Прайзы. Сурынчабыс, сурынчабыс!

Апсаҳ. (*Аннаа*) Чедек, че-дек! Син, Кака кізё, чатхан даа хах-пирдек. (*Кака чатхан хахча, Аннаның Апсаҳ плесет салчалар, прайлары оос саап ырласчалар*.)

Олька. И-и... Эх! Көгліг-арах, апсаҳ!

Апсаҳ. Эх, тыыдин-арах! (*Аннаның хулаана көйләце*.)

Анна, мин хачан „Өлім“ тіп хысхырзамох, ізіксер сегіріп, мылтых хап. (*Истілдіре*). Көгліг-арах сал, тунъмам, аалчылар көглензіннер! И, эх, өлім! (*Наганың хасхыларга удуру тұдып*). Холынъар көдірнъер, чыланнар! Орыннанъ тибреен кізее көглес тігі чирде полар!

*Апсаҳ сағалын ходыра тартыбысханда, хасхыларнынъ алдында Акун турыбысхан. Прайзы танънап парғаннар. Олька, ізіксер тобдір парирып, Аннаның мылтығына урунча.*

Олька. Акун!..

Кака. Акун!..

*Ол туста оортах-арах партизаннар ыры, мылтых атылчатханы истілчे.*

Акун. Истіпчезер, пістінънер ырласчалар... Ол ыр сірерге өлім ыры! Орыннанъ тибребеске!

*Хасхылар праизы, чоптескен чили, Акунны ибре, аны тударға іділчелер. Акун төбір пазынча. Хасхылар Акунға сегірізеріненъ, Акун хол алтынча сығара сегірібісче, ол туста партизаннар кире ойлас килчелер.*

*Командир. (Хасхыларға). Холынъар чоғар!*

*Акун. (Хасхыларға). Амды көрдінъер бе, прай чон сірерге тогыр.*

*Ирепен кире ойлан килче, партизаннарның мында турғанын сизінминче.*

*Ирепен. Олька нанчы, піс хурчагдабыс, Тохтобин пісті ибір...*

*Акун, Ирепенні тудып, мылтығын плап-алып, хасхыларзар, хоза ніткелебісче. Ирепен хахпанға кірген пүүр осхас.*

*Акун. Тынъ чаҳсы. Амды ёёнінде праизы даа осхас. Хозыл пүүрлерінъе.*

*Хаҷаҳнанъ Торғай мылтықтығ кире ойлас-киліп, Каканы көр-салчалар.*

*Хаҷаҳ. А-а, адай, холыма кірдінъ ме!. (Атарға итче, че аны Торғай тохтатча).*

*Торғай. Ырах ит, анынъ чабал ханына холынъ підебе.*

*Командир. (Партизаннарға). Ніндібізінъер! (Партизаннар ніндіпчелер. Аナンь командир Акунға чоохтапча). Тынъ чаҳсы, Акун арғыс, штабтынъ чахаанын орта толдырынъ. (Хол пирче).*

*Акун. (Хасхыларға). Че, ханчылар, сірернінъ күнінъер харалды, амды паза чон ханын сорбассар.*

*Командир. (Партизаннарға). Апар-салынъар пу хасхыларны штабсар (Хасхыларны апарчалар).*

*Акун. Арғыстар, сірер пу хасхыларны тооза хырарға чаҳсы хабасханынъар ўчүн, командованиеиңінъ адынанъ алғыстапчам! Пістінъ чоннынъ күрезігде тәгілген ханы прай пістінъ ўстібісте ырыстығ, чалтрама хызыл күн чалтрабысты! Изен ползын Советской Хакасия! Ура!*

*Прайзы. Ура! Ура! Ура! (Прайзы ырласчалар).*

*Тәгілген пістінъ ханыбыс  
Төрітті көгліг чұртасты,  
Оскен чир-суубыс Хакасия,  
Онъиеніш, торғынанъ чабынды.*

*Көзенъе.*

## СТАЛИННЫНЪ АДЫНАНЪ.

Піс, чиит улус, иргіні асхынах пілчебіс,  
Піске ол—ыраххы нымах ла осхас.  
Пілчебіс аны часнанъ улуг аға, уучалар,  
Паба, іче чоохтаан чоохтанъ на.

Піске танъастығ, хайди олар чуртааннар,  
Пастырып ханға, абысха паза пайға?

Пілісненъ хысха полып, харасхыда, соғыста хайди  
Векті чуртап иртірченъ поларлар?

Піс өскебіс хызылғат чіли мондылызып,  
Пілбин аарны, хызығысты, хатығны,  
Пала тустанъох көгісті, пасты алғыдып  
Піліске, сағысха паза кёгліге.

Хачан даа өабых полған ізіктер пабаларға,  
Хазыра азых олар піске—чииттерге.

Хайдар хынзанъ—пар андар тоғынарға,  
Хынзанъ ўгрен имчі, лётчик поларға.

Че піс өарых пілбебіс чүрекненъ:  
Чұртыбыс хайдағ поларчых анда,  
Сынаң иргідегі аар чуртас күсненъ  
Чох иділбеен полза орнынанъ?

Пабалар кискен чыртых киптер артыларчых  
Пістінъ инънібіске азырылбасха;  
Пайлар тастандызы—хатығ-хутуғ азых поларчых  
Пүре тартылған харныбысха.

Ала ҳарах төреміл поларчых көп парған  
Ахчатхан күн сай час күзіне,  
Азах, хол систап тартыларчых әэ-пүге  
Аар күн көрген салтарына.

Че, нымахтағы алып чіли, Ленин, Сталин  
Чир үстін илгеп тітредібіскеннер.  
Чилбіген пайлар хурт-хоос чіли күреле,  
Тооза оларнынъ күзіненъ сыйырлғаннар.

Хри-пазы чох талайларны, чирні, тигір алтын  
Хызыл күн чіли чарыдыбысханнар;  
Кичеегі боліг қазы, тайғаларда пүүн  
Хынығ, ник چурт полғызыбысханнар.

Іди пістінъ илир илеглер чилегелеріненъ  
Айланмасха паза уналғаннар.

Нинче-нинче мунъ чиит үйректер прай құзіненъ  
Ниик кииненъ пос тыныбысханнар.

Піске, наа чоннынъ төллериң—советской чиннитеңге,  
Прай нимеденъ аарлығ Сталин.

Плектегі күс, пастағы сағыс, көгістегі тын аяғ нимес  
Пирерге, кирек полза, анынъ ўчүн.

Түрчабыс па граница хадарызында хараа, күнөрте,  
Тигір паарына учухабыс па алай,  
Тимір чолда, фабрикада тоғынчабыс па тыыдарға күсті,  
Тиксі сағыста, чүректе—Сталин.

Чалғыс таа ады піске көгісче чалынығ отты,  
Чарытча чолны коммунизмға,  
Сағыс кірче орта пөберге ноо даа нимені,  
Чинъерге күс пирче хайзын даа.

Сынап ырычылар піссер сынызалар,  
Самолётха, танкка одырарбыс—  
Чаа пастаанны позынынъ чирінде  
Сталинынъ устаананъ унадарбыс.

1940 4.

### ӨСКЕН ЧИРІБІС СССР.

Өскен чирібіс СССР—  
Оды даа онъмас сіліг чир,  
ОНъ-пазы анъ, хус, палых, мал  
Өсчеткен илбек тынъ пай чир.

Күн харагы палынънап,  
Күмүс ле чіли турчанъ чир;  
Көп миллион чоны ынағ چуртап,  
Хомайны пілбес манъат чир.

Чазы, хыр, тағ, тайғазы  
Чарых онъ торғы часхандағ,  
Санъай ла көл, талайы  
Сарығ алтынны ургандағ.

Хайдағ даа ниме хахтығар  
Граниттанъ даа пик пүдістіг,  
Хайдағ даа ырычыны чалбайтар  
Хайхас таа читпес тынъ күстіг.

Чылданъ чылға СССР  
Чарып күн чили турчатсын,  
Санъай опыдын прай мир  
Чахсаа чидерге ал-турзын.

Істенчі чоннынъ ёрінізіне  
Иzen ползын хачан даа;  
Ыырчы чабалны хорғыда  
Илбек күстензін страна.

1941 ң.

### ХАКАС ЧИРІ.

Хакас чирі, пайзынъ малға,  
Халын ағас, анъ, хусха.  
Хара чирденъ хасчанъ паза  
Күмүс, алтын, тимірге.  
Чазы, тайға, тағ одинънанъ  
Чалтрама ас алышча,  
Солбрап аххан сұғларынънанъ  
Саллар инче пүдіге.  
Көксій синінъ чазанчадыр  
Колхоз, совхоз, рудникка,  
Кәк тасхылынъ усхунчадыр  
Күстіг мотор, гудокка.  
Көгліг чурттығ чонынъ тооза  
Көглеп хонин тыдынча.  
Койтік ыырчы холын сунза,  
Күрезерге тимде полча.  
Хакассия, паза сині  
Хан ўлгүзі пазынмас,  
Хачан даа СССР-де син  
Харчых көрбес поларзынъ.  
Öс, öс күнненъ күнге тыырға,  
Öлер öлім пілбеске!  
Öс, öс коммунизм чинъізіне  
Öён чидігліг килерге.  
Көріп синінъ чидинъ Сталин,  
Холын улап көзітсін!  
Күр көксінъні Ленин ордены  
Күнненъ чарых чарытсын!

1940 ң.

## КОМСОМОЛ.

Төреен пістінъ чирібіс  
Төреміл пик—СССР;  
Тообле ағаа хабазар  
Тоозылбас көп күстігбіс.  
Чир ўстінде чох полча  
Сидіктер піс азынмас,  
Чинъістіг піс поларға  
Чиит комсомол аттығбыс.  
Піс чалғыс ла нимеспіс,  
Піске хыныс прай чирде,  
Өлім пілбес тыннығбыс  
Пирген сөске турарға.  
Фабрикада, заводта, рудникта,  
Прай совхозта, колхозта  
Паза депода, тимір чолда  
Піс полчабыс алнында.  
Партия піске солезе  
Капиталны тоозарға,  
Прай чирнінъ ўстінде  
Пазығны чох идерге—  
Піске ана ол задача  
Пирік нимес ит-полбас.  
Піліп аны тузында  
Піс толдырар күстігбіс.  
Піске чуртир чуртас таа  
Полбаан, полбас аяғда,  
Партия пирген чаҳыға  
Пирербіс толдырар киректе.  
Аарлығ Ленин адынанъ  
Анынъ ўчүн аттығбыс,  
Арғыс Сталин устаананъ  
Чинъістенъ чинъіске парчабыс.  
Комсомол піс—чиит улус  
Компартиянынъ төлібіс,  
Көгліг чуртты пұдіріп,  
Күнненъ күнге өсчебіс.

## ИЗЕН, ААРЛЫГ МАЙ!

Изен, аарлыг пастағы Май,  
Ирт пеер төрге, чалтан ма.  
Стол ўсті тамахха пай,  
Іс, чі нинче тосханча!

Синінъ чидер күнінъ пүүнгі  
Санъай чоннанъ саҳталған;  
Че, че одыр, тынан, аалчы,  
Сарна пісненъ хада пүүн!  
Көрдек, тігіне хайча халых  
Көглезіп килче пеер чолча,  
Хайча көп комбайн, мылтых,  
Хылыс, пушка, тачанка!

Тигір паарын сан даа читпес  
Тимір хустар тулғапча.  
Тиксі чирні талағ пілбес  
Танк, трактор типсепче.  
Мында, мына пионерлар,  
Мылтых тутхан оол, хыстар.  
Мир хайказы лётчиктар,  
Мунъя ғағын геройлар.

Прайзы олар аарлапчалар,  
Пайрам сині, күстіг Май.  
Пір ўн, сәсненъ тапсасчалар  
„Привет, изен, пістінъ Май!“  
Хырда, сугда, көрдек, хайди  
Хызыл знамя ойнапча,  
Хырых пасха аннанъ хайди  
Хынығ чарых тарапча.

Брах нимес ол күн, хачан  
Илег мирде сох полар!  
Нинче ле пар чурт пар чирде  
Ленин знамязы чарыбызар!

## ТИМДЕБІС ХАЧАН ДАА.

Чаалазарға хынминчабыс,  
Чаага тимдебіс хачан даа.  
Чаа паастаанны чалбайтарбыс,  
Часпин хайданъ килзе дее!  
„Заозернайны“ аларға  
Самурайлар хынғаннар,  
СССР наңдырығ пиргенде,  
Сеек ле чили өлгеннер.

Граница тынъ холда,  
 Кирек тиріг тимінде,  
 Килген ырычаа блерге  
 Граната, ух орында!  
 Пісти нимес чирлерні  
 Пласпаспys сала даа,  
 Позыбыстин кемге дее  
 Пирбеспіс вершок таа.  
 Колхоз, совхоз, фабрикаларны  
 Күресчебіс тыыдарға;  
 Көні атып анъдарарға ырычыны  
 Конікчебіс піс ОСО-да.  
 Че, страна солезе  
 Часовойға турарға,  
 Сағыс салған ырычаа  
 Сабығ тынъ пирерге,  
 Хус парғаннанъ табрах таа  
 Границаа піс чидербіс;  
 Хырых хадыл чаада даа  
 Кирек нандырығ пирербіс!

1938 ҹ.

### ПРИЗЫВНИКТЫНЪ ЫРЫ..

Хайди ырлап ёрімеспін,  
 Хайди плесет салбаспын,  
 Хачан пүўл мин парчатханда  
 Хыныстығ Армия рядына?!  
 Хайди мині ўдесчелер  
 Хакас, русскай арғыстар!  
 Хайди паза границада  
 Сағыпчалар харындастар!  
 Анымchoхтар ічем, пабам,  
 Алтын осхас колхозы м!  
 Анымchoх син, боскен чирім,  
 Аарлығ минінъ аргызым!  
 Чахаан сірер чахығларны  
 Сын киректе толдырам—  
 Санъай сыйнған ырычыларны  
 Чаза атпин чинъ-турам.  
 Сірер мында тоғыннъар,  
 Сағысырабин миниенъер;  
 Санъай күсті салынынъар  
 Чааска ўчүн мыннанъар.

1940 ҹ.

## ПІСТИЗІНЪ.

Күнге ханат сусталып,  
Күүлөп сыххан тигірде  
Күстіг мотор тоғынып,  
Күзреп читкен пәзікте.  
Парча улуғ манъзытта  
Пасха чирге мыннанъар—  
Хайда харнанъ пурғун на  
Хан полчатхан соох чирге,  
Хас-хачанинъ палых ла  
Халтрап чуртаан талайда.  
Хайда паза күн хараа  
Халын пусты ойбинча,  
Хараа идіп көп айға,  
Хазыр соохха хабасча.  
Пілбінче ол тудығны,  
Пик пүдізін таладарын,  
Пілче чалғыс тідімні,  
Пирген сөзін толдырар.  
Кизек пулут учраза,  
Кизе хағып иртіпче,  
Хыймырап соонанъ субалза,  
Кибрең хуюн толғапча.  
Тубан удур учраза,  
Тұрлы сыхча ачыхха,  
Тұдүн сығып көгерзе,  
Тура халча орнында,  
Атхан ухтынъ табраананъ  
Аххан сүгнү кичіпче.

\* \* \*

Апсаҳ Шмидт устаананъ  
Арктика чирге чағдасча.

\* \* \*

Азар пурғун пулғадып,  
Арктика аны удурлаан;  
Алғым күзін күстеніп,  
Аяп позын, пиктенген.  
Хызыл чүрее полюсты  
Кізее пір дее пирбеске,  
Хынған, күзреен моторны

Хыза чилненъ саап турған.  
Че хайди даа хаарасса,  
СССР хузын тут-полбаан,  
Чалбах талай ўстінче  
Чапси іскер иртірген.

\* \* \*

Пулут ўсті пәзіктенъ  
Пусха чағдаан тимір хус.  
Пуруннанъ пеер чинъдірбеен  
Полюсха ол одырған.  
Полюс хызыл флагнанъ  
Позын анда назатхан,  
Пүүлденъ пасти СССР-ге  
Пүкүлее позын пирінген.  
Арктика көріп онъдайны,  
Аастығ полып аастанған,  
Аяп тутхан хабарын  
Анда чонға искірген:  
„Көп чұс қыллар ирткенче  
Хорғыс кізее полғабын,  
Хомды полып хайзына,  
Хорығ тобле итченъмін.  
Чир ўстінде табылбаан  
Чинъер ниме позымны,  
Чилбреең чүрек тідінмеен  
Чиит, киріде көп полған.  
Амды тізенъ чинъдіріп,  
Азах алты полдыбын;  
Аспас тыннанъ тоғазып,  
Эә позыма табындым“.

\* \* \*

Большевиктер—күлүк чон  
Пёкче ноо даа нимені,  
Посха алған киректі  
Полча ол толдырып.  
Көзідім нооза пу даа күн  
Күзін оларның пілерге,  
Хынза, олар ал-полбас  
Крепость чоғыл, чох полар.

1940 ы.

## ИПЧІЛЕР ЫРЫ.

Пазығылғ чурт полған туста  
Правобыс чох полған.  
Парча нимә аарын піске  
Көрерге көп киіліскен.  
Ирге күстеп пиірлченъміс,  
Інек, хойға садылып;  
Ибде, тасхар тоғынчанъмыс,  
Хул күнін күненіп.  
Ирнің холы хатығ полчанъ,  
Игір тулуң чулылчанъ;  
Ибденъ аар-пеер позытпачанъ,  
Ікі харах көгерченъ.  
Хызығылғ чурт чох иділіп  
Хыя пазығ тасталған.  
Хызыл флаг палынънабызып,  
Хынығ күннер тоғасхан.  
Ипчі амды знатнай кізі,  
Ирлериенъ тинъ праволығ,  
Нинче ле пар нимә ізігі  
Ипчі піске тобле азых.  
Піліс хозып ўгренчебіс  
Прай школа, ВУЗ-тарда;  
Пулут тобыра учухчабыс  
Полған на час, минутада.  
Спасибо пістінъ партияға,  
Көгліг пістінъ чурт ўчүн;  
Спасибо пабабыс Сталинға,  
Көп правоны пирген ўчүн!

1940 ғ.

## САМУРАЙЛАР КÖКЕЕННЕР.

Заозернайда түрче полып,  
Самурайлар кёкееннер:  
„Чир дее піске сыдабастар,  
Сеек ле осхас уяниар!  
Чаалазарға хорығып олар,  
Чағын даа пеер килбестер.  
Чахсы, чахсы чирлер полар  
Санъай пісти мыннанъар!“  
Пулемёт, граната, самолёттығ,  
Пушка, танк, мылтыхтығ,

Пасха даа көп тим-тирігліг  
Пісті удурлап турғаннар.  
Токиоға генераллар  
Телеграмма пасханнар:  
„Танъда-пүүнök хызыллар  
Тап, тос чіли толирлар!“  
Чачындағы чернила  
Чахсы хуралағындох,  
Заозернайның ўстінде  
Самолёттар күзрекен.

Ырычы чатхан окоптар  
Ыра-чара сабылған,  
Иртен кёкеен чұлмелер  
Иирде анда чох полған.

Тіріг халған солдаттар  
Тизік тигейліг тискеннер,  
Тирінген олар тиріглер  
Тігде-мында халғаннар.

Рапорт пасхан генерал  
Ранъмат сыххан окоптанъ,  
Ырах нимес пара ла,  
Ікі пасха чарылған.

Изірік пір офицер  
Ікі холын көдірген,  
Изерткен аны самурай  
Императорын харған.

„Хаарған, айна син позынъ  
Хызылларнанъ чаалассанъ,  
Хайдағларын түрчеде ле  
Көрерчікінъ позынъ даа!

Торғы кисченъ инънінъні  
Төзенерчік тобрах, тас.  
Торғы сыххан харнынъны  
Тосхырарчых ух, картеч!  
Аданъ чирі Япония  
Ағылынънанъ халарчых,  
Ах от пазын чабыра  
Адай сböгінъ пазарчых!“

Сынны choохтаан солдатха  
Чöпсерерге килісче.  
Сыннанъ андағ, ырычылар,  
Чикченъ пістінъ сабыстар.

Хасандагы улуғ урокты  
Хайди-піди үндубыссар,  
Хабыра ёскен тумзухты  
Хатап піссер суныбыссар,  
Көстел-турған күн хараа  
Күлініп сірерге тур-халар,  
Кичең чыргаан чұрттынъар  
Хыбын, күл ле пол-халар.

1940 ч.

### ЫНАНМАС.

Колхозник полып Никите  
Хоғдайып пір күн одырча,  
Кёксін сабынып төзекте,  
Көкіп choохтанып маҳтанча:  
„Хыра тоғызын иткенче  
Хыйын чадарбын төзекте,  
Хынған ас-тамах күскүде  
Хылчайып алам читкіче.  
Кизер кип ідөк, соохталза,  
Кизіле килер инъніме.  
Хыстар чазаама коблензелер,  
Кірер постары хойныма.  
Чыргағда чүскен Никите  
Чир ўстін хайди типсебес?  
Сіліг чинт хысха учраза,  
Сизінмин нога охсанмас?  
Хараа-күнбрте ибінде  
Халын уйғунаңъ күресче.  
Хайдағ даа манъзыт тоғыста  
Хабазығ пір дее пирбинче.  
Кірі идіне чапсынған;  
Хырза даа түпті пілбестег.  
Хыча-ы иске көрінген,  
Хынза даа тозығ таппастағ.  
Иртен иртенőк пір хати  
Ибіне чиде, кір-кілген:  
„Изен, оолғым, че, тимнензе,  
Інек суғаранъ“,—тіп тапсаан.  
Харнын тудынып Никите,  
Хабырылып удур нандырча:  
„Хайди парарбын тоғысха  
Харным, көрчезінъ, ағырча“.

— Ағырығ кізі имчіге  
Айланчанъ, сурып хабазығ,  
Ардағны чазар күсті им не  
Ағылчанъ ёнен пұдігліг.  
— Хорыхчам имчі холына  
Көксімні сала пиерге,  
Көрбінчем сұлтағ хынысха  
Хомдаа амохтанъ кірерге.  
— Че, че артых choохтанма,  
Чалғыс имчі ле турызар,  
Чарабас ползанъ тоғысха,  
Чачын маға ызарлар.  
„Чарир“ тіп соонанъ Икенні  
Сартлада тапсанп үдесті,  
Чаб-а-ал тудынып сырайын,  
Чаако имчігे чағдасты.  
Имчі халадын кизібізіп,  
Істін тутхлағлап, тынънады,  
Ікі час ирткенче харазып,  
Никитенинъ сұлтаан таппады.  
— Хачанинъ істінъ ағырча?  
— Хап-сорт пілбинчем.  
— Хатығ-хутуғ чеезінъ ме?  
— Хачан-да чеем.  
— Идінънінъ ізии бсче бе?  
— Ниме итсем әзедір.  
— Ибіңънінъ істі арығ ба?  
— Ікі чылда чууладыр.  
— Ниме хайди чіпчезінъ?  
— Іпек қахсы аспинча.  
— Ит, хаях, мёд хайдәғдыр?  
— Нинче дее полза парча.  
— Чүреенъ хайди тоғынча?  
— Чүсче полар ханымда.  
— Чүс күн сыданп полар ба?  
— Сурбаам пая тарлыхта,  
— Кибінъ нога кірлігір?  
— Кисченъ нимем чоғыл.  
— Ніткенъ нога халындыр?  
— Ниме тее? Испедім...  
— Ағырығны чазарға  
Аптекамда им чоғыл.  
Ағаа тузалығ полча —  
Эгзенъ пилні тоғыста“.

Хызыл теер сыйрайы  
Хырна хуузын алынды,  
Кидер турған ізікті  
Көре Никите пастырды.  
Часхы, чайғы, күскүні  
Чадып ибде иртірді,  
Саблығ чахсы тоғысты  
Салып күзін итиеді.  
Күстіг тоғыс тоозылып,  
Күскү айлар иртклемді,  
Күмүс осхас астарны  
Күреп алар син читті.  
Хайда асты ўлезіп,  
Халых чынылышсан чирге,  
Хабын холға тудынып,  
Хаалап килді Никите.  
Тоғыс чахсы иткенні  
Тооза халых аарлапча,  
Төдір тартых Никитті  
Тобле харчых хадарча.  
Хызыл плат тартынып,  
Хыстар ибре ойласча,  
Хынығ ырлар ўненіп,  
Хырых пасха чайылча.  
Асты, тұқті, хаяхты  
Ах, хара, ой товарны  
Алып тооспин кізілер,  
Аттығ тартып хайнасча:  
„Ам даа минінъ аларым  
Ахчабынанъ пис мунъча,  
Ағыл, Татан, хазаным—  
Алған мёдты урага...“  
Хапты тігі тудынып,  
Хайдар килген“ теени—  
Хатхы, табыс Никитее  
Хайданъ-хайданъ истілче.  
„Анынъ пістінъ колхозтанъ  
Алчаа ғофыл көмес тее,  
Аснанъ, чағнанъ, хаяхнанъ  
Азрабанъар сала даа!“  
Хан ойлатчанъ чүрееңе  
Хази тегді пу суулас,  
Хайданъ килген чиріне  
Хатап сүрді харчыхтас.

Хапха урап орнына  
Харбир даа ас албады,  
Харны астынъ ачинна  
Хазыра-пүге тартырды.  
Сағыс сала сағынып,  
Чабал хылиин пілінген,  
Санъай күзін салынып,  
Чахсы күнненъ тоғасхан.  
Тоғыс идіп пасти ла,  
Тох, хазых таа чуртабысхан;  
Тонанған кип назана,  
Төбле көгліг полыбысхан.

1940 ғ.

### СЫН ЧҮРЕК.

Хуснанъ анъ на чуртаchanъ  
Хұмнығ қазы істінде;  
Хуурта тартып хачаннанъ,  
Хомды чатча тастыхта.  
Кемнінъ анда өлгенін  
Кізі пір дее пілбинче,  
Кибри қызаан хомдызыны  
Кілкім тастар көлетче.  
Пілче аны chalғыс ла  
Пик сыйдырылығ хыс пала,  
Пілген анзы чүреенде  
Пиктеп чоннанъ қазырча.  
Орты хараа пол-парза,  
Орлап чörче ол хомдаа;  
Өлген кізі сböгіне  
Ööді ачып, искірче:  
„Öскебіс піс пір чирде  
Өре полып пос-посха,  
Öліп, хомдаа кіргенче  
Öчес сағыс тутпасха.  
Пір хати ол хызырып,  
Пир тіп сурған холымны,  
Пірге чуртап, күн алып,  
Пілбеспіс теен чобағны.  
Орта сурған сурнина  
Охсанып мин нандырғам,  
Олох күн күр пабама

Өрімнинең искіргем.  
Пабам улуғ хысха  
Парбассынъ тиен син ағаа,  
Пай палазы полбаанда,  
Паарсаба тиен сала даа!  
Öрем аны исте ле,  
От ла чіли тоозылған,  
Он—он пис күн полғанда,  
Олім посха табынған!  
Ағаа пирген сөзімні  
Ам даа поста тудынчам,  
Аяп öре кізіні,  
Асхан сöбөгін хадарчам“.

ХЫСХАЧАХ ТАХПАХТАР  
(частушкалар).

Кизек пулут чайылыбысса,  
Хыр, тағ көлем алынча,  
Кізі кізес полысса,  
Кирек табрах иділче.

Акаан пылтыр огородта  
Алты күнче тогынған,  
Ағаа пүүл Лёё полысханда  
Алты частанъ манъянған.

Сидор пылтыр трудоденів  
Читі чұске читтірген,  
Чыл доходын үлескенде  
Читі чұс пуд ас алған.

Апсаҳ Камат иргіде  
Аар-пеер пір дее чёрбеченъ,  
Амды тізенъ велосипедтіг  
Абаканға ойлатча.

Мондай хызым съездке  
Москваға чёр-килген;  
Мага аннанъ сыйыхха  
Мотоциклет ағылған.

Коока „Терпек кёл“ хазында  
Хой хадарып чуртапча,  
Колхоз аны чыл сай даа  
Кöп сыйыхнанъ аарлапча.

Тоғыс соонда чииттер  
Тол-килчелер клубха,  
Тода, Харол, Поратайлар  
Тоозазы күстер ойынға.

Хызыл пулунъынъ істінде  
Газета, книга толдыра;  
Кирек піліс аларға  
Кірчем андар күннінъ дее.

Самолётха мин одырып,  
Чарых күнненъ чарысчам,  
Чкаловтанъ ўгреніп,  
Санъай чирні ибірчем.

Күннінъ норма азырып,  
Көрім полчам халыхха;  
Кöёлентгенні холтыхтап,  
Клубха чёрчем ойнирға!

Хой хадарып торт чылча,  
Хураган даа ахсатпаам;  
Колхозымнынъ малына  
Кöп мал хосхам.

Комбайнда тоғынып,  
Колхоз азын кöп итчем;  
Кöёлентгенненъ марғызып,  
Күннінъ нормам азырчам.

Хой хадарчызы Поратай  
Костюм алған сыйыхха,  
Хончим тізенъ Параскай  
Курортха чөрген Сочига.

АРШАНОВ  
МИХАИЛ АЛЕКСАНДРОВИЧ

(1914—1942 чч.)



Аршанов Михаил Александрович 1914 чылда, Асхыс районында, Покояковской сельсоветта, Аршановтар аалында төреен. Анынъ пабазы Аршанов Сендре (Александр) чох-чоос хоныхтыг полған, чылданъ чылға пайлар малын хадарчанъ.

1926 чылда Михаил Александрович, хости Килижековтар аалында азылған пасталығ школаа ўгренерге кірген. Ол школаны 1929 чылда тоозып, 1931 чылға читре ўгренимин, пабазына мал хадарарға полысахан.

1931 чылда Аршановтынъ семьязы им. Кагановича колхозха кірген, олох чылда М. А. Аршанов хакасской педагогической техникумда ўгренерге ызылған. Ол туста педтехникум Минусинскта полған. 1932 чылда подготовительной отделениені тоозып, хазии чох полып, техникуманъ сых-парған. 1933 чылданъ 1935 чылға читре Асхыс районында ўгретчі полып тоғынған.

1935 чылда Аршанов Красноярской учительской институттынъ физико-математической факультети на ўгренерге кіріп, аны 1937 чылда тоосхан. 1937 чылданъ 1938 чылға читре Асхыстағы ортыхаш школанынъ директоры полып тоғынған. 1938 ч. педучилищеде хакас тілінің преподавателі полған.

1939 чылда аны областной национальной издательства тоғынарга ысханнар. Анда ол учебно-методической литературанынъ редакторы полып тоғынған. Ол тустанъ сығара М. А. Аршанов художественной литератураны түнъ күстеніп изучать полып, позынынъ литературной творчествозын пастапча. Анынъ пәзік идеяның содержаниеліг подвигтарға хығырчатхан стихотворениелері „Хызыл Аал“ газетада, хакасской альманахтынъ 1,2 номерында печататься полчанънар. Ағаа хоостыра Аршанов М. фольклорға илееде көп хайығ итченъ, анынъ позынынъ творчествозында тузаланчанъ.

М. А. Аршанов Хакассиянынъ литературной чуртазында активней хабазығ итченъ, че чиит поэт-патриоттынъ хайнастығ өрністіг чуртазы анынъ творческой күстері өнъиененіп босчеткен туста ўзіл-парған—Михаил Александрович 1942 чылда ўреп парған.

### ЛЕНИННЕҢҮЕР.

Кем полғандыр чир ўстінде  
Гений, вождь пролетариаттынъ,  
Компартияны төріткен,  
Коғоз хонин төстеен?

—Ленин.

Кем ни чон чаасказы ўчүн  
Көп иреені көр-турчанъ полған,  
Көп-илбек пілізі сұлтаанды  
Күрезігде ырычыданъ асхан?

—Ленин.

Хая, тағлар арали,  
Хазыр суғлар кизіре,  
Ханнығ чааны тобыра  
Хызыл знамя тут-қылғен?

—Ленин.

Революциянынъ ырычыларын  
Хринаң хрина оодаан;  
Октябрьнынъ рулін тудып,  
Чонға свобода ағылған?

—Ленин.

Чон ырычыларын choх идербіс,  
Чөбін толдырбыс Ильичтінъ;  
Читкен чидігде тохтабин,  
Ильич чіли тоғынарбыс.

Ильич!

Истінъер, хайди советской  
Чинъистіг барабан тапсапча.  
Көрнъер, хайди сірер тамысхан от  
Чалбранып, улуғ чалыннығ койче!  
Ильич!

Көрнъер, хайди сірер көдірген знамя  
Чон ўстінде пызынъап тур!  
Көрнъер, хайди сірер сал-салған чол  
Коммунизмзар арлан-тур!  
Ильич!

Истінъер, хайди көп нация чон  
Сірерденъер ыр ырласча!  
Пілнъер, хачан даа адынъар—Ленин—  
Пістінъ чүреебісте полар!

1940 4.

### ЧАРЫХ ЧЫЛТЫС.

Талай чіли көлбейчеткен—  
Тобырган чирні порчолығ от;  
Тасхыл чіли хартай-турған—  
Ленин тостеен пістінъ чурт.  
Мондылып öсчеткен порчо осхас  
Пістінъ Хакассия честепче  
Көп миллионнығ советской чоннанъ хада  
Паарастығ читон чазынъны, Ильич!  
Найхалып öсчеткен порчо осхас  
Советской Хакассия аарлапча  
Прай мирдегі істенчілерненъ хада  
Синінъ читон чазынъны, Ильич!  
Чылданъ чылға чон көрченъ  
Чобагынъ соҳ иткезінъ, Ильич!  
Чарых, оодых чуртынъ орнына  
Чоптіг, көгліг хоных пиргезінъ, Ильич!  
Алдарана, илеен, ах хан тузындағы  
Аймах нацияны осхыргазынъ, Ильич!  
Айы, күні полып, чарытказынъ,  
Арли, чести аны син, Ильич!  
Тутхан холы сталъ осхас, пик.  
Прай чирлерге, солбан чіли чарып,  
Синінъ соратнигынъ—хыйға Сталин  
Пісті апарча коммунизмзар, Ильич!

1940 4.

## ЛЕНИННЕҢ СТАЛИННЫҢ ПАРТИЯЗЫНА.

Тәрап парған прай чирге  
Марксистской кружоктарданъ  
Таптап алған чол пастирға  
Масхананъ сині хыйға Ленин.

Чон үчүн нимес партияларныңъ  
Чолына хорым турғысхазынъ,  
Чобагдағы чонны изерткезінъ,  
Чарыхты ағаа Россияда асхазынъ.

Чылларнанъ чуртаан илегнінъ  
Чилегезін үскезінъ санъайға.  
Чааска знамязын ёбрледіп,  
Чоғар тут-турзынъ, öньнендіріп.

Кічіг саннығданъ пастаанинъ,  
Кöп миллионныға читре,  
Күрөзігде ырычыны чох идіп,  
Күн чіли мирге чарыдынъ.

Пістенъ парирып Ленин,  
Чахығ тастаан синненъер:  
Чезінъні синінъ аарлап-честеп,  
Чоғар тут-тураға хайралап.

Алып-алып Ленинненъ,  
Анынъ үгренчізі Сталин,  
Аарлығданъ аарлығ сині идіп,  
Алған молчаан толдырган.

Соратнигы Лениннінъ, вождібыс  
Сталин үгреткен сұлтаанда,  
Совет чонын партия устаанда  
Социализмы піс пүдірдібіс.

Политиканыңъ сынынанъ  
Прай мирге син полдынъ.  
Пабабыс Сталинныңъ устаананъ  
Боевой отряд тіп адалдынъ.

Кöйленістіг чуртыбыстынъ  
Кöрген хараа син полдынъ.  
Кöдіріп, іскер хаалатчатахан,  
Кöп чинъістіг синбоксінъ.

Харсаҳтығ анъ ойлабаан чирні,  
Ханаттығ хус түспеен пусты,  
Хаалап кізі паспаан қазыны  
Харазып картаа кирдінъ, Партия.

Мунъаар чылларнанъ парып, ирт-полбаан,  
Муғуй чирні, сынны, пус талайны,  
Мудрай Сталин, синінъ адынънанъ  
Миллионы советской чон чинъді.

Öстіг-хырлыг оческеннернінъ

Өзеніне өткезінъ син, Партия.

Öс нандырчанъмыс тіп кіргеннерні  
Орнындох тоозарбыс піс, Партия!

Советской чоннынъ улуғ чидии:

Сельскохозяйственная выставка—

Социализмынъ чинъ-салғаны,

Синінъ сын устаанынъ салтары.

Ачығ соохтарда, сырлама ізігде

Аарлап тутханнар Ленин, Сталин.

Аннанъар, Партия, аарлыг адынъ.

Арығли чинъістіг—тоғызынъ.

Чабырыл-парған отты сыхсырып,

Чарландыргазынъ син, Партия.

Чазыпчатхан чуртыбысты көріп,

Чарыхха сығарып, сабландырынъ.

Чоғар көдірген Знамянъ, Партия,

Чазылып турыбысын прай чирде.

Чоннынъ ўлгүзі—Советтар ўлгүзі

Чинъіп, мировой пол-парзы!

Адынъ партия, вождінъ Сталин—

Арлан-турлар чоннынъ чүреенде.

Адынънанъ, Партия, чон чинъістерін

Ағылым читпес санаи тоозарға!

Чоннынъ бёрчізін читкіли ырлірға

Состерім читпеді, Компартия.

Саны-пәгіні чох чидіглерінънінъ

Соона халбадым, чоохтирга хынып.

1940 ғ.

### МОСКВАДАНЪАР.

Пір ле город мирде турча  
Прай чоннарга аарлыг, хыныстығ;  
Пістінъ Хакассия аннанъар ырлапча,  
Полғаны ла пілче—Москва хыныстығ,  
Ағын суғдар пазынанъ  
Ах чазынынъ түбіненъ  
Аарлыг чоным чоохтапча,

Анынъ чахин ырлапчам;  
Хри-пазына хурчағ читпес  
странанынъ;  
Күні полып, хастай-турча  
Москва.

Халых аймах істенчі чоны  
Родинанынъ  
Көгліг, чоптіг паарсап адапча—  
Москва!

Аймак-пасха нациялығ  
Пістінъ странанынъ  
Тынъ аарлығ столицазы—  
Москва.

Апсах, иней, кічіг пала—  
прайзынынъ  
Айы, күні, паарсах іchezі—  
Москва.

Саблығ, хыныстығ иртіпчеткен  
чуртыбыстынъ  
Сынап аарлығ столицазы—  
Москва.

Санына, кёбіне хри-пазы чох  
чоннынъ  
Чарии, оды, чалахайы—  
Москва.

Чахсы оттығ Кирбі казызы,  
Мал орны Сахсарнынъ хазы,  
Мәнъят чирліг Уйбат чуртағчызы—  
Прайзыбыс піс пілчебіс:  
Чыда-хылыстарны хыланьнадып,  
Сині күсненъ піс плазып,  
Чалбранып, син кой-халғазынъ  
Наполеоннанъ;  
Чүс чибіргі чыл азыбох-парды  
наачылалып,  
Чарыхта син чалғызанназынъ,  
Москва.

Чыллар чүсненъ иртіпчетченънер  
ўлгұ тудыста,  
Чаада ўретірченъзінъ син,  
Москва.  
Чир ле чибіргі чыл асты амды—  
улуг чолда;

Чурты, ады—социализм, столицазы—  
Москва.  
Советской чирнің ортызы полып,—  
піріктірчеткен  
Чоннарын анынъ пір хоныхха—  
Москва.  
Чарыхтынъ алтында чоя борчізін  
чарытчатхан,  
Солбан чіли, арлан-турған—  
Москва.  
Партияға устадып, Сталининыңъ  
соонанъ парчатханда,  
Пістінъ ибіс, көрген күнібіс—  
Москва.  
Социализмнанъ коммунизмзар  
кірchetкенде  
Прай чирге Курантыларынъ ойназын,  
Москва!

1940 ҹ.

### СОВЕТСКАЙ ХАКАССИЯ.

Хайдағ полған Хакассия  
Хан тузында, пілдістіг:  
Харасхыда хоных алып,  
Ханнынъ хулын киптенченъ.

Ағылах, кічіг Хакассияныңъ  
Ады даа чох полған хан тузында.  
Албахы пайлар сыхсарчанънар чонны,  
Артхан-халғанын көмзерченънер анынъ.

Ағылах чатхан Хакассияны  
Аасха даа албағанъ ах хан,  
Ам Совет ўлгүзінде анынъ  
Ады „Советской Хакассия“.

Часпанъ, чалбах назыларында,  
Чайылып чөрче колхоз малы.  
Чахсы породалығ мал ёскіріп,  
Сабланча Советской Хакассия.

Хара чирліг назызында  
Хастайып ёсче колхоз тамаа.  
Халын тұзұмніг урожайлығ—  
Хыныстығ социалистической Хакассия.

Ағын суғларны индіре  
Ахча тайғанынъ ағазы.  
Ағаснанъ сабыхчатханы—  
Ады сіліг Хакассия.

Ах тайғазынынъ анънарынанъ,  
Арығларынынъ хустарынанъ  
Алғымға ырах сабланчатхан  
Айдағ өс-парған Хакассия.

Ағаснанъ пай тайғазы сабыххан,  
Алтыны көп тіп позы сабыххан.  
Ағаа хоза анъ, хус көп—  
Андағ промышленнай Хакассия.

Хайдағ көп анынъ пайы:  
Хола, чис, барит, пасхазы даа;  
Хазып, оларны тузаланчатханы—  
Хонығы пай пістінъ Хакассия.

Тағларында халын хадылнанъ  
Тынъ көп уголі пар полча.  
Тиксі чирге аны ысчатханы—  
Тыыпчатаң пістінъ Хакассия.

Сағылып күннінъ паланънаанына,  
Санъай Хакассия мондыл-тур;  
Сталиннынъ улуғ хыйғазынанъ  
Чібек-торғы бён öнънен-тур.

Партиянынъ устаанынанъ—  
Промышленностьнанъ пай Хакассия,  
Сталиннынъ ўгредииненъ—  
Сельской хозяйствонанъ пай ол.

Санап тооспас пайынанъ анынъ  
Советской чон тузаланча.  
Большевиктернінъ пілізіненъ  
Прай пайы анынъ табылча.

Культурнай нимес, харасхы чоны  
Культурнай, пічікчі ам пол-парған.  
Хакассиянынъ чииттері амды  
Комвуз, педвуз тоосчалар.

Спасибо арғыс Сталинға  
Öрчіліг, өчхес чурт ўчүн!  
Спасибо арғыс Сталинға  
Пістінъ советской Хакассия ўчүн!

1940 ҹ.

## ӨӨН ЗАКОНЫБЫС.

Декабрь айнынъ пис күнінде  
Тилекей халых өрінген—  
Алтыннанъ пасхан торғыда  
Конституция сыхханда.

Істенчі чоннынъ күні полып,  
Ізес пир-тур Конституция,  
Ізестіг анынъ сөзіненъ öнъзіп,  
Чарып тур пістінъ Хакассия.

Ынағ семьялығ көп чонын  
Öріністерге читтірді Сталин;  
Илбек правобысты ол пиріп,  
Öён законны пұдірген.

Союзта, ізігде муханаан пісті  
Совет ўлгүзі ле өріндірген;  
Сталиннынъ сөстері пісте  
Чуректе пазылып сөлелче:

„Пістінъ чоннарга право полча  
Позына ўгредіг аларға,  
Паза істеніп, тынанаарға“,  
Пасха даа чылығ көп сөстер.

Андағ чааска пұдірген ўчүн  
Ағаа тоғыснанъ нандырбыс;  
Артых пілістер ал-туарбыс,  
Алныңзар ла парчадарбыс.

Көстеліп сыххан хызыл күн  
Күстіг чарып, сағылзын!  
Көп чоннынъ пабазы Сталин  
Кöлтөнъёк көп чыл чуртазын!

1940 ҹ.

## ПІСТІНЪ КАНДИДАДЫБЫС.

Артыхтанъ артых аргызыбыс  
Аарлап кандидатха таптыбыс,  
Аннанъяр піс бюллетенібіс  
Ағаа тіп адап түзірербіс.

Үзіріп тапхан кандидат  
Үләзібісті сипсетпин-туар.  
Урназар кире прайзыбыстанъ  
Улуғ киртініс ағаа кірер.

Сағылып сыххан күн хараа  
Чаринанъ чылиин чирге ысча.  
Сыншатап тапхан сын оолғын  
Советта поларға чон ысча.

Пістінъ киртіністіг депутат—  
Партиянынъ, чоннынъ сын оолғы;  
Прайзыбыс піс аннанъар  
Парып, пирербіс ўнібіс.

Сталин пабанынъ сөстерін  
Сын чуртыбыста ол иртірер.  
Чоннынъ пирген чахин  
Санъай күс салып толдырап.

Күнненъ күнге чарып őзерге  
Күс салары кирек устағда;  
Көріп сығарған кандидат  
Кодірер улам чуртазыбыс.

*Май, 1941 ы.*

### ПАСТАҒЫ МАРШАЛ.

Чаптанып кірген ыырчыларны  
Чаалап сүрген пістінъ чирденъ  
Чаада чобалбас, сүрдебес,  
Чалтансас Клим Ворошилов.

Хазыр күрәзігде őбнінде  
Хахтыхпаан, хорып чабалданъ,  
Хатығ сабыснанъ түгеткен  
Командир Клим Ворошилов.

Чааласта тыған, үгреткен  
Чох идерге ыырчыны, сүрерге;  
Чон пілче аны, ырлапча,  
Чоохтапча—Клим Ворошилов.

Совет чирінінъ хадарчызы—  
Чинъдірбес пістінъ күстіг Армия;  
Саблығ анынъ командиры—  
Соратнигы Сталининынъ—Ворошилов.

Партия, Сталин хығырзалар  
Пістінъ Родинаны арачылира,  
Прайзыбысты пісті апарар  
Пастағы маршал Ворошилов.

*1940 ы.*

## СТАЛИННЫНЪ ЎЧҮН ЧААФА ПАРАРБЫС.\*)

Хырых пір чылда июнь айда  
Ханнығ чаа СССР-ге кірібісті...  
Хатығ сабыстар күні читкенде  
Халых чон ырычаа көдірілді.  
Арғыстар, истінъер, арғыстар,  
Арығли отре пілнъер—  
Арға чоннынъ истіг чұртын  
Адай Гитлер путхапча.  
Чүзеер мунъ мёнек чонны  
Чарыхтанъ Гитлер азырча,  
Час палаларны, ипчілерні  
Чобага санъай тастапча.  
Обал чохха совет чонын  
Ол нымарлирға сағынып алған,  
Оолығ тісненъ совет чирін  
Ол чиирге тимненіп алған.  
Гитлер паза анынъ ордазы  
Киректі „тимеер“ пілчелер,  
„Германской фашизмны  
Господствовать полар“, тіпчелер.  
Фашизм полған немецтернінъ  
Ханы— „арығ хан“ тіпчелер;  
Фашист нимес кізілernerнінъ  
Ханы— „пуртах хан“ тіпчелер.  
Чоннынъ хараан ўр чаап,  
Чир полбассынъ син, сазан!  
Чир тайманы сын идіп,  
Сыға кірбессінъ, чон чеегі!  
Милион чоннынъ пазын чіп,  
Маханъ ханмаан син пүүрнінъ!  
Матырхап піссер ам кіріп,  
Мойнынъ хыйыларын күзендінъ!  
Хызыл Армия тирігліг!  
Он тоғыс чыл нимес ам!  
Хати, хати опыттығ!  
Ойынчых полбас ол ам!

\* ) Хызырылып пирілче.

СССР ырычаа сохтырбаан,  
Сағыс киирченъ сыйнганға,  
Сын киреененъ частыхпаан,  
Чөлөг полчанъ сурынганға.  
Эй, үлүстіг совет чоны!  
Эленичеткен үнні истінъер:  
Ээн назыданъ ачын анъа—  
Эдереен Гитлерге көдірілнъер!  
Хакас чон, син исчезінъ ме?!

Хазыр күннер читтілер ам!  
Хайдағ ниме чаа күзепче ам,  
Хорғызын анынъ сисчезінъ ме?!

Холнынъ күзін санъай салып,  
Хатығ тоғыснанъ айғазаанъар!  
Хоныхты тылда күстендіріп,  
Хызыл Армияга полызаанъар.

Хайди айдас піс тоғынарбыс,  
ідәк тудыс фронтта паар;  
Хайди манъзрап піс тудынарбыс,  
Ідәк табрах Армия күс алар.

Социалистическая Хакассия чоны,  
Сталин хығырча, партия хығырча;  
Свободабыс — пістінъ үлүзібіс үчүн  
Странабысха пар күсті пиреенъер!

Комсомол, алнында син пастыр!  
Хызыл чиит улустар, пастырнъар!  
Гитлер адайны санъай сабынъар  
Ханнығ чаада даа паза тылда даа!

Комсомол — странанынъ гордозы,  
Хакас чоннынъ алнында тур!  
Хайда даа полза, тоғыста  
Хол-азаанъ чүлін тынъ тут-тур.

Чазаа толдыра малны, хакастар,  
Чир дее сипсетпин хадарнъар;  
Чахиин партиянынъ мал ѡскірер,  
Чөбін Сталиннынъ толдырнъар.

Пілнъер, аргыстар, прайзынъар,  
Пілнъер, палалар, апсаҳ, инейлер!  
Чахсы тоғынып, полыс итсебіс,  
Чабал Гитлер чара сабылар!

Тоғынинъар позынъар счастьезы үчүн!  
Тоғынинъар фронт чинъер үчүн!  
Тоғынинъар молатча ник полар үчүн!  
Тоғынинъар ырычаа сүрүн полар үчүн!

Арғыстар, аарлығ арғыстар,  
Алань аспин, чинъіске ізеннөер,  
Чинъдірер ырычы Хызыл Армияға!  
Чинъдірер фашизм советской чонға!  
Родинаңыс үчүн чаага параанъар!  
Счастьеңіс үчүн чаага параанъар!  
Свободабыс үчүн чаага параанъар!  
Сталинның үчүн чаага параанъар!

· · · · ·

1942 4.

### ЧИНЪІС ЫРЫ.

Чоннарыбыстынъ сын киреे  
Чинъістіг полар чааласта.  
Чаптанаң кірген Гитлерні  
Чох идербіс піс чирінде.  
Чон ханын төкченъ фашизм  
Чир үстін паспас хачан даа,  
Чалғыс мирдегі социализм  
Чонны көдірер хайда даа.

Припев:

Ах сағыснанъ килзенъер, хончыхтар,  
Аарлығ аалчыбыс поларзар.  
Анъзынып, чаананъ кірзенъер, ырычылар,  
Анъ, хус азиина паарзар.

Көріндес осхас чуртыбыс  
Күн чіли мирге паланънир.  
Койіркеп кірген ырычыбыс  
Күл, ойба чіли пурладылар.  
Хара кирегін бөрледіп,  
Хан-сөлде чұсче Гитлер.  
Хычанып, піске ачырхап,  
Хызыл Армияға ол көмдірер.

Припев:

Ікі чұс миллион чон чарииң  
Изеп полбассар, адайлар!  
Ізестіг командирыбыс—Сталин,

Игелбенъер дее фашисттар!  
Чабал сағыстығ хасхылар,  
Чарабас чирге сынманъар!  
Пістінъ сабыстар түзүмніг—  
Фашист пазынъар ўзілер!

Припев.

1941 ҹ.

### МИНІНЪ ЧАХИИМ.

Чил, хуон саға письомны  
Читтір-пирерлер, алғаным.  
Чачында пасхан чахиимны  
Чаада ундуба син, брем.  
Чон ханын тәкченъ фашизмы  
Чобат-тур син сарыннанъ.  
Чөрерде пирген чахиинъны  
Чатпин толдырам тирігненъ.  
Адай азығы Гитлерні  
Анъдарып, сүр син чирінъненъ.  
Айланып килзенъ, ипчинъні  
Айғап тударзынъ хұчаанънанъ.  
Хайдар даа хызаат полчатса,  
Хада хонғанынъ ундуба,  
Ханның тартыстар парчатса,  
Хараан көрбеспін син тібе.  
Анъ сүрінін чох идіп,  
Айлан-килерзінъ, алғаным,—  
Аллығ көгіске тын алып,  
Арға-мойныңа мин сыралам.  
Хатығ сабыснанъ фашисты  
Хабырта сап син санъайға,  
Хынып идіп тоғысты,  
Хозарбыс күсті колхозха.  
Хан ісченъ пүүр Гитлернінъ  
Хамаа пу чаада тизілзін,  
Хырых мунъ чоннығ Хакассиянъ  
Хызыл орденнығ сағызын.  
Чалтрап турған чарых күн  
Чалбах чирні чылышсын,  
Чинъістіг знамя алтында  
Чааска көрербіс, алғаным.

1941 ҹ.

## ÖРІНІСТІГ КҮН.

Ізіг чүректі өріндірчеткен  
Ил чон пайрамы—пістінъ Май—  
Илбек чинъістер көрімі полчатхан—  
Изен ползын, пастағы Май!

Көстеліп сыххан чарых күн  
Көлбейгенні ол чылышта,  
Кöёленістіг пістінъ Май  
Көнънібісті тынъ чарышта.

Кирі апсаҳ, кічіг пала  
Хол чидінізіп парчалар,  
— „Хайдар сірер?“—сурза,  
— „Хызыл площадьсар“ — тіпчелер.

Алтынсарых, ўстінсарых,  
Іскер, кидер—прай чирде  
Аарлаң, ырлап Сталинны,  
Аарлығ күнні чон иртірче.

Істеніс, көбленис өрчіде,  
Илбек пістінъ чон көглесче.  
Ирее, алдарас идіп күрезігде,  
Илнінъ чирінде Май иртіпче.

Хан тәгілістіг чаалас анда  
Хачан-полза тоозылар ла!  
Хуллатырчатхан істенчі чон  
Хада пісненъ пастырар ла!

Киide, чирде, талайды  
Геройствонынъ сабы оссін.  
Колхоз, совхоз, шахтада  
Кöп чинъістер саны оссін.

Читкен чидіге өрініп,  
Чир тохтабасха Сталин теен.  
Чоннынъ учүн, чааска учүн  
Че пазох алнынзар, ўлустіг чон!

Пір чыл ибріп айланғанынча,  
Пазох көп чидіг тударбыс.  
Паза пу күннер чағдашанча  
Піс choохтирыбыс: „Анымчох, Май!“

Май. 1941 ы.

## МАЛ ЁСКІРЧЕНЪНЕРГЕ.

Хадарған малның турлаана  
Хакассия прай пик сабыхты,  
Хырых бőр аның малына  
Хати хайғ ам салылды.

Хакассиябыс хаалағ сай  
Харах кۆзіне тыш парча.  
Халын бőр чылның сай  
Хоза кöптеліп, öсчетче.

Чіченъ нимезі чох кізінің  
Чуртазы полбазы тайма ба?  
Чиир азии чох ол малның  
Чыл ас-полбазы чапсыс па?

Азиин тимненъер, арғыстар!  
Астап турбазын ол маллар!  
Арығны, чазыны сабынъар.  
Арда түзўмніг идінъер!

Пирілген от планын толдырарында,  
Пір дее халбанъар, арғыстар!  
Прай азиибыс, чуртыбыс таа  
Пістінъ малда ноо, арғыстар!  
Азии, чадыны, сугады—  
Ана ол бёні, нанчылар!  
Арғыс Сталин чоохтапча  
Чалғыс таа кізі тоғынмин,  
Чатчатпазын ол көлекте!  
Сёрбочілеп чадарга сböдерде  
Закон чоғыл амды кемге дее.

Тылнанъ фронттың аразы  
Табыс-парған—пілнъер!  
Тооза оттынъ тоғызын  
Табрах идерге күстениъер!

*Август, 1941 4.*

## ПАСТУХТЫНЪ ЫРЫ.

Хадарғаным—колхоз малы, хара хойларым,  
Хуба қазыда чайылып чөрнъер  
хыраларда.

Ибіргенім—ил-чон малы,  
ине хойларым,  
Иртеезінök тууп пастанъар  
часхыда.

Хадарған минінъ хара хойларым,  
халых малы,  
Хызыл күн кидер айлан-парды—  
орай полыбысты;

Хынчанъ чирзер чадып аларға,  
че парнъар!  
Хырланъ чирденъ, оттығ қазыданъ,  
ам тосханда,

Айландырғаным, хара хойларым,  
обрліг малым,  
Айланып түзінъер ээн қазыданъ,  
частанъ қазыданъ;

Аймах-пасха үнінъерненъ майлланъар—  
хоос ползын,  
Ах пулут чіли көчіп түзінъер—  
бекер ползын.

Көглезіп сірер түсчетсенъер, истерге хынығ,  
музыка осхас,  
Көчіп сірер парчатсанъар, ідőк хынығ,  
пулут осхас.

Майлазып инчесенъер—өріністіг маға,  
күлүн-турчам.  
Пасхлап отты, парчатсанъар—паарсастығ маға,  
сағын-турчам:

Алында ирткен туста—  
мынынъ алнында  
Айдас көп малны пір кізі тутчанъ—  
ачын пай;

Анзы-мынзы чох пістег-пістеглер—  
choх-choос чон  
Анынъ хулы полып, алдарап чёрченъ—  
аста-сугда чох.

Ам пістінъ туста, чон ўлгүзінде—  
тинъ ўлгүде

Анып, маннап ёскірчебіс ол малны—  
колхоз малынъ  
Анынъ эзі полып сабланчатхан  
чир ўстінде  
Піспіс ады сіліг советской  
колхозникті  
Ирте часхызын, сині читсе,  
паарсастығ малымъ,  
Ікілер хураган изертіп-чөрзэр  
полғанынъар лаң  
Ічем партия, Сталин позы—  
—чахааннар маға,  
Илбек күс салып, мал ёскірерге—  
колхоз малынъ.

1940 4.

### ХЫС ПАЛАНЫНЪ ЫРЫ.

Чылбранъ тұктіг Тораттынъ  
Чолча чортханын чон көрзін,  
Чаланъа чёрченъ позымнынъ  
Чайылдырғанын чон көрзін.

Чаланъ постадып чёрерге  
Чон салған чоллар илбек ное!  
Чарыда ўнненъ кóглирге  
Чалахай чаҳсы кóг кóп ное!

Чёрісчіл атха мұнгендеге,  
Чёринн сынабас полам ма?!  
Чуреем чағынын көргенде,  
Чағдап, тоғаспас полам ма?!

Хызыл Торадым чорт-парза,  
Хыйғанах отты чил толғаай,  
Хыс позымны ол көрзе,  
Хорылып чүрее ойналғай.

Хыйға Торимнынъ пүдізі  
Хараҳтынъ одын тартхай,  
Хыс пала—позым кóглеені  
Хынған чүректі ол толғаай.

Июль, 1941 4.

## ПАРОВОЗ.

Чалбах сыртылығ көлбейген чирні  
Саны чох ибірче паровоз,  
Соона ілдіріп вагоннарны  
Сиикче чолынча „обоз“.

Ээн назыны ётре парча,  
Ээлендірче аны табыснанъ;  
Яңы тағданъ таға атыхча,  
Ээлеп, соолап ол сонъ халча.

Нинче-нинче вагоннарны  
Нинк тартыпча күстіг ол,  
Нызрам сындырылығ теерпектері—  
Наа техника паза ус хол.

Хуба назыны ол кизіп,  
Хая-тағларны ётіпче,  
Хуюннанъ табрах ойлапча,  
Хада чил соон сүр-парча.

Тұдұні сығып паровозтынъ,  
Тубан, пулут полып брлепче,  
Табрах сиилчектен поезд соонанъ  
Тоозылбас-парбас ол субалча.

Табраанды поезд парчатса,  
Тағлар, сұғлар, тайғалар  
Тыплатхан харахты асханча  
Тур-халчалар ай-соонда.

Халын кииге чон „ады“  
Хорғыдызы чох шурупталча.  
Хри-пазы чох ээн назыны  
Узада, тоғыр кис-чёрче.

## САМОЛЁТ.

Халын кинні тобырчадыр  
Хатығ ханаттығ самолёт,  
Тиксі чирні ибірчедір  
Тилік ханаттығ самолёт.

Киігे кире шурупталчалар  
Кибрек нимес пропеллерлер  
Піліп машинаны ал-чөредір  
Пістінъ советской пилоттар.

Хойығ пулуттарны аралап,  
Чоғар кии хыртызын хастапча;  
Тигір пәзинн ол синеп,  
Піліп аларға харасча.

Талайлар кизіре ырах сиіліп,  
Харлығ пораанны тобырча;  
Корабльларға ол хабазып,  
Ыраххы полюсты кілепче.

Іди советской махачы пилот  
Тудығ пілбин хачан даа учуғар,  
Кирек полза, пістінъ воздушной флот  
Ыырчаа тогыр хорыхпин турар.

1940 н.

102790

ШТЫГАШЕВ  
ПЕТР ТАРАСОВИЧ

(1886—1943 чч.)



Штыгашев Петр Тарасович 1886 чылда Таштып райондағы Чогархы Мадыр аалда чох-чоос аңъчының семьязында төреен. 11 частығда Мадардағы миссионерскай церковно-приходской школада ўгреніп пастаан. 1900 чылда, церковно-приходской школаны тоозып, Бийской миссионерско-катехизаторской училищее кірген. Ол училище де духовнай кадрлар тимнеченънер.

1908 чылда, миссионерско-катехизаторской училищени тоозып, П. Т. Штыгашев, абыс полып тоғынарға хынмин, школазар ўгретчі полып тоғынарға парған. Ол тустанъ сығара позының чуртазы тоозылғанча позының хынчахан киреен—школа тоғызын тастабаан. Ол Мадардағы, Киндерлігдегі, Соос пилтіріндегі, Ис пилтіріндегі паза аннанъ даа пасха, Асхыс паза Таштып районнарының школаларының устагчызы полып тоғынған.

1930 чылда Штыгашев арғысты облОНО Черногоркадағы горно-промышленной училищезер тоғынарға ысхан. Ол школада Петр Тарасович 11 чыл тоғынған. 1939 чылда Черногорканың істенчілері аны Черногорской городской советтың депутатына избирать полғаннар.

1941 чылда Петр Тарасович Абаканзар областной национальной издательствозар ызылған полған, анда 1942 чылға читре тоғынған.

Үгретчі полып тоғынып, Петр Тарасович чонның устнай творчествозынанъ интересоваться полчанъ; ырлар, рассказтар, кип-choхтар пазып, анат оларны обрабатывать полчанъ. Фольклорнай произведениелернің мотивынанъ Штыгашев арғыс позының оригиналнай произведениялерін пасчанъ. Ол онъдайнанъ, анынъ „Манънай вожак“, „Теерке киес“, „Апон чалчы“ тіп стихотворениелері пазылғаннар.

П. Т. Штыгашевтынъ стихотворениелері, тілбестеен произведениялері 30 чылларда печататься полып пасталғаннар. Че Петр Тараковицтынъ школаа тынъ хынып тоғынғаны паза улуғ общественнай тоғызы ағаа пүкүлөө литературанай тоғысха сабыл-парапын пирбеееннер. Поэзиянанъ ол ўгретчі паза общественнай тоғыстань пос туста, тынған на туста заниматься полчанъ. Андағ даа полза, Петр Таракович хакасской литературанинъ бозеріне улуғ влияние идіп, анынъ төстегчілерінинъ пірсі полча.

П. Т. Штыгашев арғыстынъ илееде көп рукописьтары читре тоғынылбин халғаниар... Петр Таракович 1943 чылда ўреп парған.



## ХАКАС ЧИРІНІНЬ ПАЙЫ.

Пістінъ хакас чирінде  
Прай тузалығ ниме пар:  
Палых, анънар, хустар даа  
Паза аарлығ металлар.

Хара тағнынъ істіненъ  
Хара көмір хазылча,  
Хакас чирі анынанъ  
Хызылчарны<sup>1)</sup> азрапча.

Ала тағлар аразынанъ  
Алебастр хазылча;  
Аннанъ тоғыр хаяданъ  
Ах барит тас алылча.

Көк хаялығ Узун чул  
Киндір тастығ полчадыр,  
Көгер-турған „Пулан көл“,  
Көні тағда турчадыр.

Сорлап аххан Нимір сүғ  
Сайда алтын тутчадыр;  
Саалап аххан Нині сүғ  
Сарығ тіген пирчедір.

Тибік сүгнынъ хазында  
Тимір теерпек айланча;  
Таснанъ пірге алтынны  
Тооза унадып ол пöлче.

Оленъ сүгнынъ тағлары  
Өтре чис, молаттылар;  
Öбн тайғанынъ анънары  
Öбрненъ анда чёрчелер.

<sup>1)</sup> Хызылчар—Красноярск.

Пилденъ сыхханъ Сон чулда  
Пик тыт ағас кизілче;  
Пёле чарған хаяда  
Прай аймах сыр табылча.

Тойым чулнынъ істінде  
Тағлар парчан ўтелче;  
Тасты сыйныхташ көргенде,  
Тооза чисті таптырча.

Парчазын choохтап полар ба  
Пайынъны синінъ, Хакассия?  
Прай ла чирінъде синінъ  
Пöгіні дее чох кöп изінъ!

Пай пістінъ Хакассия,  
Пай пістінъ прай страна—  
Ол компартиянынъ сылтаа,  
Ол Сталиннынъ устaa.

1940 ң.

#### КОЛХОЗНИКТАРҒА.

Часхы тим айланысча,  
Чалтрап-ала күн сыхча,  
Чазы чапсых чыстанча,  
Чадарға манъ чох тілче.

Күстіг пістінъ колхозтар,  
Кöгліг сығып чазызар,  
Күр „харатты“ чидіне,  
Кубур чирні таланъар!

Алындағы онъдайбынанъ—  
Апсахтарча ам полбин,  
Аграномнынъ ўгредииненъ  
Арығ астар таарынъар.

Кöп чирге сүг чайдырып,  
Кирек чох отты чулнъар;  
Кёнънібісче іди бскіріп,  
Кöп урожай алаанъар!

1941 ң.

## АНИСАНЫНЪ ТОҒЫЗЫ.

Алындағы тимнерде  
Апсахтарча полчанъмыс,  
Асхыстағы тигірибде  
Абыстарны исченъміс.

Киректігні туста итпін,  
Кирек чохха салдырып,  
Кирі, чинді ол туста  
Пір кибірні тутчанънар.

Тигірибденъ ибзер киліп,  
Тыннарынга ачынчанънар;  
Тоғыс киреен ундубызып,  
Тоғланғанча ісченънер.

Түзеен тұс ле ол осхас,  
Тұн хараа ла полғандаг;  
Төреен орай олғаннар  
Тұбі чох choхха киртімес.

Амды ипчі ирненъ тинъ,  
Аарлығ чуртты көдірче;  
Анынъ узы алныбыста  
Алтын чілі чылтрапча.

Колхозта мин тоғынчам,  
Көп киректер апарчам;  
Күннінъ норма толдырчам,  
Күзімні мин аябинчам.

Иртен чазаа мин сыхчам,  
Ирке малны ўдесчем;  
Ибге киліп, хайынчам,  
Ізіг тамах пызырчам.

От, хыралар тузында  
Одырарға манъ чоғыл,  
Үйфуда чатхан улусха  
Ундар хыртыс мин полчам.

Аяс күннер килгенде,  
Азын малға тимнепчем;  
Ас-тамахтар пысханда,  
Алтын помнар палғапчам.

Мага пирген пом планын  
Марығ идіп толдырчам,  
Маттап мин сірен-парзам,  
Мунъянъ азырох пирчем.

Пайрам читсе, мин клубта,  
Парып, ойыннар көрчем;  
Пос тим килзе, школада  
Пічікке, санға чапсынчам.

Ударниктар прайзыбыс полып,  
Улам чуртты пик идербіс;  
Удур күлгөн ырычыларны  
Үүр-тобінтін сабарбыс.

Пазым минінъ чарыпча—  
Прай киректі сизінче;  
Партия түс апарча—  
Привет Стәлинга пирчем!

1939 4.

### ЧАЛЧЫ<sup>1)</sup>)

Апон тіп пір чох кізі  
Абыста чалчы полған.  
Алты чылча тоғынып,  
Алымнанъ ол сых-полбаан.

Иркін хринда узучанъ,  
Иргі таарын чабынчанъ.  
Иртен ирте тонанчанъ,  
Ибде тоғынып хайынчанъ.

Чіг іпекненъ чай ізіп,  
Чазызар отха ол парчанъ.  
Чалбах соорлар таарлап,  
Чадап ла ибзер килеменъ.

Абыс, пасхыста турып,  
Апонны тынъ көксеченъ:  
„Аар соорлар син салып,  
Аттарны тирлетчезінъ!“

Узун састығ абысха  
Удурлап чоохтанмаанъ.  
Үзүгі чох ол хырыстырып,  
Улуг ла тын-сал-чөрченъ.  
Айнынъ соонанъ ай иртіпче,  
Абыс чурты хайнапча;  
Апон маттап тоғынча,  
Арығданъ ағас тартыпча.

<sup>1)</sup> Рукопизының соонда автор піді пас-салған: „Мадыр, Таштып районы, 1910 4.“

Пастап ла пу стихотворение 1 № альманахта 1940 чылда сыйхан.

Ипч ізі ибде чуртап,  
 Ирін тилем көрбеченъ;  
 Иртенненъ-ала астап,  
 Иирге теере істенченъ.  
 Малларны чахсы көріп,  
 Манъат отнанъ азрачанъ;  
 Майыхханча тоғынып,  
 Мах абыстанъ испеченъ.  
 Чылнынъ соонча чыл ирткен,  
 Чап абыс улам на паян;  
 Чалчы Апон хызылған,  
 Чалғыс турачаан сатхан.  
 Ағас чахсы тимнедіп,  
 Абыс тура пұдірткен;  
 Апон аргыс саназып,  
 Арығ-хуруғ сых-парған.  
 Пар-чох күзін прай пиріп,  
 Пір дее ниме табынмин,  
 Пүүр абысты пайызып,  
 Позы тасхар чат-халған.  
 Чалчы кізі тоғынчанъ,  
 Чурт ибіне тартынчанъ;  
 Чабас төреен Апоннынъ  
 Чалғыс тыны ла халған.  
 Худай сөстіг тох абыстар,  
 Хурт-хоос осхас полчанънар:  
 Хайда ниміс тапсалар,  
 Ханын ўзе сорчанънар.

### ТЕЕРКЕ КНЕС<sup>1)</sup>).

Иргідегі тустандарда,  
 Ис-пилтірі тіп аалда,  
 Илнінъ пазын устачанъ  
 Иттіг Теерке кнес полчанъ.  
 Хазыр полчанъ Теерке кнес,  
 Халых чонны тынъ хысчанъ;  
 Харысчатхан прай улус  
 Хамчыбынанъ чыртырчанъ.

1) 1928 ыйлда П. Штығашев, Соос-пилтірінде югретчі полчадып, Казагашев Аран апсахтынъ Ис-пилтірінде киес полған Теерке пайданъар қоохтаан қоғын пас-салған. Соонанъ ол қоох „Теерке киес“ стихотворениенъ бөйнене салылған полған. Пу стихотворение пастанла 1 № альманахта 1940 ҹ. сыххан полған.

Арга чонны ол чығчанъ,  
Арығ албан салдырчанъ;  
Айландыра прай пайларны  
Арагананъ ол сыйлачанъ.  
Сыдан-полбас чохтарны  
Сымыхпинанъ чыртырчанъ;  
Сыдир, койтік пайларға  
Садығ малын алдырчанъ.  
Кнес оол амыр чуртапча,  
Киреен чаҳсы апарча;  
Күннінъ алчылар ол кирче,  
Күр тамахнанъ азрапча.  
Хазаада мал көптелче,  
Хылыхха ниме чарапча;  
Холға ахча киргләпче,  
Хоных чаҳсы пиктелче!  
Аймах тоғыс хозылып,  
Айландыра хол тілепче,  
Амды Теерке улам пайып,  
Аяғ чох чалчы чаллапча.  
Ол тустанда хакас пайзар  
Русской пайлар киличенънер;  
Олар прайзы Тееркезер  
Ой сүмененъ кірченънер.  
Хакас пайларнанъ сыйлазып,  
Хынған чирің алчанънар;  
Халых чоннанъ қазырып,  
Хара пічік итченънер.  
Пастых Теерке Соос чирні  
Пай русскайларға сатхан;  
Прай чох-чоосты ўредіп,  
Покос, чир чох артысхан.  
Хапнанъ ахча ол алған,  
Русской пайларны сыйлап;  
Харны анынъ ёс-сыххан,  
Хатығ улам пол-сыххан.  
Паза Киндірліг чирің  
Пай нанчыларынаох сатхан,  
Пазох Теерке кнес иткен  
Пір дее чонға искірбин.  
Киндірлігдегілер тыстанмин,  
Күсненъ чирің пласханнар.  
Күр пайларданъ хорыхпин,  
Күрезерге кіргеннер.

Симіс пайны чыртханнар,  
Санъай сағыс тутханнар;  
Сиденнерін оотханнар,  
Сырай, хол палығлааннар...

Хара хұсқуннар чіли,  
Хакас, русскай пиглер  
Хада-піріге читкеннер,  
Хатығ chargы иткеннер.

Нинче-де кізіні чыртханнар,  
Нинчезін-де чапханнар;  
Пастағызы полған кізілерін  
Паза айланмасхә ысханнар.

Чахсы даа сурағ итпин,  
Чарғы киреен тоосханнар;  
Чирденъер дее чоохтабин,  
Чылыға піди тееннер:

„Малнанъ хончатхан улус  
Маннап хыра тартпинча,  
Махалығ чир кирек нимес—  
Малға сас, тағ даа чарапча.

Русскай пай чирненъ хонча,  
Оларға чир кирек полча;  
Ол асты көп тартыпча,  
Одырбин даа тоғынча“.

Айландыра чох-чоостар  
Анда сым на турғаннар;  
Ананъ, хол саап, чоохтааннар:  
„Ахча даа күстігőк полтыр!“

Чох-чоостар ўреченьнер;  
Чирін тооза саттырып,  
Чиркеен пай күрленченъ,  
Чабал Тееркее ізеніп.

Харанға чон чоохтасчанъ  
Хайди Теерке пайычаанъ,  
Харах көзіне сым полчанъ,  
Хазыр пигденъ чалтанып.

Хайди-піди хоп полза,  
Хомай ол кізее полчанъ;  
Хоза сылтағ табылза,  
Хатығ чыртысты көрченъ.

Хол, азағын палғатчанъ,  
Хара чирге тастатчанъ;  
Хырых сымых турғысчанъ,  
Хан идіненъ чачрачанъ.

Чабал ўнненъ хысхырчанъ,  
Чирні тісненъ хабынчанъ;  
Чара алчаа чох полчанъ,  
Чалғыс тыннығ ла ол халчанъ.

Іди хакас ўречень,  
Іди чирін платырчанъ;  
Іди Теерке пайычанъ,  
Іди чирні ол сатчанъ.

\*\*\*

Чыл соонча чыл ирткен,  
Чыргааннынъ түгенчізі читкен;  
Чох-чоос чоннар пірігіп,  
Чох иткеннер оларны.

Хара сағыстығ ханчылар  
Класс полып інгеннер;  
Харағы тоспас Теерке кнес  
Хадох андар сүрдірген.

Көрінмес хрилығ чазылар  
Кікненъ артых онъзінген,  
Күр Тееркенінъ уязы  
Колхоз туразы пол-парған.

1940 ҹ.

### МАНЬНАЙ ВОЖАК.\*

Мадыр сүғнынъ хазында  
Манънай анъчи чуртачанъ;  
Манънат, истіг тайғада  
Марачы ол тустачанъ.

Маннап хыра тартпаchanъ,  
Мал хазаада тутпаchanъ;  
Манъзранмін тимненченъ,  
Марачызына чёр-сыхчанъ.

Чалғыс ады пар полып,  
Чорых анынанъ итченъ;  
Чарых күнні иртіріп,  
Чачрах анъны хадарчанъ.

\*) Штыгашев П. Т. ўгренчеткен чылларда каникулға киізде, фольклор чығчанъ. Пу стихотворение анынъ ағазы chioхтаанынъ пазылран; рукопистынъ союза пілі пазыл-парған: „Ағамнынъ чоогы, 1905 чыл, августтынъ 2 күні“.

Атхан-тапхан анънарын  
Алым үчүн пир-салчанъ;  
Анынъ көмес халғанын  
Азыхха ла тут-салчанъ.  
Чылданъ чылға ол анънап,  
Чыс тайғаны прай пілченъ;  
Чапчанъ анънарны китең,  
Чоо атхлап ол алчанъ.  
Чалғыс адына мүніп,  
Чиит улусты ал-чёрченъ;  
Чорых ырыстығ полып,  
Чөріс тикке полбачанъ.  
Ах тасхылларча чёріп,  
Аймах анънар атчанънар;  
Андох терізін сойып,  
Анънынъ идін чіченънер.  
Күскү читсе, тиин атып,  
Көпті олар табынчанънар;  
Койтік садығчаа садып,  
Күчүр чох ўлесченънер...  
Ачын пайлар піл-салып,  
Арағалығ килченънер;  
Анъчы Манънайны чаллап,  
Алтын кілеп чёрченънер.  
Аяс күн ізіг салчанъ,  
Ах „Хан-сын“ чалтрап турчанъ;  
Анъчы Манънай чол салчанъ—  
Абаканны чохтаchanъ...  
Ай артығынанъ чёріп,  
Алтын айдас тапханнар;  
Ах тасхылны ибріп,  
Аарлығ тастар көргеннер.  
Тапхан сүғны столбалап,  
Тіген ағас кисченънер;  
Төрт хырлығ иде чазап,  
Танъмалап турғысчанънар.  
Пайларны көп ал-чёріп,  
Пір дее ниме албачанъ;  
Пос адын чоо иреелеп,  
Полыс чир дее көрбеченъ...  
Манънай ибде одырған,  
Манънат нымахтар салған;  
Маттап чазап апарған;  
Махтап аны чон исken.

Алыптар тудысханын  
Артых хоостап апарған;  
Ачын пайнынъ хыйтығын  
Ачығланып ол харғаан.

Халых чон мыны истіп,  
Хада-пірге хомзынчанъ;  
Харахтары частанып,  
Харгасты ол пирченъ.

Пір күскүде ол чөріп,  
Пәзік чирде „сүғ“ тапхан;  
Пазын, чүзін чууп көріп:  
„Пу сүғ тик сүғ полбас“ теен  
Пу хабар прай чайылып,  
Парчан чонга истілген  
Пілченъ кізі чох полып,  
Прай іди ле ус-парған.

Илееде тим ирткенде  
Истіл-парған Минсуға,  
Искен choохты пілерге  
Имчілерге киліскең.

Минсуғданъ олар сығып,  
Мадыр суға читкеннер;  
Манъат choохнанъ апарып,  
Манъайны чаллааннар...

Истіг адын изерлеп  
Имнегчілері пастаан;  
Иреे чолда көп көріп,  
„Ймніг суға“ ол читкен.

„Чылығ сүгнү“ сынхтап,  
Чүрекке чарир тееннер;  
Чибіргі күн иртіріп,  
Чорых иbzер тутханнар.

Чол көзідіп чөрген ўчүн  
„Чол вожагы пол“ тееннер;  
„Чылығ суғ“ тапхан ўчүн  
Чис таныхты хазааннар...

Манъай ал-чөрген пайлар  
Манъат алтын чұғчанънар,  
Мадыр чирін иртченънер,  
Манъайға көrbеченънер.

Көп чон чөріп имненченъ,  
Көбізі прай чазылчанъ;  
Курорт осхас ол полчанъ,  
Көгненъ чон чөр-турчанъ.

Харам пайны көдіріп,  
Хан чонға полыспачанъ;  
Хайди-полза, чон чуртап,  
Харнына ла тоғынчанъ.  
„Чылығ сүгни“ ол азып,  
Чахсы даа ниме көрбен;  
Чабал пайға тоғынып,  
Чох позынанъ ол халған.  
Совет ўлгүзі киліп,  
Санъай чохха полысча;  
Сидік тайғаны ўтеп,  
Сомчанъ курорт пүдірче.

1940 ң.

### КҮСКҮ.

Тогыс улам öёнінде,  
Трактор чирні харалтча,  
Төрім күннінъ хубулча,  
Тіріг-тынның тарапча.

Улуғ ёйрененъ чылызып,  
Удур-тöдір тапсазып,  
Узун мойынның турналар  
Узах чорых парчалар.

Ағас пүрі чайылча,  
Аал, чолларча ойлапча,  
Арығ істі сарғалча,  
Алтын чіли چалtrapча.

Колхозниктарның маллары  
Кöölче оттап, тосчалар,  
Күстіг чонның палалары  
Күннінъ школаа чöрчелер.

Алып күстіг колхозтар  
Ах чазыда полчалар,  
Аймах астар саапчалар,  
Чонның пайын хосчалар.

1935 ң.

## ЧАСХЫ.

Харлар, пустар хайылчалар,  
Хатығ хысхы тоозылча;  
Хынығ күннер айланчалар,  
Хызыл часхы пасталча.

Аалға хустар чидісчелер,  
Аймах чирденъ айланып;  
Аарлығ үннер истілчелер,  
Арығ сұғны тіргізіп.

Піріктірген ирке маллар,  
Пір хазааданъ сыхчалар;  
Прайзы көні қазы, пүксер  
Пик азралға парчалар.

Колхоз чоны күстенчедір  
Көл аймах ас таарирға;  
Күрезігін апарчадыр  
Күстіг хонин тыыдарға.

Чылығ нанъымыр тоолапчадыр,  
Цирнінъ паарын нымзадып;  
Чахаяхтар алчасчадыр,  
Чарых күнге өрініп.

1935 4.




## СОДЕРЖАНИЕ

Советской Хакассияның пастагы писательлары . . . . .	3
<b>КОКОВ МИХАИЛ СЕМЕНОВИЧ</b>   (биография) . . . . .	
Орнестіг тоғазығ (рассказ) . . . . .	19
Акун (пьеса) . . . . .	45
Сталіяның адынанъ (стих) . . . . .	97
Өскен чирібіс СССР (стих) . . . . .	98
Хакас чирі (стих) . . . . .	99
Комсомол (стих) . . . . .	100
Изен, аэрлығ Май! (стих) . . . . .	101
Тимдебіс хаңан даа . . . . .	—
Призывникиның ыры (стих) . . . . .	102
Пістізінъ (стих) . . . . .	103
Ипчілер ыры (стих) . . . . .	105
Самурайлар көкеениер (стих) . . . . .	—
Ынанмас (стих) . . . . .	107
Сын чүрек (стих) . . . . .	110
Хысхачаң тахпахтар (частушкалар) . . . . .	111
<b>АРШАНОВ МИХАИЛ АЛЕКСАНДРОВИЧ</b>   (биография) . . . . .	
Ленининъер (стих) . . . . .	116
Чарых чылтыс (стих) . . . . .	117
Ленининевъ Сталияның партиязына (стих) . . . . .	118
Москваданъар (стих) . . . . .	119
Советской Хакассия (стих) . . . . .	121
Öбн законыбыс (стих) . . . . .	123
Пістінъ кандидалыбыс (стих) . . . . .	123
Пастагы Маршал (стих) . . . . .	124
Сталияның ўчүн чаага паарбыс (стих) . . . . .	125
Чиньіс ыры (Бир) . . . . .	127
Миннінъ чахним (стих) . . . . .	128


Орнестіг күй (стих) . . . . .	129
Мал ёскірченънерге (стих) . . . . .	130
Пастухтың ыры . . . . .	131
Хыс паланың ыры . . . . .	132
Паровоз (стих) . . . . .	133
Самолёт (стих) . . . . .	134
<b>ШТЫГАШЕВ ПЕТР ТАРАСОВИЧ (биография)</b> . . . . .	<b>136</b>
Хакас чирінінъ пайы (стих) . . . . .	139
Кохозниктарға (стих) . . . . .	140
Анисаның төғизы (стих) . . . . .	141
Чалчы (стих) . . . . .	142
Теерке кнес (стих) . . . . .	143
Маньтай вожак (стих) . . . . .	146
Күскү (стих) . . . . .	149
Часхы (стих) . . . . .	150

Редактор А. К. Манаargin.

Подписано к печати 30 ноября 1949 г. АЧ00585. Печатных листов 9,5 Уч. изд. лист. 7,6.  
Тираж 3000 экз. Зак. 3148. Тип. из-ва „Советская Хакасия”, г. Абакан. Цена 5 руб.







Паазы 5 сал. 350